

Ellen G. White Estate



KRISTOONA JA • KURANG

ELLEN G. WHITE

**KRISTOONA
JA•KURANG**

Ellen G. White

**Copyright © 2014
Ellen G. White Estate, Inc.**

Information about this Book

Overview

This eBook is provided by the [Ellen G. White Estate](#). It is included in the larger free [Online Books](#) collection on the Ellen G. White Estate Web site.

About the Author

Ellen G. White (1827-1915) is considered the most widely translated American author, her works having been published in more than 160 languages. She wrote more than 100,000 pages on a wide variety of spiritual and practical topics. Guided by the Holy Spirit, she exalted Jesus and pointed to the Scriptures as the basis of one's faith.

Further Links

[A Brief Biography of Ellen G. White](#)
[About the Ellen G. White Estate](#)

End User License Agreement

The viewing, printing or downloading of this book grants you only a limited, nonexclusive and nontransferable license for use solely by you for your own personal use. This license does not permit republication, distribution, assignment, sublicense, sale, preparation of derivative works, or other use. Any unauthorized use of this book terminates the license granted hereby.

Further Information

For more information about the author, publishers, or how you can support this service, please contact the Ellen G. White Estate at mail@whiteestate.org. We are thankful for your interest and feedback and wish you God's blessing as you read.

AGANCHENGANI

Ia ki•tapni bimung uni miksonganiko agana. Uan Jisu saksamangmang janggikatchini nanganirangko on•na man•na ine mesoka aro kenchakgipa aro dondikgiparangni ja•arango “ tom•tomani ramaona re•atanga.” Uan an•tango matchote on•kanganio aro jokatgipa kasachakanio mogija ka•donganio aro papirangni ripengni rakigipa bilo mann•a amgipa patianini suakaniona kakket dakani aro cholono ong•sia grianiko amgipako Kristianni janggi tanganini rama gita ka•sne ka•sne re•dila. Ia jakrango skiania bang•a duk man•enggipa janggirangna ka•dimeani aro ka•donganiko ra•baaha, aro Nokgipa bang•a ja•rikgiparangko (jak 6 oni) uamangni salgini Dilgipani ja•kuko ga•e (jak 5 oni) ka•dongbate aro ka•srokbate re•na amata. (Jak 6 oni) Ia apsan dakchakaniko nangnikgipa bang•batana ian apsan koborko on•gen ine ka donga.

“ Salgiona jokatna jang•kirang nachina.”

Indaken Jakobna ong•aha, jensalo ua an•tangni papchi Isoloni dingtangatako man•aha ine ua kene gisiko duk man•engachim, ua tue neng•takaha, aro “ ua jumangko nikaha, aro nibo a•ao jang•ki ge•sako songaha, aro uni ku•chot salgi nangtingachim.” Indake a•a aro jagringarigipa jang•kipangni kambeo chadenggipa Ua branggipana ka•dimeani katarangko aganaha. Ia jangginramani katako poraigipa gimiknan ia salgini nikaniko niktaitaiani ong•china.

Chapaka•atgiparang.

[6]

[7]

Contents

Information about this Book	i
AGANCHENGANI	ii
Isolni Mandena Ka•saa — (God’s Love for Man)	4
Papini Kristoko Nanga — (The Sinner’s need for Christ).....	10
Gisik Pil•ani — (Repentance)	15
Pap Ku•rachakani — (Confesnon)	26
On•kangani — (Consecration)	30
Bebe Ra•ani Aro Ra•chakani — (Faith and acceptance).....	35
Sninggipako Niani — (The Test of Discipleship)	40
Kristoon Dal•oroani — (Growing up into Christ)	47
Kam Aro Janggi. — (The Work and the Life.)	54
Isolko U•iani — (Knowledge of God)	60
Bi•ani Chol — (The Privilege of Prayer)	66
Kenchakako Mai Dakna — (What To Do With Doobt)	74
Gitelo Ka•srokani — (Pejoicing in the Lord).....	81

Isolni Mandena Ka•saa — (God’s Love for Man)

Ong•telaigipa bewalrang aro Sastro Isolni ka•saaniko apsan saki on•a. Salgio donggipa an•chingni Paan, janggini, u•ianini, aro katchaani ja•pang ong•a. Aiao inmanpilgipa bewalrangko niatbo. Uarangni aiao inmanpilgipa, kusi ong•na aro nanganirangna melie dakbaengako chanchiatbo, mandenisan ong•aija, indiba pilak janggi gngangiparangniba. Sal ba mikka, a•brirang, aro a•kawerang a•gilsakko an•saoate, katchaate, pilakan aa•chingna Dakgipani ka•saaniko mesoka. An•tangni ong•atgipa katarang gita—

“Pilakni mikronrang nang•na sengsoa;

Aro nangan salo na•a uamangna uamangni cha•aniko on•a.

Nang•ni jakko na•a badalata, aro janggi tanggipa pilakni skako chu•sokata.” Gitarang 145:, 15, 16.

Isol mandeko chu•soksrange rongtale aro katchabee dakaha; aro nitogipa a•a Ong•atgipani jakoni ong•baon jakrurongani ba saa man•ani chin gri. Ian Isolni niamko pe•ani gimin ong•a-ka•saani niamko-uasa duk aro sianiko ra•bara. Papni a•sel dukni bijatchio ong•engoba Isolni ka•sanniko parape•aha. Sea gngangje Isol mandeni a•sel a•ako sao on•aha. A•ba. 3:17. Bu•surang dikpripenganirang aro nina dakanirang ia janggi tanganio neng•-skimata-uarangko uni namgnini gimin donsoaha. Papni ra•bagipa nisie ra•onaoniko uko de•dogrina Isolni miksonganio dake skina nanggipa mingsa duk ong•a A•gilsak ga•akahaoba duk aro skimao ong•chajawa. Ong•telaigipa bakrangan ka•dimeani aro ka•dongani katarang gngang. Bu•su chagiparango bibalrang gnag, aro bu•surangko golaprang pindapa.

“Isol ka•sagipa ong•a,” ine balgaoenggipa bibal ge•antion, tangsimgipa samsi dingantion semanaha. Nitogipa do•drang uarangni knatogipa mikoanirangchi balwako gam•chakata, rinok [10] rinok no•mgipa bibalrang uarangni chu•sok- srgananichi balwako similata, bolgrimni chugipa bolrang uarangni tangsekkame biji-manichi-pilakan rinokgipa, an•chingni Isolni Paa ong•e simsakaniko aro an•tangni dedrangna katchaaniko dakna Uni skaniko mesoka.

Isolni Kata Uni kamko parape•a. Ua an•tangan an•tangni bon•changgija ka•saani aro ka•sachakaniko paraka. “Nang•ni rasongko angna mesokbo,” ine Mose bi•ahaon, Jihova aganaha, “Anga angni pilak namarangko nang•ni mikkango re•pakatgen.” Re•ongkata 33: 18, 19. Ian Uni rasong ong•a. Jihova Moseni mikkangko re•pakate aganaha, “Jihova, Jihova, ka•sachakgipa aro ka•sachakbegipa aro bebe ong•begipa Isol; hajalni hajalna ka•sachakako rakkigipa, namgijako aro ge•etaniko pe•ako aro papko watgipa. ” Re•o. 34:6, 7. Ua “ka•onangna ka•singipa aro ka•sachakbegipa,” Jona 4:2 “maina ua ka•sachakbeao ka•sroka.” Mica 7:18.

Isol an•chingni ka•tograngko an•tang baksa salgio aro chansokgijagipa ka•sanichi kaaha. Mandeni ka•tongni u•ina man•gnigipa dakgiminni kamrangchi aro ning•tubegipa aro rinokbegipa a•gilsakni ka•saachi Ua an•chingna an•tango parape•atna am•aha. Indioba iarang Uni kas•aaniko chu•gimik mosokkuja. Ia pilak sakirangko on•manahaoba, namani bobil manderangni gisikrangko kana ong•ataha, jedakode uamang Isolko kena gnan nienba, uamang Uko ka•ting aro kema ka•gijagipa ine chanchiaha. Satan manderangko Isolde saksa raka bichalko on•gipa ong•a ine ma•sidilaha chong•motan ka•ting bichal ka•gipa, ka•namgijagipa, rake dabigipa, aro gro botgipa. Ua uamangko bichalona ra•bana ine manderangni gualanirang aro daksretanirangko mikbue nirokenggipa Ong•atgipa ong•a ine ua mesokataha. Jisu manderangni gisepo dongna re•baon, Isolni a•gilsakna bonchanggija k•asaaniko parape•achi ia andalgipa ma•sigijaniko jitatna ong•achim.

Pagipako saki one•na Isolni Depante salgioni re•baa. “Darangba Isolko mamungsaloba nikkuja; Pagipani ka•bako donggipa saksa kam•kam Depantean uko parape•aha.” Johan 1.18. “Pagipako Depante aro jena Depante uko parape•na namnika, uamangna agre saksaba u•ija.” Mt. 11:27. “Pagipako chingna mesokbo,” ine jensalo sniggiparangoni saksa sing•ahaon Jisu aganchakaha, “O Philip, indita sal anga na•simang baksa gnan, indiba na•a angko u•ijama? Angko nkgipa Pagipako nikaha, chingna Pagipako mesokbo ine na•a maidake agna?” John 14:8,9.

Uni a•gilsako ka•gni kamko mesokanio Jisu aganaha, “Ua kangalrangna aganprakchina angko to nongaha. Ua rim•gittangaman•giparangna jokaniko, aro kana ong•giparangna

niktaianiko aganpragchina, jeta man•giparangko jakgitel ong•ate watchina angko watataha.” Luk 4:18.

Ian Uni kam ong•a Ua Satanchi sinjeta man•gipa pilakkon an•sengate aro namako dake re•roroaha. Songgimik gimikon noksaoba saa man•e duk man•gijagipa dongjachim, maina Ua uamangko re•pakjoljole uamangni saanirangko an•sengataha. Uni kam uko salgioni to nongani sakkiko on•a. Ka•saani, ka•sachakani aro chakchikanian Uni janggi tangani kam mingantikon parape•aha; mandeni dedrangna ka•sachakbeanio Uni ka•tong suakaha. Uan mandeni bewalko ra•aha jedakode ua mandeni nanganirangko u•ina man•gen. Kangalsranggipa aro onsranggiparanga Uko mikkang pa•na kenjachim. Chonchongipa bi•sarangba Uko mikkang pa•na namnikachim. Uamang Uni ja•skurango maldona aro namgipa ka•saa gnanggipa mikangko nina namnika.

Jisu bebeni kata mingsakoba galjaha, indiba ua pangnan ka•saanio aganaha. Uni manderang baksa agangrikanio simsakbee aro chanchibewale Ua dakronga. Ua mamung saloba ka•giting ong•jachim, ramram ka•onangani katako aganja, gisiko saning-giparangna mamung•saloba-ong•gija sakna•aniko on•ja. Mandeni bilgrianiko Ua chonikja. Ua bebeko pangnan ka•sae agana. Ua cha•chipilgiparangko, beber•a•gijagiparangko, aro namgijagipako manenga, indiba uni ka•onange manengahaon Uni ku•rang mikchichim. Ua Jerusalemna grapaha, je songjinmana Ua ka•saaha, jean Uko, Ramako, Bebeko aro Janggiko jechakaha, uamang Uko Jokatgipako jegalaha, indiba Ua uamangna ka•sachakkuenga. Uni janggi tangania an•tangko jeenba gipinrangna simsakgipa ong•achim Uni nikanio sakantini janggian gamchatachim. Jensalo Ua an•tango salgini mikkim rasongko ra•ahaon, Ua Isolni nokdangni mande sakantiko rinokbee mande ra•a Pilak manderangan ga•akgimin janggirangko Ua nikaha, ian Uni kam jokatna ong•achim.

[12]

Uni janggi tanganio mesoka gita Kristoni kam indakgipa ong•a. Ian Isolni cholon ong•a. Ian Pagipani ka•tongni rongtalgipa ka•saani chiring, Kristoo mesoke manderangni dedrangona jokanga. Jisu, rinokgipa, ka•saabee jokatgipan, “be•eno mesoka,” I Tim. 3:16, Isol ong•achim.

An•chingko pi•okna Jisu tangaha, duk chakaha aro siaha. Ua “dukrangni saksa Mande,” ong•na a•bachengaha jedakode an•ching jringjrot katchaanio bakman•pagiparang ong•gen. Isol an•tangni

ka•sagipa Depante, ka•saan aro bebean gapgipako agansokna ampil-gijagipa a•gilsakoniko papchi simteke dak nanggimin, siani aro sao man•ani salakkimchi andalatako man•gimin a•gilsakona watataha. Ua an•tang ka•san ka•bakoni aro sa•grerangni mande ra•aoni ekbae kratcha•a, chonika, onata, mitchia aro siako chakchikna on•aha. “An•chingni tom•tom ong•gnina doke skianiara Uni kosako ong•aha, aro Uni doka man•achin an•chingko an•sengataha.” Isa.53:5. Bakrao, Gethsemanio, chisolni kosako dongako Uko niatbo, simteka grigipa Isolni Depante papni bojako ra•aha. Ua jean Isol baksachim, Isol baksa apsangipachim Ua gisiktango Papara Isol-mung mandeko akirangdapile dingtangataha, ine u•ina. Saknabee Uni ku•chiloni ku•rang gam•aha, “Angni Isol, angni Isol, Na•a maina angko watgalaha?” Mati 27:46. Ian papni boja, an•skitmanpilgipa namgijani kam Isoloniko janggiko ma•ekatgipa-ian Isolni Depanteni ka•tongko ka•beataha.

Indiba ia dal•begipa sichakanikopagipani ka•tongo jokatna sikgijakosa dakaha ine mangsongja. Ong•chgmotja! “Isol a•gilsakma inditan ka•saaha. Ua an•tangni saksa kam•kam Depantekon on•jok.” Johan3:16. Pagipani an•chingna ka•sara dal•bea kema ka•aniko dakahani gimin ong•ja, indiba kema ka•ani cholko an•chingna ka•saani giminsa on•aha. Kristoan baltigipachim, jechi ga•akgimin a•gilsakni kosakona Uni bon•changgijagipa ka•saaniko rudapatna man•gen. “Chong•motan Kristoo Isolan•tang baksa a•gilsakko nangrimatengachim.” II Kor. 5:19, Isol an•tangni Depante [13] baksa duk chakaha. Gethsemanio simbrabeanio, sianio suakpilgipa ka•saani ka•tong an•chingko pi•okani damko chotaha.

Jisu aganaha, “Iani gimin Pagipa angna ka•sara, maina anga angni janggiko on•chaka, ukon maikai ra•pilna man•gen,” Johan 10:17. “Angni Pagipa na•simangna inditan ka•saa, ua angna ka•saana baten maina nasimangko pi•okna angni janggiko pakwate, na•simangni namgijanirangko, na•simangni niam pe•anirangko ra•achi, anga Pagipanin ong•aha; maina angni boli on•achi Isol toromi ina, aro Jisuo jean bebera•a, Uan toromigipa ong•a.”

Isolni Depantena agre an•chingko pi•okaniko chu•sokatna amgipa gipin gri, maina Uasan mangmang Pagipani ka•bako donggipa uko aganprakna amachim. Uasan mangmang Isolni ka•saani chua, aro ning•tuaniko u•ienba uko ma•siatna man•aha. Ga•akgimin mandeni a•sel Kristochi dakgimin bonchanggijagipa boli on•anina

agrede gimagimin mandena Pagipani ka•saaniko ma•siatna darangba gri.

“Isol a•gilsakna inditan ka•saaha, Ua an•tangni saksa kam•kam Depantekon on•jok.” Ua uko manderangni gisepo dongchinasan, uamangni paprangko ripechinasan aro uamangni boli on•aniko siatnasan ong•aijaha, Ua Uko ga•akgimin jatna on•aha. Kristoba mandeni gisikni skarang aro nangnikanirang baksa ong•achim pangnaba chotgijagipa ka•anirangchi manderangni dedrang baksa an•tangko wingaha. Jisuara “uamangko jongada mingna kratcha•jaha.” “Uara Pagipani singhasonni mikkango mandeni bimangko ra•e an•chingni Boli; an•chingni pal Onchakgipa, an•chingni Adatang aro chasong jolnan mandeni jat baksa apsan ong•e Ua mandeni jatko pi•okaha, mandeni Depante. Aro ia pilakara mande jedakode gimagni aro papchi ra•onako man•aoni de•doako man•gen, jedakode ua Isolni ka•saaniko teng•chakna aro rongtalanini katchaniko bak man•pana man•gen.

[14] An•chingni pal sichina an•tangni Depanteko on•anio an•chingko pi•okanina chotgimin dam, an•chingni salgio donggipa Pagipani bon•changgijagipa boli Kristochi an•ching mai ong•na man•a, uarang ma•sibatniko an•chingna on•a. Gimaenggipa jatna Pagipani ka•saani chuako, tu•ako, apalako Isolni Gisikko man•gipa sninggipa Johan niengmitingon, ua olakina aro mandera•na skani gapaha; aro ia ka•saani dal•ani aro namnikaniko parakna kragipa ku•sikko man•jaenba ua uko nichina a•gilsakko okamaha. Nibo maironggipa ka•saaniko Pagiba an•chingna on•aha, je an•ching Isolni Depanterang ine mingako man•gen.” Johan 3:1. Maironga gamchatako mandeo dona! Niam pe•anichi manderangni depanterang Satanni nokolrangong•aha. Bebera•anichi, Kristoni pap watna boli on•anio Adamni depanterang Isolni depanterang on•na man•a. Mandeni bewalko ra•e Kristo mandeko de•doaha. Ga•akgimin manderangko Kristo baksa nangrimantanichi, uamang “Isolni depanterang” ingipa bimungna krae dakna man•gnigipaosa donaha.

Indakgipa ka•saani gita apsangipa gri. Salgini Rajani dedrang! Gamchatgipa ku•rachaka! Ning•tugipa chanchibewalani kata! Una ka•sagijagipa a•gilsakna sokchakgijagipa Isolni ka•saani! Chanchianian mandeni kosako bilakbegipa bil donga, aro gisikko Isolni skana bamako ra•baa. Chisolni teng•ao salgini cholonko baditana kingking poraia inditan an•ching ka•sachakaniko, rinok rinok ong•aniko,

nitoa aro kakket baksa bringimin kema ka•aniko nika, aro an•ching bon•changgijagipa ka•sani aro skatang dakgipa bi•sana ma•ani simbragipa ka•sachakanina batgipa rinokgipa kasaaniko chanchisokpilgijagipa sakirangchi rongtale u•ia.

[15]

Papini Kristoko Nanga — (The Sinner's need for Christ)

Mandena mingnamgipa bilrang aro name chanchibewalna man•ani gisikko on•aha. Uara uni bimungo aro Isol baksa nangrimonio chu•soksrangachim. Uni chachianirang grikachim, Uni miksonganirang rongtalachim. Indiba manigijanichi uni bilrangko jakalsretaha aro ka•saani biapko an•tangnasan chanchiaiani gisik ra•sekaha. Uni gisik aro kamni bewalara papchi inditan bilgriataniko man•aha, je ua an•tangni bilakanio namgijani bilko warachakna amgijani ong•ahachim. Ua Satanni rim•gittangako mag•gipa ong•ahachim aro Isol dingtanman•cha ma•ekatjahaode indaken jringjrot dongkamgenchim. Dakmajogipani miksongania mandeko dakanio Isolni mangsonganiko bonatna aro a•ako duk aro galchipgimin sikdikdik ong•achim. Aro ia pilak namgijaniara mandeko dakanio Isolni kamni bite ine ua mesokgnokchim.

Uni pap gri obostao mande Unbaksa katcha•e ku•monggrikaniko man•a “Jeon gisik gnangani aro u•iani pilak gamrangko donua.” Kolosi. 2 :3. Indiba uni pap dakani ja•mano, ua rongtalanio katchana man•jaha, aro ua Isolni mikkangoni dong•nuna am•aha. Gisik pil•kugijagipani ka•tongni obosta indaken ong•kuenga. Uan Isol baksa nangrimani ong•ja, aro unbaksa nangrimanio katcha aniko man•ja. Papiara Isolni mikkango kusi ong•na man•jaha, rongtalgiparangmung ripeng ong•aoni an•pildataiachim. Salgio napna on•genchimoba una kusi ong•ani dong jawachim. Isolni ka•tongbaksa nangr•imgipa ka•tongantion - an•tangtangna san chanchiaigijagipa ka•saani gisik uano sason ka•a-mamung knachakaniko uni gisiko ong•atjawachim. Uni chanchianirang, uni gisik on•anirang, uni miksonganirangara uno pap gri dongkamgiparangoni dingtanggenchim. Uara salgini knatogipa suloni apsan gam•paigijagipa sul ong•genchim. Salgiara una saja on•ram biap ong•genchim; ua uni teng•ani aro uni katcha•ani ja•pang Ong•gipaoni dongnuna sikgenchim. Namgijagipako salgioniko ma•ekatanya Isolni ka•saninggija bichal ka•ani

[16]

ong•ja; ripeng ong•pana gitara uamang an•tangtangni kragijanion chipchangako man•aha. Isolni rasongara uamangna kamgipa wa•al ong•skagenchim. Uamang nisianikon namnikgenchim, jedakode uamang uamangko pi•okna sichakgipani mikkangoni dongnuna man•gen.

An•chingna an•chingni gupugipa a•koloni an•tangtangari jokna amgijani ong•a. An•chingni ka•tongrangara namgijagipa ong•a aro an•ching uarangko dingtangatna man•ja. “Rongtalgijaoniko sawa rongtalgipa bostuko bikotna man•a? saksaba man•ja.” “Be•enni chanchiara Isolna bobil ong•ani ong•a maina ua Isolni niamna bamja aro amaba amja.” Rom. 8:7. Leka pora, changa sapa gisikko jakalani, mandeni joton ka•anirang pilakan biaptangtang gita re•a, iniba, iano uarang bilgri ong•a. Uarang kosakgilgilde name nam-susu nikaniko ong•atnaba gnan, uamang ka•tongkode dingtangatna man•ja; uarang janggini chimikrangko rongtalatna man•ja. Paponiko manderangko rongtalaniona dingtangatako man•na skang kosakoni atchigital gisik, ning•oni kam ka•enggipa mingsa bil dongchongmotna nanga. Ua bilara Kristo ong•a Uni ka•sachakanisan jadipchangenggipa janggiko mikaotna aro Isolna rongtalaniona salna man•a.

Jokatgipa inaha, “Mande kosakoni atchijaode,” “gital janggiona dilgipagital ka•tong, gital skanirang mangsonganirang aro mik-songanirangko man•jaskal, “ua Isolni songnokko man•jawa.” Johan 3:3. Dakbewalchi mandeo donggipa namako dal•roroatani ong•na nanga ine chanchianiaranamen gimangniona tol•pinapani ong•a. “Janggi gnannggipa Isolni Gisik gnanganirangko ra•chakja, mandea Isolni janggini bosturangko man•jawa, maina iarang una gokani ong•a: aro uarangko ua u•ina man•ja, maina uarangko gisikchi am•e niani ong•a.” 1 Kor. 2:14. “Na•a kosakoni atchitaina nanga ine angni aganana aiao inmanabe.” Johan 3:7. Kristoni gimin sea gnan, “Unon janggi gnanngchim aro ua janggi manderangna seng•a ong•achim.” Johan 1:14. “Maina salgini ning•o manderangna on•a gipin bimung gri jechi an•ching jokna man•a.” Wat. 4:12.

[17]

Isolni ka•sae dakaniko ma•sina aro jaksramaniko, Uni cholonko, Pagipana kra kra rinok rinok dakaniko nikna chu•onga ong•ja. Uni niamni gun aro kakket ong•aniko nisusana, pangkamgipa ka•saanio uko rikaha ine u•ina uan chu•onga ong•ja. Iarangko aganparakahaon watata Paul ia pilakkon nikaha,” “Niam nama ine anga niamna

ku•rachaka” “Niam rongtala, aro ge•eta rongtala aro kakket aro nama ong•a.” Indiba ua uni janggini sintibeanio aro jajrengbeanio agandapaha. “Indiba anga be•enni ong•a papna palgimin,” Rom. 7:16, 12, 14. Ua grikaniko kakket ong•aniko man•na skaha, jerang an•tangari man•pana ua bilgri ong•achim, aro ua indine skimaha, “Duk man•gipa mande anga. Ia siani be•enoniko sawa angko jokatgen,” Rom. 7:24. “Pilak a•songrango aro pilak chasongrango duk man•gipa ka•tongragoni indakgipa chrik ma•amani ong•angaha. Mingsamangmang aganchakakanisan gimikna ia ong•a.” “Hiwa nibo Isolni Mes Bi•sa, a•gilsakni papko ra•anggipa.” Johan 1 :29.

Bang•bea mesokanirang donga jechi Isolni Gisik ia bebe ong•aniko parakatna aro uko dosini bojaoni jokna sikgiparangni janggirangna ma•sijatna am•aha. Esauko tolnape pap dakani ja•mano, jensalo Jakob uni pagipani nokoni katangaha, ua doschi dukko man•beaha. Ua saksasan a•rikatako man•gipa ong•e, univ pilak ka•sarimgiparangoni ekatako ma•ne, mingsa chanchiani pilak gipinrangna bate uni gisiko sinjetgiparang uni pap Isoloniko uko den•sotaha, aro salgi uko watgalaha ine kenchakani ong•achim. Dongtogijanio, ua komlonggipa a•ani kosako neng•takna tuaha, uni samtangtangchin sikdikdikgipa a•brirangsanchim, aro kosako askichi ching•gipa salgirangsanchim. Ua tusiengmitingo, uni mikjumango nikronggijagipa teng•ani ong•kataha; aro nibo, uni tuchakenggipa a•kaweoni apalgipa jagring donggipa jang•kerang, salgini cholguga man•chaona, chadenga gita nikachim, aro uarangni kosako sa•grerang gadorura aro ong•onruraengachim; aro kosako rasongoniko salgini ku•rangko, ka•dimeatani aro ka•dongatani aganataniko knaaha. Indake Jakobna uni janggini nangnikgipa aro am•enggipa Jokatgipako u•iataha. Ka•sroke aro mitele cholko parape•ako ua [18] saksa papi Isol baksa nangri- mna on•pilotaniko man•aha. Uni jumangni aiao inmapilgipa jang•keara Jisuko mande aro Isolni gisepo agangrikchakgipa ong•a ine mesokaha.

Ia apsanke Kristo Nathanel baksa Uni agangrikmitingo jana-paha, Ua indine aganaha, “Na•simang salgini oako, aro Isolni sa•grerang mandeni Depateni kosakona gakatako aro ong•onako nikgen.” Johan 1:51. Toromko watgalanio mandeara Isoloniko an•tangko dingtangataha; a•ara salgioni densotako man•ahachim. Jatchio donggipa tu•gipa a•kuangni kosako nangrimgrikani dongna man•jawaha. Indiba Kristochi a•ara salgi baksa nangrimatako

man•taiaha. Uni an•tangni nama kamrangchi papni dakgimin a•kuangni kosako Kristo jal•ang kabataha, jedakode dangdike on•gipa sa•gre•rang mande baksa nangrimgrikataniko dakna man•gen. Kristo bon•changgijagipa bilni cholchi ga•akgimin mandeko Uni bilgriano aro dakchakani gri ong•anio nangrimataha.

Indiba namroroanini gimin manderangni jumangrang, mandeko de•dona pilak joton ka•anirang uamang ga•akgimin jatna ka•dongani aro dakchakani mingsa cholko simsakjaode magnasa ong•aia. “Pilak nama on•ani aro pilak chu•soka on•ani Isoloni ong•a.” Johan 1:17. Ua gride bebeni namsranggipa cholon dongja. Aro Isolona dingsa mangmang ramara Kristo ong•a. Ua agana, “Angan rama, aro bebe, aro janggi. Angko re•jaode pilakba Pagipaona re•ja.” Johan 14:6.

Sianina bilakbatgipa ka•saanichi Isolni ka•tongara Uni, a•ani dredrangna ka•paka. Uni Depanteko on•anio, ksa•ae on•ani mingsano Ua salgi gimikko an•chingna pakaha. Jokatgipani janggi tangani aro mo•molchakani, sa•grerangni dangdike on•ani, Gisikni bi•chakani, Pagipani kosako aro pilakchin kam ka•ani dongdikgijagipa salgini sa•grerangni gisik on•ani• mandeko pi•okani a•sel pilakan see rakiako man•a.

Oe hai, an•chingna dakgimin aiao inmanpilgipa boli on•aniko chanchibewalna. Hai an•chinga gimagiminko dabipilna aro Paani nokona uamangko rimpilna, salgini ka•enga kam aro bilko gamchatnikna. Miksongani bilakrorogen aro kam ka•anirang mangrakba- [19] trorogen aro mamungsaloba bon•changjawa; nama kamna nambata on•pilani, salgio kusi ong•ani, sa•grerangmung ropaani Isol aro Depantemung agangrikna man•ani chasongni chasongna an•chingni bilko chuatani aro apalatani-iarangara an•chingko ong•atgipa Pi•okgipana ka•saani kamko ka•na an•chingni ka•tongrangko on•na gita bilakgipa didiatanirang aro ka•dongatanirang ong•jama?

Aro minggipin Isolni bichalko papni kosako on•ani, champengna man•gijagipa jakbikpilani, an•chingni cholonni ong•siani, aro bon•kimate nisiani pilakkon Satanna kam ka•gipani an•chingko mikrakatna Isolni Katao mesokaha.

Isolni ka•sachakaniko an•ching dal•nikjawama ? Ua maiko dakkuna man•gen ? Hai an•ching agansokpilgija ka•sagipa una an•tangtangko kakket nangrimao on•kangna. Hai an•ching an•chingna on•gimin cholrangko an•tangtangna ra•na. Jedakode an•ching Ugita chacha ong•gen, aro Pagipa aro Degipa baksa

[20] ku•cholsan aro nangrimgr ikania ong•e dangdike on•gipa sa•grerang
baksa ripeng ong•na man•pilgen.

Gisik Pil•ani — (Repentance)

Maikai mandeara Isol baksa kakketgipa ong•gen ? Maikai papiko toromingipa dakgen ? Kristochi mangmangsan an•chingkoara Isol baksa rongtalani baksa melianiona ra•bana man•aia; indiba an•chingara maikai Kristoona re•bana nanga? Pentecostni salo mande jinmani dakaha gitan apsan sing•anirangko bang•an sing•enga, aro papon ong•enga ine u•ioa uamang aganaha, “Chinga maiko dakgen ?” Wat. 2:37. Pitorni aganchakani skanggipa katara “Gisik pil•bo ” ine ong•achim. Wat 2:38. Gipin chango, ru•utkugijan, ua inaha, “Uni gimin na•simangni paprangko kimitna amna gita, gisik pil•bo, aro pil•taibo.” Wat. 3:19.

Gisik pil•aniara papna duk ong•ani aro uoni an•pilaniko man•gopa. An•chingara papko uni namgijaniko nikkijade jechakjawa; ka•tongo uoni an•piljaskal janggi tangao dingtangchongmotani dongjawa.

Gisik pil•ani kakketgipa bimangko ma•sina man•gijagipa bang•an donga. Uamang pap ka•aha ine mande jinma duk ong•a, indakoba mikkang parasan nama dakmikaia, maina uamangara uamangni namgija dakani uamangna duk ong•gniko ra•bagen ine kena. Indiba iara Bibleo u•iani gita gisik pil•ani ong•ja. Uamang papna bate duk chakgnina kal•ima. Esau, jensalo ua an•tangan dejakra ong•e man•gniko jringjrotna gima•ataha ine nikaha indakgipa duk ong•aniko man•aha. Balam tonualko enge uni ramao chadengpenggipa sa•grechi kengokatako man•e, an•tangni janggiko gima•atna kene dositangko ku•chakaha; indiba uano papna gisik pil•ani, miksonganioni an•pilani, papna mitchiani dongjachim. Iskariot Juda•, an•tangni Gitelko bobilna on•ani ja•mano aganskimaha “Dos gri an•chiko bobilna on•ao anga papko dakaha.” Mati 27:4.

Galchipaniko man•a aro bichalko kenbee nina nanggen ine kenbegnigipa u•ianichisa uni dosioni gisik pilna dra•atako man•aha. Una ong•bagnigipa a•selrang uko kenjagokataha, indiba uno ning•tugipa, ka•tong duk ong•ani uni gisiko dongja, je ua simteka grigipa, Isolni Depanteko bobilna on•aha aro Isrealni Rongtalgi-

[21]

pako jechakaha. Pharaoa, Isolni bichal ka•aniko man•engmitingo sastiko man•angkuaoni jokna gita an•tangni papko ku•chakaha, indiba sabisirango dondikatahaoa salgiko warachaktaiaha. Iarang pilakan papni kamraangnasan duk ong•aha, indiba papna chong•motde duk ong•jaha.

Indiba jensalo ka•tong Isolni Gisikni bilna bama, baseani gisik mikselgen, aro papiara Isolni rongtalgipa niamni tu•ani aro rongtalani gimin jeo pangchake salgio aro a•ao uni sason ka•aniko pangchake donaha, uni maikoba u•igen. “Pilak mandena seng•gipa Ua seng•a chong•mot a•gilsakona re•baengachim,” Johan 1:9. Janggini ning•tugipa dringrango teng•chaka, aro andalao donnuenggipa kamrangko parak ong•ata. Gisik aro ka•tongko rim•a. Papi Jihovani kakket ong•aniko ma•sibaa, aro ka•tongrangko Am•gipani mikkango dosiko aro rongtalgijako ra•bite mikkang pa•na kenaniko ma•sia. Ua Isolni ka•saako rongtalanini nitoaniko ronggrika katchaaniko nika; ua rongtalatako man•na ska, aro salgi baksa nangrimaniko man•pilna ska.

An•tangni ga•akani ja•mano Daudni bi•aniara papna duk ong•bebeaniko mesoka. Uni gisik pil•ania kakketgipa aro ning•tugipa ong•achim. Uni dosko pindapna joton ka•ni dongjachim, sokbanasigipa bichaloni jokani uni bi•ani ong•jachim. Daud an•tangni niam pe•ani dal•bea namgijaniko nikaha; ua janggitangni ong•siako nikaha, ua paptangna duk ong•aha. kema ka•ako man•na mangmangsan ong•aigija, indiba ka•tongko rongtalatnaba bi•aha. Ua rongtalanini gimin katchana, Isol baksa nangrimgrikani aro melianiko man•pilna skaha. Ian uni gisikni kata ong•achim :

“An•senga ua mande jeni niam pe•anirango wataha, jeni papko pindapaha.

An•sengna ua mande jena Jihova namgijako potja’
Aro jeni gisiko mamung tol•napani dongja.”

Git.32:1-2.

“Nang•ni ka•sae daka gita
ka•sachakbo,0 Isol,

[22]

Nang•ni ka•saachaka bang•bea gita angni niam pe•anirangko kimitbo.

Angni namgijako talsrange angko su•srangebo.
 Aro angni papko watsrange angko rongtalatbo.
 Maina angni niam pe•anirangko anga u•ienaga;
 Aro angni pap pangnan angni mikkango donga.
 Nang•ni kosako, Nang•ni kosakosa anga pap ka•aha;
 Aro nang•ni nikanio namgijako dakaha:
 Makai nang•ni agananio na•a toromi inako man•gen,
 Aro nangni bichal ka•a rongtalgen.
 Nibo, namgijao angko ba•aha.
 Nibo, nang•ni bakrango na•a bebeko man•na ska,
 Aro dongnugimin bako na•a angko u•iatgen..
 Angko esophchi talatbo, unon anga rongtalgen;
 Angko su•srangebo, unon anga suurina bate bokbatgen.
 Ka•sroka aro katcha•ako angko kna•atbo;
 Maikai nang•ni be•atgimin grengrang katcha•na man•gen.
 Angni paprangoni nang•ni mikkango donnubo,
 Aro angni pilak namgija dakarangko kimitbo.
 Angni ning•o rongtalgipa ka•tongko daktaina ong•atbo,
 O Isol,
 Aro anga kimkingipa gasikko daktaina.
 Nang•ni mikkangoniko angko galatnabe.
 Aro nang•ni rongtalgipa gisikko, angoniko ra•anangbe.
 Nangni jokatani katcha•aniko angna on•pilbo:
 Aro jaksramgipa gisikchi angko rimchakbo,
 Unon anga niam pe•giparangna nang•ni ramarangko
 skigen:
 Aro papirang nang•ona pilba•atako man•gen.
 An•chi ong•atani grooniko angko jokatbo, O Isol, na•a
 angko joktgipa, Isol, unon nang•ni kakket dakanini gimin
 angni sre ring•gen.-”

Git.51:1-14.

Ia gita gisik pil•aniko chu•sokatna an•ching an•tangtangni bilni
 nalsao ong•a; ukoara Kristonikosa man•a ama, jean kosakona
 gadoangaha aro manderangna ka•sae on•anirangko on•aha.

Iano man•chan bang•a guala aro u•iani giminan Kristoni ua-
 mangna on•na sikkiga dakchakaniko man•a amja. Uamang gisik

pil•chenjaode Kristoona re•bana man•ja aro gisik pil•aniara uamangni paprangko watna taria ine chanchia. Beben gisik pil•aniara paprangko kema ka•anina skanga; maina be•gimin, aro papna duk man•gimin ka•tongsa Jokatgipako nanganiko u•ia Indiba papiara Jisuona re•bana man•na skang gisik pil•kujana kingking sengna nangama? Gisik pilanikoara papi aro Jokatgipani gisepo champeng-gipa dakna nangama ?

Kristoni okamanina simsakna man•a skang papi gisik pil•na nanga ine Bible skija. “Pilak gamgipa aro bal jringgiparang angona re•babo, anga na•simangko neng•takatgen.” Mati. 11 :28 Kristooni ong•sigijagipa ong•katgipara “ ua kakketgipa gisik pil•aniona dila.” Pitor indine Isrealrangna aganoa katako rongtalataha. “Ukon gisik pil•ani aro pap aro pap wataniko Isolna on•na Raja aro Jokatgipa ong•china, Isol an•tang jakrachi chuataha.” Wat. 5:31 Kristo gri kema ka•ako man•a agre baseani gisikko mikrakatna Kristooni gisik gri an•ching gisik pil•na man•jawa.

Kristoan kakketgipa bilantini ja•dil ong•a. Uasan mang•mang papni kosako bobilko ka•tongo ge•na man•a. Kakket aro rongtalgipa ong•na skani mingprakprakan, an•ching an•tangtangni pap ong•aniko ma•siani minganti, Uni gisik an•chingni ka•tongrango re•ruraenga ine mingsa sakki ong•a.

Jisu ina, “Aro anga a•aoni de•doako man•ode, anga pilak mandekon an•tangona salgen.” Johan 12:32. Kristoara a•gilsakni paprangna sie Jokatgipa ong•a ine papina parape•atako man•na nanga Skobikrokni chisolni bolo Isolni Mes Bi•sako nimitingo, pi•okani u•isokgijanirangko an•chingni gisikrangna oprakna a•bachenga, aro Isolni namani an•chingko gisik Pil•aniona dila. Papiarangna sianio Kristo chanchisokpilgipa ka•saaniko mesokaha aro papi ia ka•saaniko nikon ua ka•tongko nom•ata, gisikko kam ka•ata aro janggio papna ning•tue duk ong•aniko didiata.

[24] Beben manderang basakoba an•tangtangni papni re•anirangni gimin kratcha•aha, aro uamangni namgijagipa dakbewlrangko Kristoona salako man•engaha ine u•ina skangon watgala. Indiba jensalo uamang namatna joton ka•a, kakketko dakna sikchongmote daka, uamangko salenggipara Kristoni bilan ong•a. Uamangni u•igijaenggipa bilara janggio kam ka•a, aro u•iani gisik mikrakatako man•a aro parake janggi tangani sronge re•a. Aro Kristo, uamangni paprangchi bu•gimin an•tangko nichina Uni chisolko nigitona salon

ge•etani nokona baseani gisikona re•baa. Uamangni janggi tangani namgijani, ka•tongo ning•tue ja•dil su•gimin pap, uamangna parape•atako man•a. Uamang Kristoni kakket ong•anini gimin maikoba ine ma•sibana a•bachenga aro, “Sichakgipani pi•okanina indakgipa boliko on•na nangara, papara maia ? Ia pilak ka•saani, ia pilak chakchikani, ia pilak onataniara an•ching gimachina nangja, indiba jringjrotni janggiko man•na nanga ine dabiahama?”

Papia ia ka•saaniko ra•chakna namnikjanaba gnan, Kristoona salako man•a jechaknaba gnan; indiba ua jechakjaode, ua Jisuona salako man•gen. Jokatanini gimin daksoaniko u•iani gisikan uko uni paprangna Isolni ka•sara Depanteni duk chakahana, gisik pil•anio, chisolni ja•chokona uko dilanggan.

Dakgimin bimangrango kam ka•enggipa apsan salgini gisikan manderangni ka•tongrangna aganenga, aro uamango donggijagipa maibana man•a sikbeaniko ong•atenga. Ia a•gilsaknirang uamangni man•a sikaniko chu•ongnikatna man•ja. Bosturang jerangan tom•toma aro neng•takaniko, Kristoni ka•sachakaniko rongtalaniko on•na man•aigipa mangmangkosa chong•motan uarangko am•na Isolni Gisikan uamangko mol•molenga. Nikgimin aro nikkugijagipa bilrangchi manderangni gisikrangko chu•ongnikjaenggipa, papni katchaanirangoniko, Uo uamangnin ong•gnigipa bon•changgijagipa, patianirangona salbana an•chingni Jokatgipa kam ka•a Ia pilak janggirangna, jerangan ia a•gilsakni be•gimin basingrangoniko ringna am•gramaenga, salgini kata agana, “Ringna siggipa re•bachina: aro siggipa indinari chijanggiko ra•china.” Para. 22•17.

Na•a ia a•gilsakni on•a man•ana bate ka•tongo maiba nam-batako man•a siggipa nang•ni janggina Isolni ku•rang ine ia [25] skaniko iria. Uni chu•sokgipa rongtalanio, Uni bon•changgijagipa ka•saanio, nang•na Kristoko parape•china gisik pil•aniko nang•na on•china Uko mol•molbo. Jokatgipani janggi tanganio Isolni ni-amni ja•pangrangara-Isolna aro mandena ka•saaniko chu•soken mesokaha. Uni janggi tanganiara jaksramani an•tangnasan ong•gija ka•saanin ong•achim. An•ching Uko nion, an•chingni Jokatgipani teng•a anxhingo ga•akon, an•ching an•tangtangni, ka•tongni pap ong•aniko nika.

An•ching an•chingni janggi tanganina sronga, an•chingni cholonara guala gri ong•a ine Nikodemusni dakaha gitan an•tangtangko tolpinapna aro Isolni mikkango ka•tongo pap dakram-

rangipa gita onatna nangja ine chanchinaba gnang; indiba jensalo Kristoni teng•sua an•chingni janggirango ching•pinapa, an•ching maikai an•chingara rongtalgiagipa ong•a ine nikgen; an•ching mangsonganio an•tangnasan chanchianiko, Isolni kosako bobil ong•aniko iarang janggi tangani minganti kamkon marang nangata ine nikgen. Unon an•chingara, an•ching an•tangtangni kakket ong•anina, mitchigipa ba•ra surirang gita mangmangsan, aro Kristoni an•chi mangmangsan papni moilako an•chingoniko rongtalatna aro ua an•tang gita an•chingni ka•tongrangko gital ong•taiatna man•a ine u•igen.

Isolni rasongni dingsa teng•suani ja•dil, Kristoni rongtalani changsa teng•brapani, janggiko teng•protange, rongtalgiyani dakan-tikon an•skitman•pile nakatata, aro mandeni cholonni namgijani aro chu•sokgijaniko porongrong ong•ata Uara rongtalgiya skanirangko, ka•tongni bebera•gijanirangko, ku•chilrangni rongtalgi-janiko niksengata. Isolni niamko watgalna dakanio papini bangijani kamrangkoara, uni nikaniona paraka, aro Isolni Gisikni nikpro-taigipa bilni ning•o ong•e uni gisik dokako aro saknaatako man•a. Kristoni rongtala dak gri cholonko nikon ua an•tangko mitchinika.

Jensalo Daniel katchinikgipa an•tangona watatgipa salgini kata ra•tingipako duulenggipa rasongko nikaha, ua ua antangni bilgri-ani aro chu•sokgijaniko u•ianichi nombokatako man•aha. Aiao in mangipa nikanichi agane ua ina, “Anga bilko ra•rikna am-
[26] jaha; aro nag•ni bilakara ango ong•sipilaha, anga mamung bilko ra•rikjaha.” Dan. 10:8. Indake gisik nangatako man•gimin gisik uni an•tangnasan chanchiaianiko mitchigen, an•tangna ka•sanikoba mitchigen, aro Kristoni kakket ong•anichi, Isolni niam aro Kristoni cholon baksa meligipa ka•tongni rongtalanina am•gen.

“ Niamo donggipa toromo nangdika”-Nikraogipa kamrangni gimin uo, “ matnangani gri ” Phili, 3:6. ine Paul agana, indiba jensalo niamko toromni tanganina manderangni agana gitan, niamni oikolchi bichal ka•ako man•enba ua papko dakjaha; indiba jensalo ua uni rongtalani ge•etanirangni ning•tuanirangko niaha, aro Isolni nika gita an•tangko nikahaoba, ua bame olakiaha aro an•tangni dosko ku•rachakaha Ua ina, “Chang•sa anga niam grio tangaha indiba ge•eta re•baoa, pap tangchaaha, aro anga siaha.” Rom. 7:9. Jensalo ua niamni toromni bewalko nikaha papara misilpile nakataha, aro uni an•tangko name nikaniara bon•aha.

Isolara pilak paprangkon apsan dal•a ine chanja; Uni donanio dosni gadangrang mandeni chanchianio gitan donga; indiba jegitaba ia ba ua guale dakani kam manderangni mikronrangna chone nikani ong•china, Isolni nikao je papba chonja. Mandeni bichal ka•aniara mikkang nigipa, chu•sokgijagipa; indiba Isol pilakkon chong•motkon daka. Chupek gipa mitchiako man•a, aro uni pap uko salgiko man•atjawa ine agana; indiba gaorade•ani, an•tangnasan chanchiani aro mikbokanikode dos ong•nikja. Indiba iarangara dingtangman•chagipa Isolna namnikgijagipa paprang ong•a; maina uni cholonni jaksramanina, mikkang nigija, jean ga•akgijagipa songnokni bewal chong•mot ong•a bikpilgipa ong•a. Ua ning•tua paprango ga•akgipa kratcha•ani aro kangal ong•aniko, aro Kristoni ka•sachakaniko an•tangni nangnikaniko u•inaba donga; indiba gaorade•aniara nangnikja, aro indaken ua Kristona aro Uni on•nasigipa bon•changgijagipa patianirangna ka•tongko chipa.

“O Isol angna papina ka•sapabo,” Luk 18:13. ine bi•gipa duk man•gipa kajina gilgipa an•tangko namjabegipa mande ine chanaha, aro gipinrangba uko apsan ine nikaha, indiba ua uni nanganiko u•iaha; aro uni dosni aro kratcha•ani bojako ripee. ua [27] Isolni ka•sachakani mikkangona Uni ka•sachakanina mol•mole re•baaha. Uni ka•tongkoara uni ka•sachakgipa kamko dakna, aro papni biloniko uko jokatna Isolni Gisikna oaha. Pharisini gaoara de•e, toromi ong•nike uni ka•tongko rongtalgipa gisikni bilna chipchanga ine mesokahachim. Uni Isoloni chel•ani gimin salgini chu•sokgipa baksa tosusaon ua a•ntangni marang nanganiko u•ijaha, ua nangnikajaha aro ua mamungkoba man•jaha.

Na•a nang•ni pap ong•aniko nikode, an•tangko nambatatna sengnabe. Kristoona re•bana namja ine chanchigiparng basiksak donggen. Nang•ni an•tangni joton ka•achi nambatgen ine na•a ka•dongama? “Ethiopiani mande an•tangni an•gilko, ba matchapeng an•tangni tokarangko dakjena man•ama? indide na•simang namgijako dakronggiparangba namako dakna man•gen.” Jerima 13:23. Isolosan mangmang an•chingna dakchakani ong•a. An•ching bilakbatgipa didianirangna nambata cholrangna ba rongtalbatgipa chanchianina sengna nangja. An•ching an•tangtangari mamungkoba dakna man•ja. An•ching jekai ong•achim indaken Kristoona re•bana nanga.

Indiba, Isol Uni ka•sabeanio, aro kasachakanio, Uni ka•sachakaniko ra•chakgijagiparangkoba jokatkugen ine chachie pilakba an•tangtango brangatjachina. Papni papi ong•beanikoara chisolni teng•suanio mangmangsa ma•sina man•a. Papiko galatna Isolara namsrangipa ine manderang didion, uamang Skobikrokchiko nichina. Mandena jokna gipin chol dongjani giminan ia boli gri mandeni jatna papni marang nangatgipa biloni rongtalgipa sa•grerang baksa melianiko man•pilna amgijani ong•ani giminan chong•motan uamangna janggi silchiko bak man•pagiparang ong•taina amgijani ong•ani giminan Kristu manigijagipani dosko an•tango ra•aha aro papni biapo duk chakaha. Isolni Depanteni ka•sani aro siana aro pilakan kengnigipa papni dal•aniko saki on•a, aro uni biloni jokna man•ja, chubatgipa janggi tanganina ka•dongani dongja, indiba Kristona janggiko on•kangachi mangmangan man•a ine paraka.

[28] Gisik pil•gijagipa mande basakoba kakket ong•gijagipa kristianrangko agane pa•sikaniko daka, “uamang gita angaba nama.” Uamang uamangni cholono angna baten an•tangtango pe•gijagipa, chupekgipa aro cholonna gisik rakigijagpa ong•a. “Uamangara anggitan an•senganiko aro an•tangtangni skako dakna namnika.” Indake uamang gipinni dosrangko uamang an•tangtangni dakgniko simsakgijanina pa•sikaniko daka. Indiba gipinrangni paprang aro chu•sokgijanirang saksakoba kema ka•ja; maina Gitelara an•chingna branganiko mandeskao pangchakaniko on•jaha. Simteka grigipa Isolni Depanteko mesokani gita an•chingna on•aha, aro kakketgijagipa kristianrangni guale re•anirangni gimin matnange agangiparangara nambatgipa janggi tanggiparang aro gamchatbatgipa mesokanirangko mesokna nan•ggiparang uamangan ong•a. Kristianrang maidakgipa ong•na nanga uko inditana dal•e uamang chanchina man•ode, umang an•tangtangni papan dal•batjama ? Uamangara kakket maia nko u•ia, indiba uko dakna jechaka.

Changgipino dakna dontonganiko gisik rakbo. Nang•ni paprangko watgalani kamrangko aro Jisuni ka•tongni rongtalaniko amn•a manchinabe. Ianon hajalni hajal jringjrotni gimaaniona branga. Anga iano janggi tangani kandikani aro tik gri ong•anio dongkamjawa, indiba uno Isolni Rongtalgipa Gisikni mol•molani ku•rangna on•kangna ru•utaniao papo janggi tangna seokanio, kengokgni chong•motan u•isokna man•bregijani kenani donga, indakanan ia ru•utania ong•chongmota. Pap, jegitaba chone uko

nikchong, jringjrotna gimaanini gimin kenanosan uko kana man•aia. An•ching jeko amja ua an•chingko amgen aro an•chingko ruaniko kam ka•gen.

Adam aro Hoba beng•gimin biteko cha•e chonbegipa a•selkosan dakanio Isolni agangimin gita kenbegnigipa dai ong•na man•jawa ine an•tangtango didiataha. Indiba ia chonbegipa a•selara Isolni dingtangatna amgijagipa aro rongtalgipa niamko pe•ani ong•aha, uan mandeko Isoloniko dingtang ong•ataha. Aro anc•hingni a.gilsakna siani aro agansokna ampilgijagipa dukni cholrangko oaha. An•chingni a•songni chuchotgijagipa kal•imani, chrikani chasongrikitan ong•aha aro mandeni manigijani biteara janggi gnang ong•atgimin gimikan saknae ma•amaha aro an•pakao gita saknarimaha. Salgi an•tangan Isolni kosako uni bobil dake chakatani biteko ma•siaha. Skobi- krokara salgini niamko pe•anina on•dapna nanggnigipa aiao inmangni boliko gisik ra•ani gita ong•a. Hai an•chingara papko chonbea ine chanjana. [29]

Niamko pe•ana kam minganti, Kristoni ka•sachakaniko simsakgijani ba jechakani minganti nang•on ong•sakagen, uan ka•tongko rakatenga, maina skaniko man•atjaenga, ma•sianiko goka ong•atenga aro Isolni Rongtalgipa Gisikni rinok rinok mol•molanina an•tango on•kangna sikatbrejasan ong•ja indiba on•kangna amani bilko komiata.

Uamang baseon, papni ramako dingtangatna man•gen, ka•sachakini okamaniko uamang chonikna man•gen ine chanchi-achi bang•an jingjenggipa baseani gisikko ong•atenga, indiba gisiko nangtaitaienga. Uamangara ka•sachakani Gisikni gita ong•gija dakani ja•mano, an•tangtangni bilko Satanna on•ani ja•mano kenbegnigipa nangchongmotani dikdikko an•tangtangni ramako dingtangatna man•gen ine chanchia. Indiba indake iako altuate dakna min•jawa. Janggi tanganio gisik man•dapani, leka pora man•ani inditan cholonko rikarangoba je, bang•gijasan Jisuni bimungko man•a sikaiaha.

Cholonni mingsa gualani, mingsa pap dakna sikani, dondikgija iarangko dakchaani, Nama Katani pilak bilko komiatsranggen. Pap ka•e an•sengani mingprakan Isolko mandeni gelaniko bilakata. Je mandean toromko jechakanio kimkim ong•aniko ba Isolni bebena gisik nanggijaniko dal•nike mesoka, uan an•tangni Satanni biteko ratengasan ong•a Bible gimikon, “Paptangni ua rim•rikako

man•gen,” Toe. 5:22. ingipa gisik gnanggipa mandeni katarangna bate namgijako ritchengnikanina kenbegnigipa mikrakatani grijok.

Kristo an•chingko paponiko jokatna taria, inbibu Ua skaniko draja, aro dondikgija niamko pe•anio, skani an•tangan chu•gimik papo gongdapode, aro jokatana man•na an•ching Uni ka•sachakaniko ra•chakjaode, an•ching maiko dakpana man•gen? Uni ka•saaniko miksonge an•chingni jechakanichi an•ching an•tangtango gimaataha. “Nibo, da•o rachakgni sal, nibo, da•o jokatani sal.” 2Kor. 6:2. “Da•alo na•simang Uni ku•rangko knaaode, katongtango rikatnabe.” Ibr.3:7,8.

[30] “Mande a•palni nikaniko nia, indiba Jihova ka•tongko nia.” I Sam.16:7, bang•a rongtalgija tol•pinapani gapgipa, skatanga dakgipa ka•tong katchaa aro dukko chanchibranggipa mandeni ka•tong ong•a. Ua uni daksoanirango, uni chong•mot miksonganirango aro kamrango u•ia. Dak nangkamgipa nang•ni ka•tongko ra•bite Uona re•angbo. Daud gita indake agane pilakkon nikgipana nang•ni ka•tongni dringko obo, “Angko niroke nibo, O Isol, aro angni ka•tongko u•ibo; angko nie nibo, aro angni chanchanirango u•ibo:aro ango maiba namgija dakani rama dongama dongja nibo, aro jringjrotni ramao dilangbo.” Git. 139:23,24.

Ka•tongko rongtalatgijan, bang•an chong•mot toromko bimungnasan ra•a. “Angni ning•o rongtalgipa ka•tongko ong•atbo, O Isol; aro ango kimkimgipa gisikko daktaibo,” Git.51:10. ine nang•ni bi•ani ong•china. Nang•ni janggimung kakket ong•e kam ka•bo. Nang•ni tangkamgijagipa janggi apjokgijanio ong•ahaon nang•ni ong•na ama gita bimchipgipa, jotking dakgipa ong•bo. Nang•ni janggi aro Isolni gisepo tik donna nanggnigipa jringjrotna tik ka•gnigipa kam ian ong•a. Chanchichipe ka•dongani aro una agre mamungko dakgijaniara, nang•ni gimaanikosan mesokgen.

Bi•anioong•e Isloni katako nie chanchibo. Ua katara Isolni niamo, aro Kristoni janggi tanganio, nang•na rongtalako, je griode “pilakba Gitelko nikjawa.” Heb. 12:14 Uara papni gimin bebe ong•aniko talata; ura jokani cholko rongtale paraka. Nang•ni Isolni ku•rang aganengon, una gisik on•bo.

Papni namjabeaniko nikmitingon, na•a an•tango chong•mot ine nikmitingon, jajrenganiona an•tango on•kangnabe. Kristoara papirangkosa jokatna re•baaha. An•ching an•chingona Isloko nangrimatna man•ja, indiba aiao inmingipa ka•saani! Isolara Kris-

too, “a•gilsakko an•tangona nangrimatenga” 2 Kor. 5:19. Ua Uni pap kaenggipa dedrangni ka•tongrangko an•tangni rinok rinok ka•saanichi salenga. Isol jekai uamangko jokatna ama, Ugitade a•gilsaknije ma•a paaba an•tangni dedrangni gualanirang aro dosrangko chakchikna man•jawachim. Una batede je mandeni ku•chilrangba re•sretgipana rinok rinok mol•molanirangko aganjawachim. Pilak Uni ku•rachakanirang, Uni mikrakatanirang, agansokpilgijagipa, ka•sanniko ku•aganatanisan ong•achim. [31]

Na•a papi ong•begipa ine nang•na aganna Satan re•baoa, nang•ko Pi•okgipako nigitobo aro Uni gunrangni gimin agangrikbo. Nang•ko dakchakgnigipara Uni teng•suaniko nianian ong•a. Nang•ni papko ra•chakbo, indiba bobilnara, “Ppirangko jokatna Kristo Jisu a•gilsakona re•baaha,” I Tim. 1:15, aro Uni bilaksranggipa ka•saanichijokatako man•gen ine aganbo. Sakgni gro nanggiparangni gimin mingsa sing•aniko Jisu Simono sing•aha. Saksagipara bang•gijako uni nokgipana gro nangaha aro sakgipinara una bang•bee gro nangaha; indiba ua uamang sakgnikon wataha; aro Kristo, badia gro nanggipa giteltangna ka•sabatgen ine Simono sing•aha. Simon aganchakaha, “Bang•bate watako man•gipa,” Luk 7:4.1 An•ching papibegiparang ong•achim, indiba an•ching watako man•a gita Kristo siaha, Uni bolini gunrang, an•chingni a•sel Pagipana on•na chu•onga. Jerangko Ua kema ka•bataha, Una ka•sabatgen, aro Uni ka-sabeaniara aro bonchanggipa bolina Uko mitelna Uni singhasonni sepangbate chadenggen. Isolni ka•saanio an•ching chu•soke masiman•sragahaon an•ching papni pap ong•aniko masibatsranga. Jensalo an•ching an•chingona dingonatgipa silitingni bakroaniko nika, jensalo an•ching an•chingni a•sel Kristoni dakgimin bon•changgijagipa bolini gimin maikoba ma•sia, ka•tongara rinok rinok ong•anio aro papna duk ong•anio jronga. [32]

Pap Ku•rachakani — (Confesnon)

“An•tangni paprangko pindapgipara namrorojawa. Indiba ku•rachake uarangko watgalgipasa ka•sachakaniko man•gen.” Toe. Ski. 28:13.

Isolni ka•sachakaniko man•ani kamrangara ma•sina altugipa aro kakket ong•gipa aro chanchitogipa ong•a. An•ching, papna kema ka•aniko man•a gita, Gitel an•chingko duk chakani kamrangko dakatna nangnikija. Salgini Isolna an•chingni paprangko pakwatna, ba anchingni guale dakanirangna chotna, an•ching bakrobee aro neng•bee songrena ba saknagipa duk chaknirangko chu•sokatna nangja, indiba jean uni papko ku•rachake watgala uan ka•sachakaniko man•gen.

Watata agana, “Uni gimin saksa sakgipina paptangtango ku•rachakgrikbo, aro saksa sakgipinna bi•grikbo, maikai na•simang an•senggen.” Jakob 1:16. Nang•ni paprangko watna man•aigipa Isolna aro na•simangni guale dakanirangko saksa sakgipinna ku•rachakgrikbo. Na•a nang•ni ripengna ba noksulna gisiko saaniko on•ahaode, na-a nang•ni gualniko kobilna nanga aro uarangko jakgitele kema ka•na uni kam ong•a Unikoa na•a Isolni kema ka•aniko amn•a nanga, maina na•a je jongadako saknaataha ua Isolni gam ong•a, aro uko saknaatanio na•a uko Ong•atgipa aro Pi•okgipani kosako papko ka-aha. Ia a•selko kakket mol•molchakgipa an•chingni Kamal Dal•gipani mikkangonasan mangmang ra•baaha, jean, “pap gri pilakni gimin an•ching gita dakmajoako,” aro jean, “an•chingni bilgrirangna duk man•pana amgijagipa ong•ja.” Ibr 4:15, aro namgija minganti dakaoniko rongtalatna amgipa ong•a.

[33] Jerangan uamangni janggirangko uamangni dosrangko u•ie Isolni mikkango bamjaha, ra•chakna nanggni skanggipa kamko chu•sokatkuja. Ua gisik pilaniko an•ching man•kujaode jekon gisik pil•na nanggija aro gisikni bnekani aro janggini kakket bamani gita an•chingni papko ku•rachakjaode aro an•chingni namgija dakarangko watgaljaode, papko ku•rachakanina an•ching

mamungsaloba kakkete am•kuja; an•ching kakkete am•kujaode an•ching Isolni tom•tomako mamungsaloba man•ja. An•chingni batangimin paprangko pi•okaniko man•gijani a•selara an•ching an•chingni ka•tongrangko bamatna sikkujaenga aro bebeni katako gamchatnikja. Rongtalbegipa mesokaniko ia a•selni gimin on•aha. Papko ku•rachakni, jinmao ba digtangmancha, ka•tongo ning•tue chanchie, skatang ku•rachakna nanga. Iako papioniko drana nangja. Iako simsakbregija nangai nangjai dakaiani ong•ja ba papni mitchignigipa kamko u•igijagipaoniko drana nangja. Janggini ning•tubat•sranggipaoniko pakate papko ku•rachakanisa bon•changgijagipa ka•sachakgipa Isolona soka. Daud agana, “Jihova be•tonggimin ka•tong gnanggiparangni sepango donga. Aro gisik bnekgimin ong•giparangko jokata.” Git. 34:18.

Kakket gisik pil•ania pangnan dingtangman•cha ka•chongmotgipa paprangko u•ia. Uaranga Isolni mikkangonasan mangmang re•bana nangaigipa ong•naba gnan, uaranga sakprakna ku•rachakna nangaigipa dakgualanirang ong•naba gnan, jean uarangchi saknaako man•aha, ba uarangna jinmana ka•gipa ong•naba gnan aro parak ong•na nanga.

Samuelni salrango, Isrealrang Isoloni re•brangangaha. Papni a•sel uamang saknaaniko man•engachim; maina Isolo uamangni bebe ra•aniko uamang gimaataha, jatko sason ka•ani Uni bil aro gisik gnanganiko ma•taljaha, Uni kamko wara chakna aro nama ine mesokna uni man•anio bilo ka•donganiko gimaataha. Pilakkon sason ka•gipa dal•gipaoni uamang an•pilaha, aro uamangko duulgipa jatrangko gita sason ka•akoman•a skang, uamang ia chong•mot ku•ranchakniko dakaha: “Maina chingna rajako bi•ara chingni pilak paprangni kosako ia namgijako dapataha!” I Samuel 12:19. Uamangni doso ga•akchongmotgijagipa papko ku•rachakna nangaha. Uamangni dakchakaniko ku•rachakgijani uamangni janggirangko sinjetaha aro Isoloniko uamangko ekataha.

Bebeko gisik pil•e gital ong•taijaode ku•rachakaniko Isol ra•chakjawa. janggi tangani miksongchong•mote ding- tang ong•chongmotani ong•na nanggen; mingantian Isolna namnikgijanikode watgalna nanga. Iasa papni gimin duk ong•chongmotani ong•gen. An•chingni dakna nanggni kamko an•chingni mikkango rongtalbeen donaha, “Na•simang su•srangbo, na•simang an•tangtangko rongtalatbo, angni mikronni mikkangoniko

na•simangni dakanirangni namgijako chel•atbo; namgija dakako dondikbo; name dakna skie ra•bo; bichalo ambo, oniako man•gipako dakchakbo, pagrigipako bi•chakbo, segrigipana mokordomao jegrikchakbo.” Isa. 1:16, 17. “Denggugipa bondok ra•ako on•pilode, uni ra•seke ra•giminko on•pilode, mamung namgijako dakgija janggini sea niamrango re•ruraode, ua tangchongmotgen, ua sijawa.” Ezekilel 33:15. Paul agana, gisik pil•ani kamniko agana “Maina iakon, chong•motan Isolni gita jajrenga man•atako nibo, ua badita bimchipa, bate badita an•tangna balchake agana, bate badita namnikjapila, bate badita kena, bate badita sikbea, bate badita bimchipgipa, bate badita jakbikpilako ong•ataha! Pilakon ua kamo na•simang rongtala ong•a ine an•tangtangko mesokaha.” 11 Kor. 7:11.

Jensalo pap gisikni u•ianirangko siataha, namgijako dakgipa an•tangni cholonni ong•sianirangko sandina man•ja, ba an•tangni dakgimin dal•bea gualaniko ma•sija; aro Gisik Rongtalgipa bilna an•tangko bamatjaskal, ua an•tangni papna adora mikgri ong•e dongaia. Uni kurachakaniranga kakketgipa aro bebegipa ong•ja. Ua an•tangni guala mingantiko ku•rachake ra•anio, an•tantangni kamko pa•sikachi namata, je maiba obostarangchi ong•jagenchimode ua iako ba uako dakjawachim, jena ua manengako man•na nangaha.

Adam aro Hoba beng•gimin biteko cha•ani ja•mano, uamango kengokani aro kratcha•aniko u•ianian gapachim. Skangde uamangde umangni chanchianiara maikai uamangni papko pa•sikna aro kenbegni donsogimin signioni jokna man•gen uasan ong•achim. Jensalo Jihova uamangni papni gimin sandiaha, Adam mitam dosko Isolo gale, mitam dosko an•tangni ripengo gale aganchakaha: “Na•a je me•chikko ang baksa dongchina ine angna on•aha, uan [35] ua bolni biteko angna on•aha, unon anga cha•aha.” A•ba. 3:12. Me•chik dosko chipuo done inaha, “Chipu angko tol•napaha, unon anga cha•aha.” A•ba. 3:13. Na•a maina chipuko dakah? Na•a maina Edenona re•bana uko on•aha? An•tangni papni gimin iarangan me•chikni pa•sikani ong•achim, indake umangni ga•akani daitoko Isolo galaha. An•tangko toromi ong•atani gisikara togiparangni pagipaoni a•bachengaha, aro pilak Adamni deritchu su•ritchurangonan dongrikrikangaha. Indakgipa ku•rachakanirangde Gisik Rongtalgipani mesoka ong•ja, aro Isolni ra•chakgnigipa ong•jawa. Kakket gisik pil•ani mandeko, uni namgijako an•tangon

ra•ani aro chanchipilani aro dakmikani grian dosko ku•rachakna uko dilgen. Kajina gilgipa gita uni mikronrangko salgichina nigitomang-gija grapgen, “Isol anggita papina ka•sachakbo;” aro an•tangtangni gualaniko ku•rachakgiparangkon toromi ine ingen; maina Jisu an•tangni an•chichi ua gisik pil•gipana mol•molchakgen.

Isolni katao kakket gisik pil•ani aro bamaniko mesokaniara ku•rachakani gisikko parape•a jeon papni, ba an•tangko toromi ong•atna joton ka•ani gri. Paul an•tangko champengna am•jaha; ua uni papko gisimbatsranggipa rongchi nonga aro an•tangni dosko ritchengatna joton ka•ja. Ua agana, “Uandake anga Jerusalemo dakba dakaha; aro angan kamal dal•giparagoniko bil man•e bang•a rongtalgiparangko patoko chipachim aro uamangko so•otao jak songpaachim. Aro pilak giljanokrango uamangko pil•nipil saja on•e, uamangko kal•stapchina draatachim; aro uamangko namen ka•onangani gimin anga a•paloni songjinmarangona kingking a•rikaha.” Wat. 26:10, 11. Ua indake aganna jajaja, “Papi-rangko jokatna Kristo Jisu a•gilsakona re•baaha, Uamangoniangan ong•batgipa.” I Time. 1:15.

Bangipa aro ka•tong bnekgiparang kakket gisik pil•anichi onatako man•giparang, Isolni ka•saani aro Skobikrokni damko gamchatnikpagen; aro jekae saksa depanteni pagipao ku•rachaka gita, kakketao gisik pil•gipa pilak uni paprangko ku•rachakode, an•chingni paprangko watna, aro pilak toromi ong•gijanirangoniko an•chingko rongtalatna ua bebegipa aro toromigipa ong•a” I Johan 1:9

[36]

[37]

On•kangani — (Consecration)

Isolni ku•rachakara ian, “Aro na•simang an•tangtangni ka•tong gimikchi angko am•on, na•simang angko am•e nikgen.” Jeremia 29:13.

Ka•tong gimikkon Isolna on•srangna nanggen, ong•jaode Ugitarak an•chingko ong•atgnigipa dingtangataniko an•ching mamungsaloba man•a amjawa. Ong•bewalachi an•chingna Isolna agital ong•a Rongtalgipa Gisik indagipa katarangchi obostako rongtale agana: “Niam pe•anirango anga paprango sigimin,” “Skogimikan saaha, aro ka•tong nom•bokaha,” uno beben an•sengani dongjasrang.” An•chinga Satanni ja•gao kimkiman ke•a; “Uni nangnikani gita uchi rim•gittangako man•giparang,” Ephesusrangna 2:1; 1:5, 6 ;2 Tim. 2:26. Isol an•chingko an•sengatna, an•chingko jokatna ska. Indiba ian chu•gimik gisik pilsranganiko aro an•chingni bewal gimikkon gital daktaianiko nangani gimin an•chingna an•tangtango chu•gimikan on•a nanga.

An•tangko dakgrikanian dakgrike nigiminarangni gisepo dal•batsranggipa dakgrikani ong•a. An•tangko on•ani, chong•motan, Isolni namnikanina dongatokko on•toke bamatani tikelaniko nanga; indiba janggi katchi rongtalao gital ong•ataniko man•a skang Isolna bamna nanga.

Satanni mesoka gitade, Isolni sasonara chatinggokna nangaigipa chongmotan duk sukko aganna man•pagijagipa ong•ja. Uan chanchibewalani aro chekaniko nangnika. “Imo an•ching chanchirimna hai.” Isaia 1:18. ine Dakgipa Rugipa an•tangni ong•atgiminrangko okamdinga. Isol an•tangni dakgiminrangko sikdraatja. Ua gisiko siggija aro chanchininggija on•gipa boliko ra•chakja. Draani giminsan bamaiania gisikni ba choloni chong•motnamrornogiko champenggenchim; uan mandeko kolchisa illenggipa bostu gita ong•atna amgipa bilchi gamchatbee dakgimin mandeko man•soka dipetde namchinan ska. Ua an•tangni ka•sachakachi an•chingo sokatna siggipa dandarere patianiko an•chingni mikkango dona. Ua an•tangni miksonganiko an•chingo

[38]

kam ka•atna man•a gita an•ching an•tangtangko Unan on•china an•chingko okamdinga. Isolni depnnterangni rasongarigipa jakgite-lao rengsiko man•pana, an•chingko papni nokol ong•aniko jakgitel ong•atgenma ong•tjawa uko seoke ra•na anchingna dongkua.

An•ching an•tangtangko on•anio Isolna an•ching Uoniko an•chingko dingtangtgnigipa pilakkon gelna nangchongmota. Uni gimin Jokatgipa agana, “Indide uandake na•simangoni an•tangni pilakkon watatgijagipa darangba angni sninggipa ong•na amja.” Luk 14:33. Isoloniko ka•tongko chel•atgnigipa gimikkon watgalna nanga. Gaman bang•ani isol ong•a. Tangka paisana ka•saani, gam-sengna simbraanirangan manderangko Satan baksa kakapgipa so-nani silting ong•a. Rokom gipin manderangba gnang jerangan mingsing minggamani aro a•gilsako mandera•anikosan am•bata. An•tangna mangmang sukbaso aro daito gri janggi tanganiara mitam-rangni olakiani mite ong•a. Indiba indonga nokol itgipa siljurirangko pe•kninge galsrangna nanga. An•ching adha Gitelni aro adhara a•gilsakni ong•na min•jawa. An•ching chu•gimiken ong•sranjaskal Isolni dedrang ong•ja.

Uni niamko manina, kakketgipa cholonko dakna aro jokataniko man•na an•tangtangni joton ka•anirangosan pangchake Isolna dangdike on•a dakmikgiparangba gnang. Uamangni ka•tongo Kristona ka•saani chong•motko u•ianide dongja, indiba uamang salgiko man•na gita Isolni uamangoniko nangdikgipa Kristianni janggi tanganio dakna nanggnigipa kamrangko chu•sokatna joton ka•a. Indakgipa torom mamungoonaba gamchatani gri. Kristo ka•tongo dongkamon, janggi katchio Una ka•saani, Unbaksa nangrimanio katchaanian gapgen, jekai dakode uan uanbaksa ma•gapna amgen; aro Uko chanchibewalanio, an•tangkon gualgen. Kristona ka•saania kamko dakani chimik. Isolni ka•sachi salako u•igiparang, Isolni nangnika re•na chonbatako amj•awa; onbatgipa gadango dongnaba sikjawa, indiba uamangko pi•okgipani namnikaniko tiktak chu•sokatanikosan nisan ka•ea. Uamang ka•tongo sikchongmota gnange an•tangtango gnang kakketkon on•a aro uamangni man•na niamgipa miksongani gamchatani kri gisiko nanganiko mesoka. [39] Ia ning•tue ka•saani kri Kristoko ra•mikania, bimungnasan, dakmikaigipa aro neng•nikgipasan ong•aea.

Kristona gnang kakketko on•ara ampilgijagipa boli ine na•a chanchiama? Na•a an•tango ia sing•aniko sing•e nibo.

“Kristoa angna maiko on•jok?” Isolni Depante an•chingko pi•okna gnanng kakketko on•aha-janggi aro ka•saani aro satengtoaniko. Indide indita dal•begipa ka•saaniko man•pana kragijagipa an•chinga an•tangtangni ka•tongrangko Uoniko tangtange raki-genma? An•chingni janggi tangani dikdikantian an•chinga Uni ka•sachakaniko patianirangni rengsiko man•pagiparang ong•aha, aro ia a•selni giminan an•chingara an•chingni jokataniko man•gimin, u•igijani aro dukni ning•tuanirangko tale ma•sisokna amja. An•chingni paprangchi su•ako man•gipa Uko an•ching nitate dongna aro Uni pilak ka•saani aro boli on•aniko Ghonikaoniko dakna sikgiparang ong•na man•genma? Rasongni Gitelni aiao inmanpilgipa chakchike on•aniko nikeba an•chinga duk chakachi aro an•tangko onatachi janggio napna man•ani gimin mitu mitu ingenma?

Bang•a gaorade•gipa manderang indake sing•ronga, “Isolni angko ra•chakaniko anga bilake u•ichengjaskal angara maina papna skime aro chakchike salko re•atna nanggnok?” Anga nang•na Kristoko ra•china mesoka. Uan pap grichim aro unaba batesa, Uara salgini Rajachim; indiba ua mandeni pal mande jatna pap ong•aha. “Niam pe•giparang baksa chanchapatako man•aha; indioba Ua bang•ani papko ra•aha, aro niam pe•giparangna mol•molchakaha.” Isa. 53:12

[40] Indiba pilakkon on•tokoa, an•ching maiko watgala ? Chong•motan Jisu rongtalatchina, Uni an•chitangchi, su•srangchina aro Uni tosokgijagipa ka•saanichijokatchina papi marang nang-gimin ka•tongko. Indake ong•oba manderang an•tangtango gnanng kakketko wate katna nang•nikenga. Anga indine aganako knana kratcha•a, aro senaba kratcha•a. Ane•hingni namgnina nanggnigiparangko watna nanga ine Isol an•chingoniko nangnikja. Uajekoba dakbo, Isol an•tangni dedrangni namgniko pangnan gisik ra•a. Manderangni an•tangtangna am•enggipana bate nameman•chan nambatsranggipa Jisuo uamangna on•na maiba gnanng ine Kristoko raxhakna sikgijagiparang ma•sipaosamung! Mande Isolni ska namnikaniko pangpilate chanchie aro kam ka•e an•tangni janggi katchina dal•batsranggipa saknaniko aro oniako daka. Ma•na nambatsranga Uko u•igipa aro an•tangni dakgiminrangna namgni cholko dakgipa Isolni beng•gimin ramako re•e darangba mamungsaloba katchaaniko man•jawa. Niamko pe•ani ramara duk aro gima•ani rama ong•a.

Isol an•tangni dedrangni duk onga•niko nikna namnika in-echanchianiagualani ong•a Salgimikan mandeni katchaanina gisik nanga. An•chingni salgini Paa an•tangni dakgiminrang jen-aba katchaani aro salgini do•gako anxhingna champenggnigipa duk saknaa aro ka•abe•aniko ra•banasigipa suknirangko gelchina an•chingko beng•a. A•gilsakni Pi•okgipa manderangko uamangni pilak nangnikanirang, chu•sokgijanirang aro bilgrianirangko niken uamang baibai ra•chaka; aro Ua an•chitangchi paponiko su•gale pi•okanikosan on•aigija, Uni balko ripechina Uni pakripeko gatna ku•rachakgipa pilakni simbraenggipa ka•tongkoba chu•ongnikatgen. Janggini pitako cha•na an•tangona re•bagipa pilaknan tom•tomani aro neng•takaniko on•a Uni miksongani ong•a. Ua manigijagiparangni mamungsaloba man•pana amgijagipa bonkamsranggipa katchaniona an•chingni ja•kurangko an•chingko dilgnigipa kamrang mangmangkosan chu•sokatchina an•chingko nangnika. Bebe aro ka•sroke mandeni janggi tanganiara rasongni ka•dongani Kristoko ka•tong ning•o man na nanga.

“Angara an•tangko maikai Isolna bamatna man•gen,” ine bang•an sing•enga Na•a an•tangko Una on•na ska, indiba na•ara kenchakanikon watna man•jae aro papo janggi tangani dakbewalrangni ning•o donge gisikni bilgri ong•a. Nang•ni ku•rachakanirang aro miksonganiranga an•chengni pagarang gitasan ong•aia. Na•a an•tanngni chanchianirangko, gisikni sikgittinganirang aro gisikni nanggittinganirangko dontongatna man•ja. Nang•ni pe•gimin ku•rachakanirang aro gimatgimin on•kanganirangko u•ianian na•a an•tangni chanchipila gri ka•donganiko olgrokata, aro Isol nang•ko ra•chakna man•jasusu dake nikata; indiba na•a ka•donggipa ong•nabe. Nang•ni ma•sina nangania iasan chong•motan gisiko miksonganini bebegipa bil. Ia tik ka•e ba seoke ra•ani bilara skang intalan mandeonin, mamungan mangsonganini kakket kamo pangchaka. Isol seoke ra•ani bilko manderangna on•manaha; uko ranta ka•na uamangnin. Nang•ni ka•tongko dingatna man•ja, na•a an•tangeride ka•saniko Isolna on•a man•ja, indiba na•a Una dangdike on•na seoke ra•na naga. Na•a nang•ni mangsonganiko Ua an•tangni namnika gita nang•ko skatgen aro kamko ka•atgen. Indake nang•ni bewal gimikkon Kristoni Gisikni sasonni ning•o napatgen; nang•ni ka•tongni cha•suanirang uasan ong•aigen; nang•ni chanchianairang Unbaksa nangrimgem.

[41]

Nama rongtalna skanirang uarang ong•angna namnika dipet gualani gri; indiba na•a ianon dondikode uarang mamung namgni dongjawa. Bang•a Kristianrang ong•na ka•donge simbraengmitingon gimachipgen. Uamang mangsongatangtango Isolna bamataonan sokbaja. Uamang da•o Kristianrang ong•na sikja.

Mangsonganiko kakket ong•e ranta ka•anichi nang•ni janggi tanganio chu•gimik deda•ataniko man•gen. Nang•ni mangsonganganiko Kristona on•sranganichi, pilak raja onga•nirang aro bilrangna batskagipa bil baksa na•a an•tangko nangrimata. Na•a an•tangko kimkime rakina ka•saoniko bilko man•gen, aro indake Isolna on•kangjringanichi, gital janggi tanganio chong•motan bebeni [42] janggio tangna man•gen.

Bebe Ra•ani Aro Ra•chakani — (Faith and acceptance)

Rongtalgipa gisik nama namgijako chekgipa nang•ni gisikko ta•rakatahani gimin papni namgijani, uni bilni dosni aro dukni gimin maikobade na•a u•ipaaha. Na•ara namgijani bilni ning•o ong•achim, paprang nang•ko Isoloniko dingtangatahachim uko na•a uia. Na•a badita jena tikela, inditan na•a nang•ni dakchakani grikoba u•ia. Nang•ni gisiko mangsonganirangara rongtalja; nang•ni ka•tong moilaari. Nang•ni janggi tanganio an•tangnasan chanchiaiani aro papan gapa. Na•a kema watako aro su•srangako aro jakgitel wataniko man•na ska. Isolbaksa nangrimani, Ugitachacha ong•ani-uko man•na na•ara maiko dakna nanggen?

Tom•tomanian nang•ni nangnika Salgini kema watani aro tomtomani, aro janggi katchio, ka•saani. Tangkachi uko brena man•ja, gisikni u•ianichi uko man•a amja, gisik ghangachi uko man•na amja na•a ant•angni bilchi uko amn•na ka•dongna man•ja. Indiba Isol nang•na uko, “tangka gri aro dam grian,” Isa. 55:1; boksis gita o•na. Na•a nang•ni jakko snilate uko rim•kepode ua nang•nin. Jihova agana, “Na•simangni paprang gitachaksranggipa gita ong•oba, uarang suuri gita bokgen: uarang an•chini rong gita gitachakoba uarang mesni kimil gita ong•gen. “ Isa. 1:18. “Gital ka•tongkoba anga na•simangna on•gen, aro gital gisikko anga na•simimangni ning•o dongen.” Ezekiel 36:26.

Na•a nang•ni paprangko ku•rachakaha, aro ka•tongo uarangko watgalaha. Na•a an•tangko Isolna on•kangna kimkim mangsongaha. Da•o na•a Uona re•angbo, aro papko su•srange ka•tong gitalko on•china Uo bi•bo. Unon, *Ua ku•rachakani gimin Ua* uko daka ine na•a bebera•bo. Jisuni a•gilsako dongmitingo skia ian ong•a, je Isolni an•chingna ku•rachakgimin boksisko an•ching man•chongmota ine an•ching bebera•na nanga, aro ua an•chingnin ong•a. Manderang Uni bilo ka•dongahaon Jisu manderangni rokrangko an•sengataha; Ua manderangni nikna man•gipa kamrango uamangko dakchakaha, indaken uamangni nikna man•gijagipa kam-

[43]

rango uamangni Uo ka•donganiko didiate paprangko watna Uni bilo bebera•china Ua uamangko dila. Ua an•ma gokga ong•e sagipa mandeko an•sengatanio iakon rongtalen agana; “A•gilsako paprangko watna mandeni Depanteni bil gnang, iako na•simang maidake u•ina man•gen, (unikoa Ua an•ma goka ong•gipana aganaha). Chakatbo, nang•ni tuchakaniko de•tome nang•ni nokchi re•angbo.” Mati 9:6. Indaken Johan, nama katako aganprangkpa, Kristoni aiao inmanani kamrangni gimin agane ina, “Jisuan Isolni Depante, Kristo ine na•simang maikai bebera•gen aro maikai bebera•e Uni bimungo janggiko man•gen, iarangko seaha.” Johan 20:31.

Jisu sagiparangko an•sengatanini gimin altuae Sastroni kataoniko nike an•ching Jisuo paprangko kema watani gimin bebera•na skie ra•na ma•na. Bethesdaoni an•ma goka ong•e sagipa mandeni golpoko niskana hai. Da•nang ua sagipa mande mamung dakchakanikon man•jaengachim; ua an•tangni ja•a jakrangko bilsil kolatchichetna kingking jakalna man•jahachim. Indiba Jisu uko ge•ete inaha, “Chaktbo, nang•ni tuchakaniko ra•e re•rorobo.” Sagipa mande indine agannaba dongachim, “Gitel, na•a angko an•sengatangnode anga nang•ni katako minigen.” Indiba, ihing, ua Kristoni katako bebera•aha, aro an•sengataha ine bebera•aha, aro ua rang•sanan joton ka•aha; ua roamna skaha aro ua roambebeaha. Ua Kristoni kata gita dakaha, aro Isol bilko on•aha. Ua an•sengatako man•aha.

Uagita chacha na•a papi ong•a. Na•a nang•ni batanggimin paprangna namatpilna man•ja, na•a an•tangni ka•tongko dingtangible an•tangko rongtalatna man•ja. Indiba Isol, Kristochi ia gimikko nang•na dake on•a ku•rachaka. Na•a ua ku•rachakaniko bebe ra•bo. Na•a nang•ni paprangko ku•racbabo aro an•tangko Isolna on•bo. Na•a Una dangdike on•na sikchong•motbo. Nang•ni indake dakbebehaon Islo nang•na an•tangni katako chu•sokatgen. Na•a ku•rachakako bebe ra•ode-na•a kema ka•ako aro rongtalako man•aha [44] ine bebe ra•ode Isol bangkikode dakgen. Jedake an•ma goka sagipa mande an•sengatako man•aha ine bebe ra•on ua re•na man•aha, ugitan na•aba an•sengatako man•gen. Na•a bebe• ra•ode indakesa ong•a.

Na•a an•sengatako man•aha ine u•ina sengnabe, indiba “Anga uko bebe ra•a; anga indaken ma•siani gimin ong•ja indiba Isolan uko ku•rachakahani giminsa indaken ong•a” inesa inbo.

Jisu agana, “Bi•on na•simang pilak jeko bi•a, ukon man•aha ine bebera•bo, unon na•simang uarangko man•gen.” Mark 11:24. Ia ku•rachakaniko man•na mingsadakgni kam gnang chong•motan an•ching Isolni namnika gita bi•na nanga Indiba Isolni ska an•chingko paponiko rongtalatna, an•chingko Uni dedrang ong•atna aro rongtala janggi tanganiko tangna amatna ong•a. Uni gimin an•ching ia patianirangna bi•na, aro man•enga ine bebera•na, aro an•ching uarangko man•aha ine Isolko mitelna. Jisuona re•e rongtalatako man•na, aro kratchaa aro gisik sani gri, niamni mikkango chadengna an•chingni chol ong•a. “Uni gimin da•o kristo Jisuo donggiparangna mamung matnanga dongja, jean be•enni gita ong•gija Gisikni gita re•a.” Rom. 8:1.

Da•ontal na•simang an•tangtangni ong•ja, na•simangko damchi breaha. “Na•simangni ong•gramaia dakrongaoni, sognirang rupa sonachi ong•ja, indiba ong•sigija, simteka gri mes bi•sani gita, Kristoni gamchata an•chichi, na•simangko pi•okaha ine na•simang u•ia.” I Pitor 1:18,19. Indiba altue Isolko bebera•ani kamchi, Rongtalgipa Gisik nang•ni ka•tongo gital janggiko sikataha. Na•ara Isolni nokdango atchigipa bi•sa gita, aro Ua an•tangni Depantena ka•saa gita nang•na ka•saa.

Da•o na•a an•tango Jisuna on•ahani gimin, an•pilnabejok, na•a an•tango Uoniko chel•atnabe, indiba, “Anga Kristoni ong•a; anga an•tango Una on•aha.” inesa salanti inbo; aro an•tangni Gisikko nang•na on•china, aro Uni ka•sachakachi nang•ko rakkichina Uo bi•bo. An•tango Isolna on•e Uko bebera•e na•a Uni de ong•a gita Uo dongbo. Sing•gipa agna, “Uni gimin na•simang jedake Kristo Jisu Gitelko ra•aaha, uandake re•rurabo.” Kolosi. 2:6.

[45]

Mitamrang Isolni patianiko man•na skang an•tangtangni cholonko namatna somoiko nanga ine chanchia. Indiba iamang da•omangba Isolni patianiko bi•na man•a. Uamangni bilgri-anirangko dakchakchina Uni ka-sachakani chong•motan Kristoni Gisikko man•na nanga, ong•jaode uamang namgijarangko warachakna amjawa. Jisu an•chingko papi, dakchakani gri aro pangchakgipa ong•a baibaian an•tangona re•baatna nangnika. An•ching an•chingni bilgri ong•aniko, goka ong•aniko papi ong•aniko ra•bite Uona re•angna aro paptangna skime Uni ja•o ga•akena man•a. Uni ka•saani gangponggrangchi an•chingko gang-

gopna aro an•chingni pariangko wentipe pilak rongtalgijaoniko wentipe pilak rongtalgijaoniko rongtalatna Uni rasongan ong•a

Hajalni hajal manderang ianon chu•sokja: Jisu uamangko an•tangmanchan sakprakprak ma•ate kema wata ine uamang bebera•ja. Uamang Isolko Uni katao gita ra•ja. Pap mingantinan kema wataniko on•a ine u•ina dakgnigiparangko pilak chu•sokatgnigiparangni cholma•ate ong•a. Isolni ku•rachakaniranga nang•nade ong•ja ine kenchakaniko watsrangbo. Uaranga sakanti gisik pil•gipa niam pe•gipana ong•a. Bebera•gipa sakantina dangdike on•gipa sa•grerang ra•bachina Kristochi bil aro kasachakaniko donsoaha. Bilko, Jisuo toromi ong•aniko man•na darangba inditan papi ong•ja jena Ua siaha. Ua papchi dak aro marang nanggimin gandingrangko uamangoniko okale uamangna toromini gipokgipa ganding chindingrangko patskana sengenga, Ua uamangko tangchinasana ge•eta, sichina ong•ja.

Bon•gnigipa manderang saksa sakgipinko jakpilgrika gita Isolde an•chingko jakkalja Uni chanchianiranga ka•sachakani, ka•saani aro rinokbatgipa ka•saningani chanchianirang ong•a. Ua agana, “Ekanggipa an•tangni re•aniko. aro kakketgijagipa mande an•tangni chanchianirangko watgalchina; aro ua Jihovaona pil•bachina, aro Ua una ka•sachakgen; aro an•chingni Isolona, maina uan bang•bee kam ka•gen.” Isaia 55:7. “Anga ritchagipa aramko gita nang•ni niam pe•anirangko, aro aramko gita nang•ni paprangko kimitaha,” Isaia

[46] 44:22

“Maina sigipani sianio anga kusi ong•ja ine Gitel Jihova agana; Uni gimin na•simang an•pilbo.” Ezekiel 18:32. Satan Isolni gamchatbegipa ku•rachakanirangko cha•ue katna tarie donga. Ua ka•dongani mingantiko aro teng•sua ja•dil dilantiko ra•na ska; indiba na•a indake dakchina una cholko on•na nangja. Ma•jogipako knatimnabe, indiba inbo., “Anga tangpana man•na gita Jisu angna siaha. Ua angna ka•saaha aro angko gima•atna namnikja.” Ango ka•sanninggipa salgini Paa gnang, aro anga Uni ka•saaniko chonika-haoba, anga chakate an•tang Paaona re•ange Una ingen, O Apa, anga salgina ara nang•ni nikao papko dakaha; nang•ni depante ine mingkuna nitoja: nang•ni tangka ra•gipa nokol saksa angko dakbo. Maikai branggipa rimchakako man•gen toe aganani nang•na agangen: “*Ua chel•engpition uni pagipa uko niksoe ka•sachake daariange uko gipake kwdimaha.*” Luk 15:18-20.

Indiba ia toanimangba, rinoka aro gisik nangbeani ong•omangba salgini Paani tosokgija ka•saninganiko agane matchotatna amja. Gitel an•tangni katchinikgipachi indine aganpraka, “Jringjrotni ka•sanichi anga nang•na ka•saaha, *Unigimin ka•saanichi, anga nang•na jringjring ka•sae dakaha.*” Jeremia 31:3. Papini Pagipani nokoni chel•e brange gamtango u•igija a•songo rusiengmitingo, Pagipani ka•tong una simbraa, aro Isolona pil•bana ua mandeko sikatgipaatian ua branggipako uni Pagipani ka•saani ka•tongona rimpilna mol•molchakgipa Uni Gisikni rinok rinok mol•molchakgipa ong•a.

Nang•ni mikkango Sastroni bilakgipa ku•rachakanirangko nikenba, na•ara kenchakna nangkuengama? Da•nang paptango wate pil•bapilna skon Gitel rang•dat rangdat dake gisik pil•e Uni ja•aona re•baoniko uko champenga ine na•a bebera•na amama? Indonga chanchianirang dongjachina ! An•chingni salgini Paani gimin indine chanchianina agre mamung gipinchi nang•ni janggina onia ka•ani gri. Ua papna mitchia, indiba Ua papina ka•sara, aro sikgiparang pilakan jokaniko aro rasongni songnoko jringjrotna Patianiko man•china Kristoni bimangko ra•e ua an•tango on•aha. Uni an•chingna ka•saaniko Parape•atna seokgiminna bate mai bilakbatgipa ku•sikko jakkalkugen? Ua indine aganpraka, “An•tangni sa•tipni depantena ka•sachakjana gita me•chik an•tangni sokcha•gipa bi•sako gualna amama? Oe iamang gualnaba donga indiba anga uamangako gualjawa” Isa. 49:15.

[47]

Na•a kenchake be•en moenggipa, nigitoe nibo, maina Jisu tange an•chingna bi•enakenga. Uni ka•sagipa depanteko ka•sae on•anina Isolko mitelbo, aro Ua nang•na magna sigramaija ine inbo. Gisik da•alo nang•ko okamdinga. Nang•ni ka•tong gimikchi Jisuona re•babo, aro una uni patianiko bi•na man•gen.

Na•a ku•rachakanirangko poraiengmitingo uaranga agansokna ampilgija ka•saani aro ka•sachakaniko mesokani ong•a ine gisik ra•bo. Tosokgija ka•saani dal•gipa ka•tongko sima gri ka•sachakanichi papina salbara. “An•chinga Uni anc•hi pi•okaniko, paponiko watako man•aha.” Ephesus. 1:7. Oe, Isol nang•ko dakchakgipa ong•a inesan mangmang bebera•ibo. Ua an•tangni nama cholonni jagringko donna ska. Na•a paptango ku•rachake aro gisik pil•e Uona sepange re•baon Ua nang•ona ka•sachake aro kema wate nang•ona sepang re•baskagen.

[48]

[49]

Sninggipako Niani — (The Test of Discipleship)

“Uni gimin soaba Kristoo dongode, ua gital dakgimin ong•a, gitcamrang gimaaha; nibo, uarang gital ong•aha.” 2 Kor. 5:17.

Mande Kristoona katnapmitingo somoiko, biapko aro ong•a obstarang gimikko tiktak anganna man•janaba donga; indiba ian katnapgijaniko saki on-ade ong•ja. Kristo Nikodemosna aganaha, “Balwa bachina ska, uchina bala, aro na•a gam•ako knara, indiba ua baoni re•bara, baona re•anga, uko u•ija Gisikoni atchigipa sakan-tian uandake ong•a.” Johan 3:8. Nikna man•gijagipa balwa gita, indioba uni kamrangkode nikna oro ma•sina man•a, uandake Isolni Gisikni kam mandeni ka•tongo ong•a. Mandeni mikronchi nikna man•gijagipa ua atchitaigipa bil, gital janggiko sikata; uan Isolni jagring gita gital bimangko ong•ata. Gisikni kam jripjrip aro u•ina man•gijagipa ong•oba, uni bitekode an•ching nika. Mandeni ka•tong Isolni Giskchi gital ong•atako man•ahaode, uni janggi tanganian ua kamni saki ong•gen. An•ching an•chingni ka•tongrangko mamungchiba dedaatna, ba an•tangtango Isol baksa nangrimatna man•jaoba; an•ching an•tangtango ba, an•chingni nama kamrango ka•dongna man•jaoba, an•chingni janggi tanganian Isolni ka•saani an•chingo dongkamenga ba dongkamja parakgen. An•chingni cholono ba dakbewalrango ba kamrango dingtanganiko nikgen. Skango uaranga maiachim aro da•oa uaranga mai ong•skaaha, iani gisepo dintanggrikaniko rongtale aro tik dake nikgen. Cholonko mesokani gisep gisep nama kamrangchi ba gisep gisep namgija kamrangchi ong•ja indiba salanti katrangko aganronga aro kamrangko dakrongachisa ong•a.

Kristoni gital daktaigipa bil donggijaba cholonko nikrangraode name nikbebenaba donga. Dal•na skani aro gipinoniko mande ra•ako man•na skani nama janggi tanganiko ong•atnaba donga.

[50] An•tangtangnasan chanchiaigipa ka•tong jaksrame kamko ka•naba donga. Indide an•chinga sachipak dongenga maikaiesa uko tik dake u•ina man•gnok?

Sao ka•tong donga? An•chingni chanchianiranga sanbaksa? An•chinga sani gimin agangrikna namnika? Sao an•chingni ka•sabata aro nambata bilrang donga? An•ching Kristoni ong•ode, an•chingni chanchianirang Unbaksan, aro an•chingni nambatsrang-gipa chanchianiranga Uni giminan ong•a. An•chingo je donga aro an•ching je ong•a Unan rongtalatako man•a. An•chinga Uni ja-gringko man•na aro Uni Gisikko rang•sitna, Uni namnikako dakna, aro pilak kamrangon Uko namnikatna sikbea.

Kristo Jisuo gital janggi tanggiparang ia Gisikni biterangko nanggen, “Ka•sara, katchaa tom•toma, chakchika, rinok: rinok daka, nama, bebe ra•a, sontol daka, an•tangtangko bamata.” Gal. 5:22,23. Uumang an•tangtangni skang salrango mikbokanimng gita an•tangtangko jakalchajawa, indiba Isolni Depanteni bebera•achi uamang Uni ja•kuko ja•rikgen, Uni cholonko an•tangtango nikatgen, aro Ua jedake rongtala an•tangtangko Ugitan rongtalatgen. Uamangni skango mitchigiparangna uamang ka•saa; aro skango ka•sagiparangna mitchiskaa. Gaorade•gipa aro an•tangkosan mande mingaigipa ka•tongo sontolgipa ong•skaa. Gramaigipa aro chonikrkgipa mande da•o gisik jringipa aro mandeskana chanchigipa ong•skaa. Chu ringrkgipa ringtaijawaha, aro rongtalgijagipa mande da•o rongtalgen. Ong•gramaigipa dakbewalrang aro a•gilsakni tarianirangko watgalgen. Kristianrang “a•palni tarianiko” am•jachina, indiba “ka•tongni donnua mande, sontol aro tom•omgipa gisikni sogijani tariani ong•china.” I Pitor 3:3,4.

Namatpiltaijaniko dakjaskal, chong•motgipa gisik pil•ani saki gri, ua ku•rachakako chu•sokatahaode, uni ra•seke ra•giminko on•pilode, paptangko ku•rachakode, ua Isolna aro mandeskarangna ka•saode, papi siaoni janggiona re•angbebeaha ine nikchong•motgen.

An•ching gualrkgipa aro pap ka•giparangni bimangko ra•e, Kristoona re•bae Uni kema watgipa ka•sachakanio rengsi man•pagiparang ong•on, ka•saa uni ka•tongo chimik gita nakata. Balantian ritchenga; maina Kristoni gatgipa pakripe ripena altua. Dakgni kam ka•srokani aro on•kangania namnikni ong•baskaa. Skango andalsimsim bangbang dake nkgipa rama da•ode Torom Salni ja•durirangni teng•brapatako man•ska.

Kristoni cholonni nitoaniko Uko ja•rikgiparango nikgen. Isolni namnikako dakna uni katchaani aro Uni rasongna sikbeani an•chingko Jokatgipa janggi tanganio domon ka•gipa bil donga.

Ka•saa uni pilak ka•anirangko nitoataha aro mingnamataha. Ka•sara Isolni ong•a. Rongtalatako man•gijagipa ka•tong uko a•bachengatna ba ong•katatna man•ja. Jeo Jisu sason ka•a uaka•tongosan uko nikaia. “An•ching ka•sara, maina Ua •an•chingna ka•sachengaha” I Johan 4:19. Isolni ka•sachi gital onga•tako man•gipa ka•tong, ka•saa kamni mongsonggipa ong•a. Uan cholonko dingtangata, gisikni cha•surangko sason ka•a, gisiko skaanirangko nangrimata. Ia ka•saania janggi katchio dongode janggi tanganiko chi•ata aro pilakni kosakon rongtagimin bilko ong•katata.

Isolni dedrangni - mongsongbate Uni ka•sao ka•dongna re•badaldalgiparangni mikrakna nanggnigipa minggni gualanirang gnang. Skanggipa jeni gimin aganman•aha, kamtangtango niaigipa, an•tangtangko Isol baksa nangrimatna uamangni dakpana man•ao ka•dongani. Niamko rakianio kamtangchi rongtalatna, joton ka•gipa mandede ong•na amgijako joton ka•enga. Kristoko ra•bitgija mandeni dakna ma•toktokan pap aro an•tangtangnasan chanchianichi ong•siatgimin ong•a Kristoni ka•sachakanisan mangmang bebechi an•chingko rongtalatna man•a.

Pangpilgipa indiba komigijagipa gima•ani gualani ian, chong•motan, Kristoo bebera•ania Isolni niamko maniaoniko manderangko naljokata; aro an•chinga bebera•anisan Kristoni ka•sachakani rengsiko man•pagiparang ong ani gimin, anichngni kamrang an•chingko pi•okani baksa mamungba nangrimani gri.

[52] Indiba iako nibo, chong•motan maniania mikkang para namaniko mesokanimangmang ong•aija, indiba k•asae dangdike on•anisa. Isolni niamara Uni chongmotgipa niamko parape•ani ong•a; uan ka•saani da•lgipa ja•pangko man•gopa, aro uni gimin niam salgio aro a•ao Uni ka•sachakani ong•a. An•chingni ka•tongrang Isol gita tiktak ong•atako man•ode, janggi katchio Isolni ka•saniko ge•ode,, Isolni niamko janggi tangao chu•sokatjawama? Ka•saani niamko ka•tongo ge•on, an•tangko ong•atipa Uni jagring gita mande gital ong•atako man•on, gital songgigrikani ku•rachakaniko chu•sokataha. “Anga an•tang niamrangko uamangni ka•tongo dongen, aro uamangni gisikrangoba uarangko segen.” Ibr. 10:16. Aro ka•tongo niamko seode, uan janggi tanganiko dingtangjawama? Maniani ka•saachi dangdike on•ani aro ka•saani bama, ian sninggipa ong•ani kakketgipa chin ong•a. Sastro indine agana, “Ian Isolna ka•sara, chong•motan Uni ge•etanirangko mania.” “Anga

Uko u•ia ine, Uni ge•etanirangko manigijagipa, ua tol•gipa, aro uo bebe dongja.” I Johan 5:3; 2:4. Mandeko maniaoniko olgrokatani pal an•chingko maniatna, man•atgipa aro Kristoni ka•sachakanio an•chingko rengsi man•atgipara bebera•ani aro bebera•anisan mangmang ong•a.

An•chingni manianichi an•ching jokatako man•ja, maina jokatania bebera•achi man•gnigipa Isolni indinan on•aigipa ong•a. Indiba manianara bebe ra•nini bite ong•a. “Paprangko ra•angna ine Uko parape•ataha ine nansimang u•ia, aro pap uno gri.” I Johan 3:5. “Uno dongkamgipa pilakba pap ka•ja; indiba pap ka•gipade pilakan uko nikkuja, aro uko u•iaba ui•kuja.” I Johan 3:6. Iano chong•motgipa niani donga. A•nching Kristoo dongkamode, Isolni ka•saani an•chingo dongkamode, Uni rongtalgipa niamni skianirango janapgimin gita, an•chingni gisiko nanganirang an•chingni chanchianirang, an•chingni kamrang Isolni mangsongani baksa meligen. “Dede racharang, na•simangko pilakba brangatjachina; toromko ka•gipa uni toromi ong•a gitan toromi ong•a” I Johan 3:7. Sinai a•bribo on•gimin mingchikungo janapgimin gita, kakketdakaniko Isolni rongtalgipa niamni gadangchi rongtalgipa niamni rongtale mesoka.

Ua, Isolna bamna nanggni daioniko manderangko naljokatako agangipa Kristoo bebera•ani ine ingpara bebera•ani chong•motde ong•ja, uan gangbinganisan ong•aia. [53] “Maina ka•sao bebera•achi na•simangko jokataha,” Ephesus. 2:8. “Indiba bebera•a, kam griode an•tango sia ong•a,” Jakob 2:17. Jisu ia a•gilsakona re•bana skang, an•tangni gimin indine agana, “Nang•ni namnikaniko dakna anga ka•sroka, O angni Isol; Oe angni ka•tongo nang•ni niam donga.” Git. 40:8. Aro Ua salgichina gakatangna skang mangmangosan indine parakaha, “Anga Apani ge•etanirangko maniaha, aro Uni ka•saon dongkama.” Johan 15:10. Sastro agana, “Aro an•ching Uko u•ia ine iachi ua, chong•mot an•ching Uni ge•etanirangko maniode, Anga Uno dongkama ine ingipa Uni re•rura gitan an•tangba re•rurana nanga.” I Johan 2:3-6. “Maina Kristoba na•simang Uni ja•kolko ja•rikchina na•simangna dake mesokangaha.” I Pitor 2:21.

Jringjrotna janggi tanganiko man•na dakna nanggniara jedake ong•baenga da•oba Ugitanchim, an•chingni skanggipa ma•a paarangni ga•akna skang Eden bario ong•a gita Isolni niaman chu•gimik bamsrangani aro kakketsranggipa ong•ani ong•a. Iana

komigipa maiba chu•sokatna nanggipa kamosa pangchake jrin-jrotni janggiko on•genode, a•sak salgi gimikchi katchaanian apoto ga•akgenchim. Pilak rokom aro duk jajrenganirang ra•chape pangkamgipa ong•na papna cholko oe on•genchim.

Adaman•tang ga•akna skang, Isolni niamko maniachisa kakket-gipa cholonko man•na amaha. Indiba ua iako dakna amjaha, aro uni papni a•sel an•chingni bewalrang ong•siaha aro an•ching an•tangtango kakket ong•atna man•ja. An•chinga paparigipa, rongtalgijagipa ong•ani gimin, an•ching rongtalgipa niamko srange manina amja. An•chingo Isolni niamni dabanirangko chu•sokatna man•atgipa, an•ching mamung toromi ong•ani dongja. Indiba Kristo an•chingna jokani cholko tariaha. Ua a•gilsako dakma-joanirang aro nina dakanirangni gisepo janggi tangangaha jerangko an•ching re•gronga. Ua pap grigipa janggi tanganiko tangangaha. Ua an•chingna sichakaha, aro da•o an•chingni paprangko ra•angna aro Uni rongtalaniko an•chingna on•na alonaha. Na•a an•tangko una on•ode, aro nang•ni Jokatgipa ine Uko ra•chakode, indide, nang•ni janggi tanganio paparigipa ong•oba, na•a Uni a•sel toromigipa ine chanako man•gen. Nang•o Kristoni cholon dongskagen, aro na•a mamung papkoba ka•kuja gita Isolni mikkango ra•chakaniko man•gen.

Iana baten, Kristo nang•ni ka•tongko dingtangatgen. Ua bebera•anichi nang•ni ka•tongo dongkamgen. Na•a bebera•anichi ia Kristo baksa nangrimaniko aro Una nang•ni skako jringjring bamananiko rakiangna nanga, aro na•a iako dakna man•enga dipet, Ua an•tangni namnika gita mangsongatna aro kamko ka•atna Ua kamko ka•gen. Uni gimin na•a idine agna man•a. “Anga da•o be•eno angni janggi tanga bebera•ao, chong•motan angna ka•sae ong•ani gimin an•tangko on•gipa Isolni Depanteko bebera•ao janggi tanga.” Gal. 2:20. Uni gimin Jisu an•tangni sninggiparangna aganaha, “Maina na•simangde agangipa ong•ja, indiba na•simanani Paani Gisk na•simango agana.” Mati 10:20. Indide Kristo nang•o kam ka•e, na•a apsan gisikko mesokgen aro apsan kamrangko dakgen, chong•motan toromni aro maniani kamrangko.

Uni gimin an•chingni gaorade•na nanggnigipa an•tangtango mamungba gri. An•ching an•tangtangko rasong chana mamungba a•sel gri. An•chingni ka•dongna man•ani pangchakram iasan mangmang, chong•motan mangnamjaoba angna on•gimin Kristoni torom

ong•ani aro an•chingo aro an•chingchikam ka•enggipa Uni Gisikchi dakgimin kam.

An•ching bebera•ani gimin aganon, gisik ra•na nanggnigipa dingtanggrikani gngang. Rokomsa bebera•ani gngang, jean dingtanggriksranga. Isolni dongani aro uni kotokrangba gisik ka•tongmanchachide jegalna man•ja. Sastro indine agana, “. . . Korerangba bebera•a aro an•tesrengsreng kena,” Jakob 2:19.; indiba iade bebe ra•a ong•ja Jeo Isolni ka•taosan bebera•aniong•aigija, indiba una an•tangni skako bamatani gngang: jeo pilak gisiko chanchianirang Uosan pangchaka., uno ka•saachi kam ka•gipa, aro janggi katchiko rongtalatgipa bebera•ani gngang. Ia bebera•anichisa ka•tongko Isolni jagring gita gital ong•ata. Aro gital ong•tako man•kujamitingo Isolni niamni ning•o napgijagipa aro napna man•gijagipa ka•tongrangara, “Nang•ni niamna anga mairongpile ka•saa! Salgimiko uan angni chanchibewalni ong•a,” Git. 119: [55] 97, inc Daud gita aiao inmananiko mesoke da•o niamni rongtalatgipa skianirango•katchaa. Aro niamni rongtalaniko an•chingo chu•sokata, “Jerangan be•eno rer•uraja indiba Gisikosa.” Ram. 8:1.

Kristoni kema ka•na namnikgipa ka•saaniko u•igipa aro Isolni dedrang ong•na sikchongmotgiparang gngang, indiba uamangni cholon chu•sokgijagipa ong•a, uamangni janggi tanganio dos gngang ine umang u•ia, aro uamani ka•tongranga Gisik Rongtalgipachi gital dakako man•ama man.kuja uamang kenchaka. Indakgiparangna ka•tong be•e an•pile katjachina anga agangenchim. An•ching an•tangtangni man•sokgijanirang aro gualanirangni gimin Jisuni ja•ao ga•ake graprangna nanggen, indiba an•ching ka•tong be•na nangja. An•ching bobilchi amako man•genoba Isol an•chingko galja, watgalja aro jegalja. Ihing; Kristo an•chingna bi•chakgipa Isolni jakrachi donga. Ka•saako man•gipa Johan agana, “Iarangko anga na•simangna sea, maikai na•simang pap ka•jagen. Aro saoba pap ka•ode, Pagipani mikkango an•chingna aganchakgipa gnag, Jisu Kristo toromigpa.” I Johan 2:1. Aro Kristoni katarangko gualnabe, “Chong•motan Pagipa an•tangan na•simangna ka•saa.” Johan 16:27. Ua nang•ko an•tangni ong•atpilna aro nang•o an•tangni rongchinga aro rongtalaniko teng•chakako nikna ska, Aro na•a an•tangko una on•kangmangmangode, nang•o nama kamko a•bachengatgipa Uan uko Jisu Kristoni salona kingking ra•anggen. Gisik ding•bate bi•bo; gisik chu•gimikbate bebera•bo. An•ching

an•tangtangni bilo ka•donggija ong•rongon, an•chingko pi•okgipani bilna ka•dongskana hai, aro an•ching Uko mitelgen jean an•chingni mikkang bimangni an•sengani ja•pang ong•a.

Na•a badita Jisuona sepangbatroroe re•bara, inditan na•a an•tangni nikanio dos bang•batroroe nikgen; maina nang•ni nikani-rang rongtalbatrorogen, aro nang•ni chu•sokgijanirangko Uni chu•sokgipa bewal baksa tosusae nie apalbate aro rongtalbate nikbat-gen. Ian Satanni re•ruraani bil gimaaha aro Isolni Giskni rong-grikgipa bil nang•ko enga.

[56] Jisuona ning•tue ja•dil su•gimin ka•saani paptangko u•igijagipa ka•tongo dongna man•ja. Kristoni Ka•saachi bimang dak-jegimin janggi katchi, Isolni cholonko mikchagen, indiba an•ching an•tangtangni choloni ong•sianikon nikjaode uan an•chinga Kristoni nitoani aro namsranganiko nikkuja ine guala grigipa saki ong•a.

An•ching badita komiroroe an•tangango gamchataniko nika, inditan batroroe an•chingko Jokitgipani sima gri rongchinga aro nitoaniko gamchatbee nikskagen. An•chingni papari ong•aniko niksengnian kema ka•na man•gipa, Uona an•chingko a•rikatgen; aro janggi katchi, an•tangni dakchaka gri ong•gipa obostako nikenba, Kristoko jaksokon Ua an•tangko bilo parape•gen. An•chingni nang-nikaniko u•iani an•chingko badita uona aro Uni kataona a•rikatgen, an•ching indigitan Uni cholonko mitelmitchubatoroe an•ching Uni bimangko an•chingo te•nga ra•chakgen.

“O Na•a, jeni donganio ang’ jangi katchaa,
 Dukni salo jeko anga am•a,
 Salo angni ka•dimeram, walo angna ring•ani,
 Ang’ ka•dongani, angko jokatani, pilak angni.”

[57]

Kristoon Dal•roroani — (Growing up into Christ)

Ka•tong dingtang dakaniko jechi an.ching Isolni dedrang ong•baa Uko Bibleo atchiani minga. Pil•e, iako ganggipa mandeni satgimin nama bitchrini nagimin baksa tosusaaha. Ua gitan, jerangan Kristoona gisik pil•aha, uamangan “atchigital bi•sarang”, gita, Jisu Kristoo dal•gimin me•a aro me•chikona “dal•rorona” ong•a. I Pitor 2:2. Ba a•bao satgimin nama btchri gita, uarang dal•roroe biteko nangna nanga. “Uko rasong chaatna gita maikai uamang kakket ong•ani bolrang, Jihovani ge•gimin, ine mingako man•gen,” ine Isaia agana. Isaia 61 :3. Uni gimin ia sam bolrangko toe mesokanichi gisikni janggi tangani kakket ong•ani ning•tuanirangko u•ina an•chingko dakchakgen.

Mandeni pilak u•iani aro sapani chonbatsranggipa bitchrioba jinggi sikatna amja. Isol An•tangni on•gimin janggichisan mangmang sam bol ba matburung janggi tangna man•aia. Uni gimin Isoloni janggichisan mangmang manderangni ka•tongrango gisikni janggi atchina man•aia. Mande “kosakoni atchijaode,” Kristoni on•na re•bagipa janggiko ra•pagipa ua ong•na man•jawa.

Janggi tangani jedake uagitan dal•roroaniba ong•a. Manchokako balgaoatgipa oro bibalko bite nangatgipa Isolsa ong•a. Uni bilchisa bitchri gangdila, “skang bijakko, unikoa bidangko, unikoa bidangni ning•o bite gapako ong•ata.” Mark 4:28. Aro Hosea katchinikgipa Isrealni gimin indake agana, “Ua shoshon bibal gita balgen.” “Uamang mi gita tangchagen, aro draka budu gita manchokgen.” Hosea 14:5,7, Aro Jisu an•chingna agana, “Bibalrang maikai chaa nie chanchibo.” Luk 12:27. Sam bolrang aro bibalrang an•tangtangni simsakanichi ba skanichi joton ka•achi dal•roroja, indiba uamangni janggi tanganina dangdike on•na Isolni on•giminko ra•chakachisa. Bi•sa mamung skanichi ba an•tangni kamchi gisikni dal•roroaniko man•na amjawa. Sam bol aro mande bi•sa uni janggiko tangatgipa [58] samtangtangchi donggipa, salni teng•a aro cha•anichisa dal•roroa. [59] Jedake ia ka•sae on•anirangara matburungna aro bolna ong•a, uandake Kristoba an•tango ka•donggiparangna ong•a. Uan uamangni

“jringjrotni seng•a,” Isaia 60:19. “Sal aro danil ong•a.” Gir 84:11. “Ua Isrealna ripamchi gita ong•gen. Ua ratgimin samni kosako mikka gita ong•onbagen.” Hosea 14:5. Uan tangkamgipa chi ong•a “Salgioni ong•one a•gilsakna janggiko on•gipa, Uan Isolni cha•ani.” Johan 6:33.

An•tangni depanteko agansokna am•pilgija ka•sae on•anio, Isol ka•sachakanichi a•gilsak gimikko baldulenggipa balwa chong•mot gitan a•gimikko ganggopaha. Ia janggiko on•enggipa balwako rang•sitgiparang gimikan Kristo Jisuo me•a aro me•chikona tanggen aro dal•rorogen.

Bibal an•tangni nitoani aro doknanganiko man•dapna gitalalchina gongpaka gita ugita Torom salona an•ching an•pilna nanggen, jedakode salgini teng•sua an•chingko seng•dapna man•gen, unon an•chingni kam cholon Kristoni gita namrorogen.

Indake agane Jisu apsanke skia, “Angon dongkambo, aro anga na•simangon dongkamgen, Draka buduo cheksi dongkamjaode, na•simang amja. Angna agre na•simang mamungkoba dakna amja.” Johan 15: 4, 5. Dal•roroe bite nanganini gimincheksi ga•tongo dongkamna nanga gitan rogtalgipa janggi tangna gita na•a Kristoo pangchake dongkamna nanga, Unaagrede nang•o janggi sikani gri. Dakmajoirangko chel•chakna ba rogtale ka•sao dal•rorona nang•o bilgri. Uo dongkamon na•a silrorona ama. Uoniko janggi tanganiko salopon, na•a sijrongjawa ba bite gri ong•jawa. Na•a chirangni chibimachige•gimin pangsa bol gita ong•gen.

[60] Bang•an saksan mangmang maiba kamni bakko dakchong•motna nanga ine chanchia. Papko kema ka•ani gimin uamang Kristoo ka•donga, indiba da•o umang kakketo janggi tangna uamang an•tangtangni kamrangchi ama. Indiba indagipa joton ka•a minganti chu•sokchongmotjawa. Jisu agana, “Na•simang angni gri mamungkoba dakna amja.” An•chingni ka•sao dal•roroani, an•chingni ka•srokani, an•chingni jakaltoani pilakan Kristo baksa an•chingni nangrimanio pangchaka. Unbaksa salantio, kontaantio nangrimanichisa-Uo dongkamanichi-an•ching ka•sao dal•rorona nanga. Ua nokgipa mangmangsan ong•aija indiba an•chingni bebera•ani chusokgipa ong•a. Kristoan skanggipa aro bon•kamgipa aro pangnangipa ong•a. Ua an•ching baksa ong•na nanga, a•bachengaosan mangmang ong•aija aro an•chingni tangani bon•kamaonasan ong•aija, indiba ramani ja•kuation. Daud agana, “Anga Jihovako

pangnan angni mikkango donaha. Uan angni jakrao dongana anga illengatako man jawa.” Git. 16:8.

Na•a sing•ama, “Maikai anga Kristoo dongkamna nanga?” Nang•ni Uko skango ra•chakaha gitan. “Uni gimin na•simangjedake Kristo Jisu Gitelko ra•aha, undake re•rurabo;” “Toromigipa bebera•achi tanggen.” Kolosi. 2:6, Ibri. 10:38. Na•a an•tango Isolna on•srangaha, Unin ong•srangna, Una bame kamko kana, aro na•a Kristoko nang•ni Jokatgipa ine ra•aha. Na•a nang•ni pa-prangni gimin an•tango on•chakna ba nang•ni ka•tongko ding-tangatna man•jaha; Indiba Isolna an•tango on•kangmane, nang•ni gimin ia Pilakko Kristoni a•sel Ua dakaha ine na•a bebera•aha. Bebera•achi na•a Kristoni ong•na a•bachengaha aro bebera•chi na a Uo dal•rorona nanga-on•achi aro ra•anichi. Na•a pilakkon on•tokna nanga-nang•ni ka•tongko, nang•ni skako, nang•ni kamko-na•a an•tango Una on•srangbo Uni pilak nanganirangko manina amn•a gita ; aro na•a pilakkon ra•chongmotna nanga-Kristoko, pilak patiani gapgipa, nang•ni ka•tongo dongkamatna, nang•ni bilakani nang•ni kakket ong•ani, nang•ni jringjrot dakchakgipa ong•china bamna nang•na bilko on•china.

Pringo Isolna na•a an•tango on•kangchengbo ; iakon nang•ni skangipa kam dakbo. Indake nang•ni bi•ani ong•china: “Anga Nang•ni ong•srangchina, O Jehova, angko ra•bo. Angni bi•ako mangsonganirangko nang•ni ja•ao dona. Da•alo nang•ni kamo jakalbo. Angmung dongbo, aro angni pilak kam Nang•nin ong•chong.” Ian salantini kam ong•a. Ua salna pringanti na•a an•tango on•kangbo. Pilak nang•ni mangsongani gimikko Uni donsoani gita dakna ba dakjana gira Una on•kangskangbo. Indake salanti Isolni jakrangko na•a nang•ni janggiko Kristoni janggi tangani gita nol•rorognok.

[61]

Kristoo janggi tangani tom•tom janggi tangani ong•a Jajrengani gisik griwa, indiba tom•tomgipa ka•dongchakanin dongkamgen. Nang•ni ka•donga na•a an•tango ong•ja; uan Kristoo ong•a. Nang•ni bilgrianiko Uni bilakani baksa nangrimataha, uandakeba nang•ni u•igijaniko Uni u•ianiona, nang•ni chakchikna bilgriaoniko, Uni baikamgipa chakchikani bilakaniona. Uni gimin na•a an•tango nina nangja, gisik an•tangosan dongkamaijachina, indiba Kristoko nichina. Gisik, Uni ka•saanio, Uni cholonni nitoanio aro chu•soksranganio dongkamchina Kristoni an•tango jegalanio,

an•tangni rongtalanio aro aiao inmanpile chansokgija ka•sanio-iarangan janggi silchini chanchi bewalna nanggni ong•a Una ka•saanichi, Ugita srak dakrikpaachi, Uon pangchaksrangachi, na•a Ugitan bimang dingtang ong•skana nanga.

Jisu agana, “Angon dongkambo,” Ia katarang neng•takani, man-grakani, kadonganiko mesoka. Pile Ua okama, “Angona re•babo, Anga na•simangko neng•takatgen.” Mati 11:28. Daudni katarangoba apsan chanchianiko janapa, “Jihovani mikkango jrip dongbo, aro una chakchike sengsobo.” Git. 37;7. Aro Isaia ka•donganiko on•a, “..... tom•tom dongao aro ka•dongao na•simangni bil ong•gen.” Isaia 30:15. Kam ka•gijanio ia neng•takaniko man•ja, maina Jokatgipani okamanio neng•takaniko ku•rachakania kamna okaman baksa melisranga. “Angni pakripeko an•tangtangni gitoko gatbo Unon na•simang an•tangtangni janggina neng•takaniko man•gen.” Mati 11:29. Kristoo namedake neng•takchongmotgipa ka•tong Uni giminkamko ka•anio bimchipgipa aro bebegipa ong•gen.

Jensalo gisik an•tango dongkama uni janggi aro bilakani ja•pang Kristooni an•pilangaha jean janggi aro bilni chimik ong•a. Uni gimin ian Jokatgipaoni nisangwalate rakina dondikgija Satanni kam ka•a ong•a aro indake Kristomung janggi katchini nangrim magapaoniko champenga A•gilsakni katcha anirang, janggini simsakarang aro simbraarang, aro dukrang, sakgipinni gualanirang, aro na•a an•tangni gualanirang aro chu•sokgijanirang ia mingsana ba pilaknan ua gisikko cholctatna amgen. Uni budirangchi dilsretaniko man•abe. Jerangan chanchibewalchongmotgiparang aro Isolna jean janggi tangna ska, Satan uamangni gualanirang aro bilgrianirangkosan chan- chichina dilrongbata; aro indake uamangko Kristooniko ekata chi cheaniko man•a ka•donga. An•ching an•tango pangchakram dakna nangja, aro an•ching jokgenma jokjawa ine jajrenganiko aro kenchakaniko chanchina nangja. Ia pilakan an•chingko bilakatenggipa Isoloniko janggiko an•pilate chel•atanga. Nang•ni janggiko rakkianiko Isolna pakwatbo aro Uo ka•dongbo. Jisuni gimin chanchibo aro aganbo. An•tango Uoon gima•atbo. Pilak kenchakanirangko galatbo; nang•ni kenanirangko gima•atbo. Watata Paul baksa aganbo, “Kristo baksa chisololo datkapako mn•raha; an-gade tanggipa ong•jaha; indiba Kristoan ango tangenga; Aro da•o be•eno angni janggi tanga bebera•ao chong•motan angna ka•sae angni gimin an•tango on•gipa Isolni Depanteko bebera•ao janggi

tanga.” Gala. 2:20. Isolo neng•takbo. Una nang•ni on•giminko Ua rakina amgipa ong•a. Na•a an•tangko Uni jakrango on•genode je nang•na ka•saaha Uchi amgipana bate nang•ko rimbagen.

Jensalo Kristo an•tango mandeni bewalko ra•aha, Ua an•tangko ka•saani kaanichi mandeni bimangko an•tangona ra•gataha, jekon mande an•tang skana agre darang bilchiba chotomatna amja. Satan dondikgijan mikbokatanirangchi ia kaaoniko anchingko engna dakmajoa-Kristooniko an•tangtangko engatna seokchina. Ianon an•chingni gisik seng•e dongna, joton ka•na, bi•na nangani gnang jedakode gipin skigipako seokna an•chingko mamungba dakmajoa-tjawa; maina an•chingara pangnan iako dakna jakgitela. Indiba hai an•ching Jisuko miksonge nina. aro Ua an•chingko rakigen. Jisuko niengon an•chinga joka. Mamungba an•chingko Uni jakoniko dokpakjawa. Dondikgija Uko niao, an•ching, “Giteloni chong•motan Gisikoni ong•a gita, rasongoni rasongona apsan bimang dake bimang dingtang ong•atako man•a.” 2 Kor. 3:18,

Indakesa skangni sninggiparang ka•sara Jokatgipa gita uamangni ong•aniko mandapaha. Jensalo ua sninggiparang Jisuni katarangko knaa, uamang uko nangnikaniko ma•siaha. Uamang am•aha, nikaha aro Uko ja•rikaha. Uumangara noko, a•bao, mejo, nokdringo Unbaksa dongachim. Chatrorang skigipa baksa donga gita uamangara Unbaksachim, salanti rongtalgipa bebeni skianirangko Uni ku•chilrangoniko maniengachim. Uamang uamangni dakna nangniko skie ra•na nokkolrangni giteltangna mania gita uamang Uo skie ra•na sengtimaha. Ua sninggiparangba, “an•ching gita duk suk man•pagipa,” manderangchi, Jakob 5:17. Pampang dakgrikna uamango apsan dakgrikani dongachim. Rongtalgipa janggi tanganio tangna gita uamang apsan ka•sachakaniko nangachim.

Ka•sara sninggipa, Johan mangba, jean Jokatgipani bimangko chu•gimik man•achim an•tanganide cholonni nitoaniko man•jachim. Ua an•tango pangchakgipa aro mandera•anikoson mangmang man•na miksongaigipa ong•aija; indiba ka•dongsranggipa aro ka•onangao a•jaksokninggipa ong•achim. Indiba Jisuni kam cholon Uo parape•ahaon, ua an•tangni bilgrianiko nikaha, aro ua u•ianichi bamaha. Chakchikani aro bilakani, bil aro rinok rinok dakani, rajani mikim aro sontol ong•ani, jerangko ua Isolni Depanteni salanti janggi tanganio nika, uni janggi-silchi mitela aro ka•saachi gapaha. Salanti Uni ka•tong Kristochi salroroangako man•aha je bon•kamao

[63]

Giteltangna ka•saao an•tangko gualpilaha. Uni a•jak sokna aro chuna siggipa gisik Kristoni namatna man•gipa bilni Gisik Rongtal-gipani ringsongtaitaianini kam uni ka•tongo gital dakataha. Kristoni ka•saani bil, uni cholonko dingtangatako ong•ataha. Ian Jisumung nangrimani chong•motgipa bite ong•a. Jensalo ka•tongo Kristo d mngkama pilak bewal gimikan dingtanggnok. Kristoni Gisik, Uni ka•saa, ka•tongko nom•ata, janggiko bamata, aro Isol aro salginasan skarang aro chanchiarangko ong•katata.

Jensalo Kristo salgiona gakatangaha, Uni dongpaniko ma•siani Uni dongpaani ong•achim. Jisu Jokatgipa jean uamang baksa re•aha, agangrikaha aro bi•aha, jean uamangni ka•tongrango ka•dongani aro ka•dimeani katarangko aganaha, jensalo tom•tomani katako Uni ku•chiloaganengpition, uamangoniko salgiona rimnapangen-gahachim, sa•grerangni aram uko rimnapangahaon Uni ku•rangni bisringrang uamangona re•bapilaha, “Nibo, sal chonjaskal pang-nan anga na•simang baksa donga.” Mt. 28:20. Mandeni bimangko ra•e ua salgiona gakatangaha. Uamang Uko uamangni Repeng aro Jokatgipa ong•kue Isolni singhasonni mikkango donga ine u•iaha; Uni ka•sachakanirangara dingtangkujachim; Ua saknaenggipa man-
[64] deni jat baksa an•tangko apsan ine mesokkua. Ua an•- tangni pi•okgiminrangna on•gimin damko gisik ra•na an•tangni matgimin ja•a jakrangko mesoke Isolni mikkango an•tangni gamchata an•chini gunko mesokengachim. Ua uamangna biaprangko daksona salgiona re•angaha ine uamang u•ia, aro Ua re•bapile uamangko an•tangona rimanggen.

Salgichi gakatangani ja•mano uamang apsan tom•dakon, uamang uamangni mol•molanirangko Jisuni bimungo Pagipaona on•na sikbeachim. Kena gnang uamang bi•anio tubame, ka•donganiko mingtaitaie, “Unsalo na•simang ango mamungkoba sing•jawa. Beben anga na•simangna agana, Pagipao na•simang angni bimungo maikoba bi•ode, ukon ua na•simangna on•gen. Da•onakingking na•simang angni bimungo mamungkoba bi•kuja; “Bi•bo unon min•gen maikai na•simangni katchaa chu•sokgen.” Johan 16:23,24. Uamang bebera•ani jakko indake bilakgipa chanchirimachi chubatroioe apalataha. “Kristo Jisuan sigipa, batesa sigiminrangoni chakatatako man•gipa ong•a, uan Isolni jakrao donga, aro ua an•chingna mol•molchaka.” Rom.8:34. Aro Pentecost-o uamang ka•dimeatipani dongpaaniko ra•baaha, jeni gimin Kristo

aganaha, “Ua na•simango donggen,” Aro Ua aganangkuaha, Angni re•angao na•simangna namgni ong•a;maina anga re•angjaode, ua Ka•dimeatgipa na•simangona re•bajawa, indiba re•angode, anga uko na•simangona watatgen. ” Johan 14:17 ;16:7. “Unoni intal Gisikchi Kristo an•tangni dedrangni ka•tongrango jringjring dongkamna nangachim. Sninggiparangni Jisu baksa nangrimani, Jisuni uamang baksa dongani somoiona bateba da•o uamang Gisik Rongtalgipachi sepangbataha. Uamangni ka•tongo Jisuni dongani bil, teng•a aro ka•saako manderango nike aiao inmanaha, uamang Jisubaksachim ine uamangko uiiaha.” Wat. 4:1 3.

Jedake Kristo skanggipa sninggiparangna ong•achim, da•oba Ua an•tangni dedrangnaba uandake ong•na skachim; maina bon•kamgipa an•tangni bang•gijagipa sninggiparang baksa Uko du-ule bi•ao, Ua aganaha, “Aro Anga uamangni giminsan bi•ja; inbiba iamangni ango bebera•giparangni giminba bi•a.”Johan 17:20. [65]

Jisu an•chingna bi•aha, aro Uajekae an•tangni Pagipa baksa apsan, a•chingkoba Umung apsan ong•china gita bi•aha. Mairongpile ia nangrimani ong•a ! Jokatgipa an•tangni gimin aganaha, “Depante an•tangan mamungkoba dakna amja, ” “Pagipa ango dongc an•tangni kamrangko daka. ” Johan 5:19; Johan 14:10. Indide Kristo an•chingni ka•tongrango dongkamode, Ua an•chingo kamko ka•gen, “Maina an•tang namnikani gimin sikchina aro chu•sokatchina.” Phili. 2 :13. Ua kam ka•aha gitan an•ching ka•gen, an•ching apsan gisikkon mesokgen. Aro indake, Una ka•sae, Uo dongkame, an•ching, “Ka•sao bebe ong•e skotonggipa Kristoona pilakchin dal•rorogen.” Ephes. 4:15. [66]

[67]

Kam Aro Janggi. — (The Work and the Life.)

Isolan salgisakna janggini aro seng•ani aro katchani ja•panggipa ong•a. Saloni teng•ani ja•dilang gita, tangkamgipa chimikoni ong•katgipa chinichiringrang gita Uni pilak dakgiminrangona Uoni patiani jokongkata. Aro jeoba Isolni janggi menderangni ka•tongrango gnang, ian gipinrangna ka•sae aro patianiko jokongkatanggen.

An•chingni Jokatgipani katchaani ga•akgimin manderangko pi•okani aro saldopilani ong•achim. Iani giminan, Ua an•tangna an•tangni gamchatgipa janggiko chanjaha, indiba kratcha•aniko gale chisolo chakchikaha. Uagitan sa•grerangba gipinrangni kusi ong•anio kamo ka•jringna donako man•aha. Ian uamangni katchaani ong•a. Duk man•enggipa aro pilakchin cholono aro obstao ongi-parangna dangdike on•aniko jekon an•tangnasan chanchiaigiparang chonikani kam ine chanchia uan pap gri sa•grerangni kam ong•a. Ka•sae an•tangko on•kangani Kristoni Gisikan salgio gipatgipa gisik ong•a, aro ian patiani nambatgipa birong ong•a. Ia gisikkosa Kristoko ja•rikgiparang man•gen, aro indakgipa kamko uamang ka•gen.

Kristoni ka sara ka•tongo napahaon, similgipa bibako gita uko donnuna man•jawa. Jerangmung an•ching nangrima uni rongtalgipa kamko pilakan ma•sigen. Kristoni gisik ka•tongo dongon a•gisio damsia chimik gita ong•a, pilakko an•saoatnajokenga aro janggini chioniko ringna sikbeate gimanasienggiparangna on•enga.

Jisuna ka•saako ua jekai kamko ka•aha indake ka•na sigkipao mesokgen, mandeni jatko de•doanina aro patianina. Ian an•chingni salgini Paani simsakanio ong•gipa Pilak janggi gnanggiparangna ka•sachakani, aro rinok rinok dake ka•saaniona dilanggen.

[68] Jokatgipani a•gilsako janggi tanganiara altuagipa janggi tangani aro an•tangnasan gisik on•anigipa ong•jachim, indiba ua chakchikbee, gisik nangbee neng•nikgija kamko gimagimin mandeni jatni jokanina kamko ka•aha. Matchu chikongon., Skobikrokona Ua an•tangko jeani ramako ja•rikaha, aro neng•begipa simsake kamka•aoni, saknabegipa songreaoni, aro rakbegipa kamrangoni

naljokna tikcljaha. Ua agana. “Maikai mandeni Depante dangdike on•ako man•ade re•baja, indiba dangdike on•na aro bang•ani pal an•tang janggiko pi•okani ine on•na re•baaha.” Mati 20:28. Ian Uni janggi tangani mingsa dal•gipa mikosongani ong•achim. Pilakan nangbregijagiparangs an ong•aiachim. Isolni skaniko dakna aro Uni komko matchotna ian Uni ringani aro cha•ani ong•achim. An•tang aro an•tangnasan gisik an•tangnasan gisik nangaiani Uni kamo bak dongpajachim.

Uni gimin Kristoni ka•sachakaniko bak ra•pagiparang gipinrangba jena Ua sichakaha maikai salgini ka•sae on•ani rengsiko man•pana man•gen uamanga je duk chakanikoba dakna tarie donggen. Uamang a•gilsako dongchakna gita uko nambatatna uamangni bil ama gita dakgen. Ian kakket gisik pil•gipa mandeoni ong•katgipa chong•mot gisik ong•a. Mande re•baarin maironga gamchata ripengko Kristoo man•aha uko gipinrangna u•iatna sikbeani uni ka•tongo atchia; aro jokatani aro rongtalatani bebeko uni ka•tongo dongchipna man•ja. An•ching Kristoni rongtalaniko ganahaode aro uni ning•o dongkamgipa gisikni katchaanian gapahaode an•ching donjripan man•jawa. Gitel namgipa ong•a ine an•ching cha•tote nikahaode, an•chingo aganna maiba donggen. Philip gita jensalo ua jokatgotako man•haon, an•ching gipinrangko Uni mikkangona okamdinggen. Kristoni aiao inmananirangko re•bagnigipa a•gilsakni chong•mot nikkugijagiparangko mesokna an•ching am•gen. Jisuni re•angginin ramao ja•rikna sikbeanigisik donggen. An•chingni samtangtango donggiparang, “Isolni Mes Bisa a•gilsakni paprangko ra•angipa,” ine nikna man•na gita an•chingko sikbeani donggen.

Sakgipinrangna patina dakani an•chingnan patiani ong•skagen. Pi•okani kamo ka•pana an•chingna bakko on•ani Isolni miksongani ian ong•achim. Rongtalgipa kamni bak man•pagiparang ong•na Ua mandena cholko on•aha, aro uamangni dakna nangskagipara uamangni ripengskaranga patianiko gipatskaani ong•a. Ian mande ra•batsrangani man•ani, katchabatsrangani aro manderangna patianiko on•na Isolni amani ong•a. Ka•saani kamrango jerangan indake kamko ka•pagiparang uamangko Ong•atgipaona sepangbate rimbaaniko man•a.

Isol nama katako gipatna aro ka•sae dangdike on•ani pilak kamrangko salgini sa•grerangna on•mantokgnokchim. Ua an•tangni

mangsonganiko chu•sokatna minggipin cholko jakalgnokchim. In-diba Uni bon•changgijagipa ka•saanio Ua an•tang baksa aro Kristo aro sa•grerang baksa kam ka•rimpana an•chingko seaha, jedakode an•ching patianio, gisikni chuanio, bak man•rimpagiparang ong•gen, jean an•tangnasan chanchiaigija dangdike on•ani bite ong•a.

An•ching Uni duk man•anirango nangrimpaanichi Kristo baksa duk man•rimpagipa ong•a. Sakgipinrangni namgnini gimin an•tangko on•kange kamko ka•ani mingantian on•kanggipani ka•tongo namani gisikko bilakata, a•gilsakko Pi•okgipaona uko sepangbatate nangrimata, jean, “gam gnangchim, indioba nang•ni a•sel kangal ong•na a•bachengaha jedakode na•simang Uni gri-anichi man•e cha•na man•gen.” Aro an•chingko ong•atanio salgini miksonganiko indake chu•sokatanisan mangmang janggi tangni an•chingna patiani ong•gen.

An•tangni sninggiparang dakchina gita Kristoni mesokgimin gita na•a kamko ka•na re•angode, aro Una janggirangko ambaode, na•a ning•tubate gisik barianiko aro salgini kamrango apalbata u•ianiko nangnikgen aro na•a toromna ringna sikgen aro okkrigen. Na•a Isolo mol•molgen aro nang•ni bebera•ako bilakatgen, aro janggi jokani chimikoniko ning•tubate nang•ni janggi ringgen. Champengani-rang aro duknirangko re•grongon Bibleona aro bi•aniona nang•ko dilanggan. Na•a ka•sao Kristoni gimin u•ianio dal•rorogen, aro bangbee u•idaprrogen.

[70] Sakgipinrangna gisiko nange kamko ka•ani gisikan kimkim ning•tuaniko, aro cholono Kristo gita namnikaniona aro tom•tom aro kusi ong•aniko uko man•gipana ra•bara. Nambatrورونا sikaniara chubatgnok. An•tangnasan chanchiani aro aratani griwa. Jerangan indake Kristian ka•sachakanirangko ranta ka•a uamang dal•rorogen aro Isolni kamna bilakbagen, Uamango rongtale toromko ma•siani kimkimani, dal•rorogipa bebe ra•ani aro bi•anio bil batroroani donggen. Gisik uamangni gisikrangko dongge su•dikate kamko ka•atna janggini rongtalgipa nangr maniko ama. Sakgipinrangni namgnini gimin indake an•tangnasan chanchiaigija an•tangtangko on•kange kamko ka•giparangan an•tangmangni janggi jokanini gimm kamko ka•chongmotenga.

Ka•sao dal•roroani mingsa mangmang cholara Kristoni an•chingna on•a kamko an•tangna chanchiani gri ka•an ong•a, chong•motan an•chingni on•a nanggipa dakchakaniko nangeng-

giparangna dakchakanio aro patianio man•a dipet kam ka•na. Ratna ka•anichi bilakani re•barakamko ka•anian janggi tangana dakgini ong•chongmota. Jerangan Kristona mamungba kamko ka•ja, ka•sachakanichi patinirang sokbaaniko ra•chake Kristian janggi tangniko rakina chakchikgiparangan kam ka•gija cha•mangmange janggi tangna joton ka•enggiparang ong•a. Aro Uara jekae ia ong•bewal ia a•gilsako gitan gisikni bidingoba iara pangnan gima•aniko ra•baronga. Je mandean ja•a jakrangko jakalna jechaka bakbakan uarangko jakalani pilak bilrangko gima•atgen. Indake je Kristianan on•gimin Isolni bilko ranta ka•ja Ktistoona dalroronasan mangmang chu•sokgija on•gajawa indiba uni man•gimin bilkoba ua gima•atgen.

Kristoni mondolia manderangko jokatatanini gimin Isolni dongimin chol ong•a. Uni kam nama katako a•gilsakna ra•angna ong•a. Aro ia dakna nanggniara pilak Kristianrangon ong•a. Sakprakan, uni u•isoka aro ama. gita aro chol gita Jokatgipani ge•etaniko chu•sokatna nanga. An•chingna parape•gipa Kristoni ka•saa an•chingko pilak Uko u•igijagiparangna gro nanggipa dakata. Isol an•chingna seng•aniko on•aha, an•chingmangmangnasan ong•aija indiba uamangni kosakoba teng•suatchina.

Kristoko ja•rikgiparang dakna nanggni kamna mikrakgenchimode, Isolko u•igijagipa asongrango nama katako aganprakenggipa saksani palo hajalsarang ong•genchim. Aro jerangan an•tangerichi dakna man•gijagiparangna uamangni bilchi, uamangni ka•sachakanichi aro uamangni bl•anirangchi dakchakgenchim. Aro Kristian a•songrango janggiranjko jokatna gong•bate kam kagiparang gnanggenchim.

[71]

An•chinga nok jamrangko wate Isolko u•igijagiparangni as•ongrangona, Kristona Kamko ka•na uano an•chingni ka•gni kam donggenchimoba re•angna nangjawachim. An•ching iako noktaagon, mondolitangon, an•chingni nangrimgiparangni gisepon aro an•chingni kam ka•rimskagiparangan dakna man•genchim.

An•chingni Joktg•pani a•gilsako bang•batgipa kamko ka•aniara Nazaretho mistrini kam ka•ramo tom•tom kamko ka•e re•atan ong•achim. Tanggipa Gitelko dangdike on•tinggipa sa•grerang ganggiparang aro kam ka•giparang baksa u•igigija aro mandera•ako man•gija wenroromitingo dangdike on•timpaaha. Ua sakgipirangko namatmitingo ba Gallileeni chipakkorerango re•mitingo gi-

tan an•tangni chongipa kamko ka•mitingo an•tangko watata kamko chu•sokatengachim. Uni gimin ongipa kam aro janggi tanganio onbatsranggipa gadang ong•oba, an•ching re•e Jisu baksa kamko ka•na man•a.

“Watata agana, Jeo sakanti okama man•aha, uanona Isol baksa dongchina.” I Kor. 7:24. Badinggipa mande an•tangni badinganichi uni Gitelko rasong chaatna man•gen indake dakna nanga. Ua bebegipa Kristoko ja•rikgipa, ua an•tangni toromko kam ka•antichin ra•anggen aro manderangna Kristoni giskko parape•gen. Kol kalko ka•gipa saksa Galileeni a•brirangni gisepo ramram janggi tange neng•bee kamko ka•anggipani pal bimchipgipa aro bebegipa kam ka•skagipa ong•na man•a Kristoni bimungko ra•gipa sakantian indake kamko ka•na nanga, jedakode uamangni nama kamrangko nike uamanini Ong•atgipa aro Pi•okgipako rasong chaataniona dilangna man•gen.

[72] Bang•batan uamangni ka•sae on•aniko Kristoni kamna gipin-ranaan obosta nambata ine chanchie on•skaoniko an•tangtango pa•ske joka. Dingtangman•cha gisik gnanggiparngkosan mangmang Isolni kamna uamangni bilko on•kangna nanga ine chanchianirang pilakchin gapaha. Badiaba namni kako man•gipa dolnasan kamrangko ka•pana aro man•gniko man•pana okamaniko man•pagijpa sakgipinrangko watchange indakgipa gisik gnanganikoara on•aha ine bang•batan ma•sipaaaha. Indiba indakede toe skianiko mesokjaha. Jensa lo nokni nokgipa an•tangni nokolrangko okamaha, ua mande sakantinan uni kamko on•aha.

“Gitelna gita,” an•chingba janggi tanganio onbatsranggipa kamko chu•sokatna man•aba gnang. Ka•tongo Isolni ka•sara dongode janggi tanganion uko mesokgen. Kristoni namgipa su•uani an•chingko duulon an•chingni cholonni bil batrorogen aro patianiko ong•atgen.

Isolna kamko ka•na na•a re•angna skang dingtungman•cha amgnigipa bilko ka•dongsona ba maiba nambatgipa cholonni gimin sengsona nangja. Na•a a•gilsak nang•ni gimin maiko chanchigen uko chanchisona nangjawa. Nang•ni bebe ra•anini kakket ong•anini aro rongtalaniko nang•ni salanti janggi tanganian saki on•gipa ong•ode, aro gipinrangba na•a uamangna namgniko on•na ska donga ine u•iahaode nang•ni tikelani kamrang gimasranga ong•jawa.

Kangalbatsranggipa Jisuni sninggiparang sakgipinrangna patiani ong•na ama. Uamang dingtangman•cha maiba nama kamko ka•enga ine ma•sijanaba gnang, indiba uamangni u•ipilgijagipa kamrangchi uamang patiani chipakkorerangko a•bachengatna ama jean apalatgen aro tu•batatgen aro ua namgipa bitekoara bon•kamani salona kingking man•gniko uamang u•isokjawa. Uamang maiba dal•a nama kamko ka•enga ine u•ijanaba nang. Chu•sokgnini gimin uamang an•tangtangko jajrenge neng•atna nangja Uamang jrimjrim re•mikkangna nangaia, Isolni on•gimin kamko kakkette ka•enba, aro uamangni janggirang indin ong•aijawa. Uamang an•tangtangni janggirangan Kristoni gita salantio dal•rorogen, ia janggi tanganio uamang Isol baksa kam ka•ringiparang ong•a aro indakesa re•bagnigipa janggi tanganio chubata kam aro niksketkugijagipa katchaaniko man•na kragiparang ong•a.

[73]

Isolko U•iani — (Knowledge of God)

Bang•a cholrang gnang jechi Isol An•tango an•chingna u•iataniko dakna aro Un baksa nangrimaniona an•chingko rimbana am•enga. Dondikgijan bewalrang an•chingna agana. Oprakgimin ka•tongko An•tangni jakrangni kamrangchi parape•aha gita Isolni rasong aro ka•saachi sinjetgen. Knatimenggipa nachikol bewalni bosturangchi Isolni agangrikanirango ma•sina aro knana ama. Tangsekgipa a•barang, chugipa bolrang, manchokgipa aro balgaogimin bibalrang, balpongenggipa aram, ga•akenggipa mikka, gam•enggipa chiring, salgirangni rasongrang an•chingni ka•tongrangna agana aro an•chingko ia pilakko dakgipa meligrikna man•na gita okama.

An•chingni Jokatgipa Uni gamchatgipa skianirango bewalrangchi mesokaha. Bolrang, do•drang, a•kaweni bibalrang, a•brirang, chibolrang, aro nitobegipa salgirang, salanti janggi tanganio duulenggipa a•selrangba pilakan bebeni katarang baksa Uni skianirango nangrimachim, jedakode Uni skianirango mandeni janggi tanganio kam jakchakjaengomangba, gisik ra•na man•gen.

Isol An•tangni kamrangko namnikgipa aro mesokanio ka•srokgipa Uni dedrangko man•genchim, nitosranggipa jechin Ua namnikgni a•gilsakni nokko tariaha. Ua nitogipako namnikgipa saksa ong•a, aro pilakna bateba kosakni nitogipa kamni nitoaniko Ua namnika; Ua an•chingna nitogipa bibalrangko gamrok nirokchina on•genchim.

[74] An•ching knatimmangmangode, Isolni ong•atgimin kamrang ka•dongani aro bamani gamchatgipa skianirango skigen. Askirangoni apalgipa ramako chasongrikit ja•nka, chonbatsrangipaona kingking, bewalni bosturang Ong•atgipani skaniko mania. Isol pilakni giminan simsaka aro Ua jekon ong•ataha pilakkon rakia. Ua pangna jolna chansok- gijagipa a•gilsakranggiko rim•rikgipa aro apsan somoion mamungnaba kengija do•chok mangsani an•tangni gitko ring•enggipana mangba nanganini gimin simsaka. Jensalo manderang salanti uamangni kamna re•ongkata, jensalo man•e

cha•gipa mande uni noko ala, ba jensalo kangal mande on•tisa cha•annia an•tangni dedrangko okamchimonga, sakprakprakkon salgini Paa nitimaha. Isolni nikchanggipa mikchi ong•a gri. Ka•dingsmita gri jekon Ua gisik ra•ja. An•ching iako namedake bebera•genchimode, pilak sokkugijagipa dukrang gimagenchim. Da•ogita an•chingni janggi tanganirango ka•donggijanirangan gapjawachim; maina pilakkon chonbo ba dal•bo, Isolni jakrango dongenchim; jean uamangni namgijachi duk aro simbrarangko gapatoba jajrenggijagipa ong•a. Indide an ching janggini neng•takao jeona bang•an ru•utaoni agitalrang ong•aha.

Nang•ni nikanirang a•gilsakni mikbokatkippa nitoanirangon ka•srokode, re•bagnigippa a•gilsakni gimin chanchiatbo, jeon mamungsaloba sia aro papni chinko u•ijawa, jeo ong•telaigippa mikkang saoni salakimko ganjawaha. Na•a toromirangni nokni gimin /chanchiate nibo, aro gisik ra•bo nang•ni nambatsranggippa chanchichipana baten rasongarigippa ong•a Bang•a rokom Isolni ka•sae on•anirango Uni rasongni nambatsranggippa ching•aniko an•ching nikaia. Indake sea gnan, “Jerangko mikron nikjaha, aro nachikol knajaha, Aro mandeni ka•tongo napjaha. Je jeko Isol An•tangna ka•sagiparanga daksoaha.” I Kor 2:9. Poetri segiparang aro bewalni rokomko nigiparang ong•telaigippa bewalni gimin aganna bang•en gnan, indiba namniksrangachi a•gilsakni nitoaniko katchaigiparange Kristianranga ong•a, maina ua an•tangni Paani jakni kamko u•ia aro bolo aro boldimo aro bibalo Uni ka•saako nika. Darangba sagal aro chibima, a•kawe aro a•brini ong•ani chinko Isolni mandena mingsa ka•saani ong•a ine uarangko nigijagippa namedake namnikna amjawa.

Isol an•chingna dongimin kamrangchi aro Uni Gisikchi ka•tongo kam ka•atanichi agana. An•chingni samtangtangchi duulenggippa obostarango, an•chingni samtangtango salantio obostarang dingtang ong•engan io, an•chingni ka•tongko uarangko ma•eke chanchibewalna oode an•ching gamchatgippa skiani- rangko man•na ama. Gitrango Isolni dongimin kamni gimin agana, “Jhovani ka•sae dakachi a•gilsakan gapaha.” Git. 33:5. “Gisik gnanggiparang iaranga gisik on•gen. Aro Jhovani ka•sae dakanirango uamang chanchie nigen.” Git. 107:43.

Isol an•chingna Uni Katao agana. Iano an•chingna Uni kamko parape•anio rongtalbata ritingrang donga, manderang baksa Uni

kam ka•anirang, aro dal•gipa pi•okani kam. Iano an•chingna pag-it Chamrangni aro katchinkgiparangni aro skangni gipin rongtalgipa manderangni itiharangko mesokaha. Uamang, “an•ching gita duk suk chakpagipa manderangchim,” tikelaniko an•ching nika, maikai an•chingni dakgimin gitan uamang dakmajoani ning•o ga•akaha aro indioba Isolni ka•sachakaniko ka•tongo ra•tae cheaha; uarangko nie; an•chingni joton ka•enganio an•chingko ka•dongataha. Uamangni man•gimin gamchatgipa kamrangni gimin an•ching poraion, teng•suani aro ka•saani aro patiani katchana iarang uamangnin, aro uamangna on•gimin ka•sachakanichi kam ka•e uamang man•a, je gisikan uamangko namataha an•chingni ka•tongo rongtalgipa wa•lsarechi so•bakskae, kam cholono uan ang gita ong•pana skani gnanng-uamang gita Isolmung re•rurana.

Jisu Niam Gitcham Sastroni gimin agana-arō mairongpile Niam Gital kakket ong•batjawa “Agni gimin saki ong•ipa uan.” John 5:39. Pi•okgipa jeon an•chingni jringjrot janggi tangani pangchaka. Oe, Kristoni gimin Bible gimikon agana. Ong•atchenganio skanggipa serikaoni-maina, “Ong•giminrangoni ong•gipa Uni griode mingsaba dongjawachim.” Johan 1 :3. Bon•kamao ku•rchaka, “Nibo, Anga bakbak re•baa,” Parape•a 22:12, an•chinga Uni kamrangko poraienga aro Uni ku•rangko knatimenga. Na•a Jokatgipa baksa nangrimna a•bachengahaode, Sastroranko poraibo.

[76] Ka•tong gimikon Isolni Katarangchi gapatbo. Urangan tangkamgipa chi, nang•ni ringna sikbaeoniko namatgipa. Urangan salgioni tangkamgipa cha•ani ong•a. Jisu agana, “Mandeni Depanteni be•enko na•simang cha•jaode, aro uni an•chiko ringjaode, na•simang an•tangtango janggiko man•ja.” Aro Ua An•tangni gimin agane rongtalata, “na•simangna angni agana katarang gisik aro janggi ong•a.” Johan 6:53, 63. An•chingni cha•atani aro ringatanionichi an•chingni bimang be•enko daka, be•enni gita mikkiode, gisikni gitaba mikkia: an•ching maiko chanchibewala an•chingni gisikni bidingo bilakani aro aganani ong•gen.

Pi•okani ja•pangara ian mingsa ong•a je sa•grerang uko nina ska; ian u•iani ian pi•okgiminrangni bon•changgi jagipa chasongrangonan ring•ani git. Da•on simsake ning•tue chanchibewale nina gamchatjawama? Jisuni bang•begipa ka•saa aro ka•sachakaniko, an•chingni pal je boli on•chakaniko dakaha, namedake jime nip-ilskachina okama. An•ching an•chingni ka•sagipa Pi•okgipa aro

Mol•molchakgipa kam cholono dongkamgen. An•ching Uni Kamni gimin chanchibewalgen jean An•tangni manderangko uamangni pa-prangoniko jokatna re•baaha. An•ching salgio ong•gnirangni gimin indake chanchibewalon, an•chingni bebe ra•a aro ka•sara bilakbatrorogen, aro an•chingni bi•ani Isolna ra•chakbatroroani ong•gen maina uarango kasara aro bebera•ani baksa brinbatrorogen. Uamang chanchiani gisik gnange bilakgen. Jisuo dondikgijan ka•dongbatani gnanggen, salanti Uchi Isolona re•bagipa pilakkon tu•beoniko jokatna Uni bilo kam ka•ani.

Jokatgipani chu•soksrangani gimin an•ching chanchibewalon Uni rongtalani bimango gital bimang dingtangsranganiko man•na skani donggen. Jena an•ching de•mitelaha Ugita ong•na janggini ringna skani aro okkriani gnanggen. Badita an•ching Kristoko chanchibata, inditan an•ching Uni gimin gipinrangna aro a•gilsakna agangen.

Bibleko u•igipa manderangnasan mangmang sejahachim, batesa ramram manderangnasa donahachim. Janggi jokanina nanggipa dal•bea kakket ong•anirrangara saljatchi gita rongtale dake, aro darangba Isolni miksonganiko rongtale parape•ani pal an•tangni chanchia gita ja•rikgipana agre uamangni ramako re•sretjawa aro gualjawa.

Sastroo jeko skia gita an•ching darang mandeni sakikoba ra•na nangja, indiba an•tangtangna Isolni Katarangko poraina nanga. An•chingni chanchianirango sakgipinko siksepatna on•ode an•ching teng•kotgipa bilrang aro bilakanirang ko•ragnok. Uamangni gisik nangbregijanichi bilakgipa gisikni bilrangko bon•changatgen jekai [77] Isolni Katani ning•tugipa ortoko chanchichipnamangba uamangni gisik olaroka. Bibleni ja•pangrgngni nangrimaniko sandie uarango jakaljringsa gisik apalgen, Satroko Sastro baksa tosusge, aro gisiknirangko gisiknirang baksa tosusae.

Sastrorangko poraiana agre ui•aniko bilakatna mamung gipin nambata gri. Darang gipin ki•tapba chanchianirangko chubatatna inditan bilakatgipa, komigipa chanchianina bilaka taniko on•gipa, apalgipa Bibleni bebe ong•anirang gita gri. Isolni Katako poraina nangani gita poraie chanchibewalgenbimode, manderang apalgipa gisik mingnama cholonko man•genchim, aro kim•kim miksonganiko ia somoirango man•chongmotgenchim.

Indiba Sastroranko ta•rake skele poraianichi bang•gijasan u•ianiko man•aigen. Saoba Bible gimikkon poraimantokengnaba gnang aro indiomangba uni mingnamaniko nikna ba uni ortoko u•ikujana kingking, aro uni nangrimania janggi jokna daksogimin baksa meliako sandie poraigippaan miksonganio tik mangsonga gri aro chong•mot skianiko man•dapgija bang•a odhairangko poraiana bate gamchatbata. Nang baksa nang•ni Bibleko rakibo. Na•a cholko man•on uko poraibo; podrangko nang•ni gisiko tik donbo. Na•a sorokrango re•engomangba, na•a ua katako poraie chanchibewalbo, uandake gisiko donkamaengbo.

Bebeo gisik nanga gri aro bi•e poraia gri an•ching u•ianiko man•na man•ja. Mitam Sastroni bakrangara inditan u•iningna altuabea, indiba mitamrang indakgiparang gnang jerangni ortoko, altuae niksengna gita, nikrangrao donja. Gisik nange am•chongmotgipa aro bi•gipa ong•na nangchongmota. Aro indake am•gipa bang•bee on•pilskaaniko man•gen. A•ani bigilni ning•o pindapgimin gamchatgipa silni biginchirangko a•kolni nokgipa am•e nika gita, uandake jean Isolni katako bimchipe am•gipa gamchatbatsranggipa bebeni donnugimin gamrangko man•gen jekon sim-sakgija am•giparangna miksonge donaha. Rongtalanani katarang ka•tongo skongahaon, janggini chimikoni jokenggipa chiringrang gita ong•gen.

[78]

Isolo bi•gija mamungsaloba Bibleko porainabe. Bibleni jakrangko badalchengna skang an•ching Gisik Rongtalgipani niksengataniko bi•chengna nanggen, aro uko on•gen. Jensalo Nathaniel Jisuona re•ba Jisu rang•spcaha, “Nibo, Isrel mande chong•mot, jeo tol•napa gri.” Nathaniel aganaha, “Na•a angko maikai u•ia?” Jisu aganaha, “Philipini nang•ko okamna skangon, na•a dumbur bolni salakimo dongengon, anga nang•ko nikaha,” Johan 1:47, 48. Jisu an•chingni ning•tugipa biaprango bi•anikoba nika, an•ching seng•aniko Uoniko am•ode, maia bebe ong•a an•ching u•ina man•gen. Ka•tongo bama gnang rongtalgipa dilaniko am•giparangmung seng•gipa a•gilsakoni sang•rerang donggen.

Gisik Rongtalgipa de•mitele Jokatgipako rasong on•a. Ian Kristoko mesokna uni kam ong•a Uni toromi ong•ani rongtalaniko, aro dal gipa janggi jokataniko, jekon an•ching uchin man•a. Jisu agana, “Maina uamanganiko ra•e na•simangna aganprakgen.” Johan 16:14. Bebeni Gisiksan mangmang rongtalgipa bebeni skigipa

ong•aia. Isol mairongpile mandeni jatna miksongchongmotaha, Ua an•tangni saksa kam•kam Depantekon uamangni gimin sina on•pile, aro An•tangni Gisikko mandeni pangnan dilgipa ong•china dona.

[79]

Bi•ani Chol — (The Privilege of Prayer)

Ong•telaigipa bewal aro parapea•nichi, Uni mikangchini gimin simsakanichi aro Uni Gisikni kam ka•achi, Isol an•chingna agana. Indiba iarang chuong•ja; an•chingba Una an•chingni ka•tongrangko rugalna nanga. janggi gisikko aro bilko man•na gita, an•ching an•chingni salgini Paa baksa chong•mot agangrikani dongchongmotna nanga. An•chingni gisikrangko Uchina miksongate, Uni kamrangko, Uni ka•sachakanirangko, Uni patianirangko chanchibewalna man•na; indiba ian Uamang nangrima chong•motde ong•ja. Isol baksa ku•monggrikna gita an•chingni janggi tangchongmotani gimin Una aganna maiba an•chingo dongchongmotna nanga.

Bi•ania saksa ripengska gita Isolna ka•tongko oatani ong•a. An•chingara maia uko Isolna u•iate dakna gita nanga iade ong•ja; indiba Uko ra•chakna an•ching man•na gitasa. Bi•aniara Isolko an•chingona ra•onbaa ong•ja, indiba Uona an•chingko ra•doanga.

Jensalo Jisu ia a•gilsako dongachim, Ua An•tangni sninggi-parangna maikai bi•na nanga skiaha. Ua uamangni salanti nanganirang o Isolna mesokchina uamangko skiataha aro uamangni nanganiko Ua galchina. Aro uamangni mol•molanirangko knachakgen ine ka•donganiko uamangna Ua on aha, aro an•chingnaba uo ka•donganian ong•a.

Jisu An•tangan, jensalo Ua manderangmung dongmitingo bi•rongachim. An•chingni jokatgipa an•hingni nanganirang aro bilgriana An•tangan mesokaha. Uan saksa bi•chakgipa, mol•molchakgipa ong•e, An•tangni Pagipaoniko gital bilakaniko am•a jedaKoue Ua dakmajoa aro dakna nangni kamo chadengna amgen. Uan pilakon an•chingna dakmesokgipa ong•a Uan an•chingni duk man•anirango saksa adatang ong•a, “An•ching gitan pilakon dakmojoako man•a,” indiba pap gri ong•e Uni bewalan namgijaoni an•pila; ia a•gilsako janggini dakgrika aro tikelanirangko chakchikaha. Ua an•tangni Paa baksa nangrimanio katchaaniko aro ka•dimeaniko man•a. Aro Isolni Depante, aro manderangni Jokatgipan bi•aniko nangnikode, batesa badita pa-

[80]

pigipa bilgri manderang, dondikgija namedake bi•aniko nangjawa? An•chingni salgini Paa Uni patiani gapaniko an•chingna patina sengsoa. Bon•changgijagipa ka•saani chimikoniko ringna gita ian mingsa an•chingna chol ong•a. Ian mairanopile aiao inmananisan ong•a, maina an•ching bang•gijasan bi•a. Isol An•tangni dedrangni bamsrange bi•gipako knana skenga aro tarie donga, indiomangba an•chingni nanganirangko Isolna u•iatna an•chingan indigitan simsakgijaniko mesoka. Bilgrigripa mandeni jatrangni gimin salgini sa•grerang maikai chanchienggen, jerangan dakmajoani ning•ogiparang ong•a, jensalo bon•changgijagipa ka•saani Isolni ka•tong uamangna sintea, uamangni bi•a aro chanchiana baten uamangna tarie donga, indioba uamang bang•gijasan bi•aia aro on•titisan bebera•ani dongaia? Sa•grerang Tsolni mikkango tubamna namnika, uamang Uni sepango dongna namnika. Isol baksa nangrimanikon uamangni kusi ong•batsrangani gita uamang nika; aro indiomangba a•ani dedrangde, jean Isolni on•na ban•ga dakchakaniko nangaigipa, Uni Gisikni seng•a, Uni ripeng ong•e dongpani grian re•rurana chu•ongnika gita nikmana. Namgijagipa andalanian bi•na simsakgijagiparangni sepang ong•a. Bobilni agamitugipa dakmajoirangan uamangko pap ka•ata; aro iara rongtalgipa bi•aniko donanio jekon Isol uamangna on•aha uamang ua cholko jakalna simsakgijani ong•a Isolni depanterang aro demcchikrangara maina bi•na simsakjawa, maina bi•anian salgini pandalko ona bebera•ani jako chabi cng•a, jeon bil gnanggipani tosokgijagipa gam donga? Dondikgija bi•ani aro bimchipe niengani gri, kakketgipa ramaoni re•sretna simsakgijachi kengnio an•chingna dal•oroenga. Bobil dondikgijan ka•sachakani singhasonona dakgipa ramako pengpangna am•enga, jedakode an•ching gisik nange bebeo dondikgija bi•anichi ka•sachakako man•e dakmajoaniko warachakna bilko man•jawa.

[81]

Obostani rokomrang gnang jechi an•chingni bi•anirangko Isol knae aganchakgen ine an•ching ka•dongna man•a. Iarangoni skanggipara ian je Isolni dakchakaniko an•ching nangnikna. Ua ku•rachakaha, “Maina chi ringna sikgipani kosako chiko, aro a a ra•ngipani kosako chiringrangko anga rudapgen.” Isa 44:3. Toromko okkrigipa aro ringna sikgipana, jean Isolko man•na ska, chong•mot uamango gapatchongmotgen. Gisikni dal•ania ka•tongko on•a nangchongmota, ong•jaode Isolni patianiko man•na amjawa.

An•chingni nangbatanian an•tangan agangrikani ong•a, aro an•chingni pal namedaken mol•molchongmota. Indiba iarangko an•chingni gimin dakatchina gitelko anrna nanga. Ua agana, “Brbo unon na•simangna on•gen.” Mati 7:7. Aro, “Ua je An•tang Depan-teko rakjaha, indiba uko an•ching pilakna jako on•aha, ua un baksa an•ch•ng pilakkon maidake ka•sae on•jangen?” Rom 8:32.

An•chingni ka•tongrango namgijanirangko an•ching nikode, an•chingni u•ienggipa papon wengkotengpitiode, Gitel an•chingko knachakjawa; indiba gisik pil•chongmotgipani bi•a pangnan ra•chakani ong•a. Jensalo u•igimin gualnirangko namatahaon, an•chingni mol•molanirangko Isol aganchakgen ine an•ching ka•dongna man•a. An•chingni nama kamrangchi mamungsaloba Isolna ra•chakani ong•jawa; Kristoni gamchatanisan an•chingko jokatgen, Uni an•chi an•chingko rongtalagen, indiomangba ra•chakani obostarango ong•na gita ka•na nanggni kam an•chingo gnanng.

Bi•anichi man•na amgipa dakgiminrangara bebera•a ong•a. “Indiba bebera•a gri namnikgimin ong•na amja; maina Isoloni re•bagipa ua gnanng ine, aro uko am•giparangna man•gniko on•gipa ong•a ine bebera•na nanga.” Ibr 11:6. Jisu An•tangni sninggiparangna inaha, “Uni gimin anga na•simangna agana, Bi•on na•simang pilak jeko bi•a, uko man•aha ine bebera•bo, unon na•simang uarangko man•gen.” Mark 11:24. An•ching Uni katao uko bebera•ama?

[82] Apalgipa aro sima gri ka•dongani ong•a, aro jean ku•rachakaha Uan kakketgipa ong•a. Jensalo an•chingni bi•ani somoio, an•chingni jeko bi•a ua bosturang man•chako an•ching ma•njaoba, Gitel knara aro Ua an•chingni bi•anirangna aganchakgen ine an•ching bebera•na nanga. An•ching inditan gualenga aro niksokja je an•ching basakoba indakgipa bosturangko bi a jekon an•chingna patijawa, aro an•chingni salgini Paa ka•sanio an•chingna on•e an•chingni bi•anirangko aganchaka, jean an•chingna nambatsrangani ong•genchim-nikaniko niksengatchimode an•ching pilak bosturangkon uarangan chong•mot ine nikgenchim, jekon an•ching an•tangtangan man•na sikgenchim. Jensalo an•chingni bi•anirangko aganchakjawa gita nika, ku•rachakaon an•ching magapkuna nanga, maina aganchakani somoi nabachongmotkugen aro an•chingni nangbatako an•ching man•gen. Indiba an•chingni dingtangmancha nangenggipa bostuko man•na sikbeengode aro bi•aniko pangnan

aganchakmanchagen ine dabina saki gri bebe ine ka•dongaiani ong•a. Isolara gualna inditan gisik gnangbegipa ong•a aro uamangoniko nama bakko ra•rikna namdugagipa ong•a jean sronge re•a. Indiba Uo ka•dongna kennabe na•a nang•ni bi•anirangna bakbak aganchakaniko man•jaomangba. Uni chong•mot ku•rachakao pangchakbo, “Bi•bo unon na•simangna on•gen; am•bo, unon na•simang nikgen; doktikbo, unon na•simangna do•ga osogen.” Mati 7:7.

An•chingni kenchakanirang aro ku•rang baksa ku•patianirangko ra•ode ba an•chingni name nikna man•gija mingantiko dakna joton ka•ode an•ching bebera•na skang jajaanirang ningtubate batrorogen. Indiba an•ching pangchaka aro dandana grinike Isolona re•baode, an•ching jekai ong•chongmote, onatao, ka•donge beber•ae Una an•chingni nanganirangko u•iate jeni u•ianian bon•changgijagipa on•ga, jean ong•atano pilakonnika, aro jean Uni ska aro katachi pilakkon sason ka•a Ua an•chingni grapana dakna ama aro dakgen, aro an•chingni ka•tongrango seng•ani teng•suchina. Kakket bebeo bi•anichi an•chingko U•ibegipani gisik baksa nangrimaniona ra•bara. Je ka•sae ka•sabeanio an•chingko an•chingni Pi•okgipani mikkang an•chingni kosako gongdapenga, ua somoi an•chingo sakiko u•irikna man•ani dongja indiba ian ong•a.

Tom•tom ramram bebera•achi, janggi Isol baksa nangrimaniko rakia aro an•tangna rongtalgipa seng•ani ja•dilrangko bilakatna aro Satan baksa dakgrikanio uko rakina gita chimonga. [83]

Nang•ni turam kuturio bi•bo; aro nang•ni salantini kamko ka•na re•on nang•ni ka•tong Isolona de•doako man•chira. Indakesa Enok Isol baksa re•rurahachim. Ia sriksrik b•ianirangara gamchatgipa cha•chat gita ka•sachakani singhasonni mikkangona chadoanga. Jeni ka•tongan Isolo indake dongkama uko Satan amna amja.

Isolona mol•molaniko on•atna gita somoi ba biap kragipa ong•gija donja. Kakket bi•ani gisiko an•chingni Ka•tongrangko de•doaniko an•chingko champengna amgipa mamungba gri. Sorokni mande jinmao, badingchiwalani bijatchio, Artaxerxes rajani mikkango Nehemia uni mol•molaniko dakaha gita. Jeoba an•ching, ong•chong turamtango agangrikaniko an•ching dakna man•a. An•ching okamaigipa ka•tongni do•gako man•na nanggen aro an•chingni okamatani doangon Jisu salgini sokgipa gita re•bae dongna man•gen.

Mitchi seenggipa balwa an•chingko duuloba, an•ching uni bibako rang•sitchapna nangja, indiba salgini rongtalgipa balwao janggi tangna man•a. Kakket bi•anichi Isolni mikkangona de•doatachi namgijagipa chanchichipanirangna aro rongtalgijagipa chanchianirangna an•ching do•gachol damantiko champengna man•a. Isolni patiani aro dakchakaniko man•na jeni katongrangan oa a•gilsaKnina bate rongtalgipa balwao re•ruragen aro salgimung nangrimkamaniko man•gen.

Jisuko rongtalbate nikaniko an•ching aro jringjrotni chong•motgipa gamchataniko, nambata u•ianiko man•na nanga. Rongtalani namgipaan Isolni dedrangni ka•tongrango gapna nanga; aro salgini rongtalgipa parak ong•anirangko an•ching am•na nanggen, jedakode ia chu•sokna man•gen.

Janggi kosakchi doangchina, Isol an•chmgna salgini balwako rang•sitna on•china gita. Inditan Isolona sepange an•chingko rakichina jedakode ka•dongsogijagipa dakmajoani mingantio an•chingni chanchianirangko Isolona an•pilatgen, jekai Bible an•tangan salchina mikkanga gita.

[84] “Nang•ni nanganirangko, nang•ni katchanirangko, nang•ni duk man•arangko, nang•ni simbraanirangko aro kenanirangko Isolni mikkango donbo. Na•a Uko jrimnikatna amjawa, na•a Uko neng•nikatna amjawa. Ua jean nang•ni skooni knirangko channanggipa an•tangni dedrangni nanganirangko simsakgija ong•jawa.” Jakob 5:11. Uni ka•saani ka•tongko an•chingna duk ong•anirangchi aro uarangko an•chingni agananirang mangmangba su•dikea.

Gisikko bingbangatgipa mingantiko Uona ra•angbo. Mamungan Una ripechakna jrimbea gri maina Uan a•gilsakrangko rim•rikgipa ong•a, Uan sal ja askirangni kosako sason ka•gipa ong•a. An•chingni tom•tomanide pangpang Unade u•inan agre chondugaa. An•chingni kamko Ua poraina gita andaldugagipa bak ba oidhai gri, Ua namatna amgija agre neng•dugagipa jajaani dongja. Uni dedrangni saksaoba mamung duk ga•akdapjawa, mamung duk janggiko saknaatjawa indongarangko an•chingni salgini Paa nirokgijagipa ong•jawa ba jeo Ua bakbak gisik nanggijagipa ong•jawa. “Ka•tong be•giminrangko Ua namata, Aro uarangni mata bu•anirangko Ua kagopa.” Git. 147:3. Isol aro janggi sakprakni gisepo nangrimanian inditan ma•eka je gipin janggi dongjachim jena Ua an•tangni saksa kam•kam Depan-teko on•jok.

Jisu inaha, “Uasalo na•simang angni bimungo bi•gen aro anga na•simangni gimin Pagipao bi•chakgen ine anga aganja; maina na•simang angna ka•saaha, aro anga Pagipaoni ong•katbaaha ine ra•simang bebera•aha, uni gimin Pagipa an•tangan na•simangna ka•sara.” Johan 16:26,27. “Angasa na•simangko seaha.....na•simang maikai angni bimungo Pagipaojeko bi•gen ua uko na•simangna on•gen.” Johan 15:16. Indiba Jisuni bimungo bi•nara bi•ani a•bachengao aro bon•kamao bimungko janapmangaian maibana gamchatbata. Jensalo an•ching Uni ku•rachakanirango bebera•a, Uni ka•sachakao pangchaka, aro Uni kamrangko ka•e Jisuni gisik ka•ttongo bi•na nanga.

Ah•ching saksa soenasi ba babaji ong•chenge, olakiani kamna an•tangtango on•kangna gita a•gilsakoni on•gkatsrange dakna nanga ine Isol mangsongja. Janggi Kristoni janggi gita ong•chongmotna nanga-chugipa a•bri aro mande jinmanigisepo. Jean mamungkoba dakgipa bi•raraigipa bakbakan bi•aniko don tonggen, ba uni bi•anirang skang gitan ong•piltaigen. Jensalo manderang an•tangtango jinma janggi tangaoniko, Kristianni dakna nanggnioniko; chisol ripeanoniko chel•e dongsranga, jensalo uamang Gitelna bebe ong•e kam ka•aniko dontangaha, jean uamangna bimchipe kamko ka•aha, uamang bi•ani kamko olgrokata aro olakianina gisik nanga dongja. Uamangni bi•anirang an•tangtangnasan ong•aigen. Uamang mandeni jatni nanganirangna bi•na amja ba Kristoni song nokko bilakate amko ka•na bi•na amja.

[85]

Jensalo an•ching Isolni kamo saksa sakgipinko ka•donggrikate bilakatgrikna apsan nangrime bi•ani cholko simsakjaon an•ching gimako rakia. Isolni katani bebe onganirang an•chingni gisikrango nangchongmotaniko olgrokata. An•chingni ka•tongrang uarangni toromi ong•nikani kamchin chakatate seng•ako dontongata, aro indake an•ching toromni bidingo gongpakenga. Kristianrang ong•e an•chingni nangrimanio, an•ching saksa sakgipinna ka•sagrikani donggijanio olgrobata. Ua jean an•tango chipchanggipa Isolni una on•gimin kamko an•tango kasaata, aro Isolni kamo an•chingko bilakatna aro namrroatna mingsa chol ong•a.

Kristianrang nangrime Isolni ka•saaniko aro gamchatg pa pi•okani katrangko saksa sakgipinna agangrikon, uamangni ka•tongrang an•saogenchim, aro uamang saksa sakgipinkon an•saoatgenchim. An•chingni salgini Paani gimin salantio skianiko

an•ching man•naba gnang, Uni ka•sachakaniko gital gital man•e; unode an•ching Uni ka•saaniko aganna sikgenchim; aro an•ching indake dakon an•chingni ka•tongrang ding•gen aro ka•dongbegen. An•ching Jisuni gimin agangrikbatoke aro chanchibatode, aro an•tangko chanchibrejaode, an•ching Uni donganiko sepangbatnikgen.

[86] An•chingni gimin Uni simsakani saki an•chingo dongani gita an•ching Isolkosan chanchijringkamaiode, an•ching Uko mitelna aro Uni gimin aganna ka•srokgen. Dikdixan dongaigiparangni gimin-san an•ching agana maina urangko an•ching gisik on•a. An•ching an•chingni ripengskarangi gimin agana maina an•ching uamangna ka•sara, an•chingni duk suk ong•anirang uamangmung bakrima. Indiomangba a•gilsakni an•- chingni ripcngrangna ka•saana bate Isolna ka•sana an•chingo a•selrang bang•batachim, aro Ukon skang-gipa donchengna a•gilsako ong•chengna nangachim, Uni namani aro Uni bilko aganna namnikgipa ong•chengna nanga. An•chingna ua dal•bea ka•sae on•aniko on•giminara an•chingni chanchianirangko salopna mangsongjachim aro indigitan ka•saa je an•ching Isolna on•pilskana mamungba gri, iarangan Uko bon•changgija an•chingko gisik ra•atani ong•a, aro baikamgipa ka•saanio an•chingko kana aro an•chingni salgini Ka•sae-dakchakgipana mitelna. An•ching a•gilsakni ongipa a•ani bakrango donga. Hai an•chingni mikron-rangko sakachi donggipa torom nokdringona nigitoatna jeo Isolni rasongni seng•a Kristoni mikkangko teng•sudapa, jean, “Uni gim-inba uchiko Isolna sepangbagiparangko jokatsrangna ama, maina ua uamangni a•sel mol•molchakna jringjrot tanga.”. Ibrî, 7:25.

An•ching Isolko mitelbatna nanga “Uni ka•sae dakani gimin, aro manderangni dedrangna Uni aiao inmanani kamrangni gimin.” Git 107:8. An•chingni chanchibewalanio pangnan bi•kamaiani aro ra•chakkamaiani ong•na nangja. An•chingni nangani-rangnasan pangnan chanchiani ong•na nangja aro an•chingni man•soani namgnirangnasan mamungsaloba ong•jachina. An•ching jekoba bang•dugae bi•na nangja, indiba mitelanikoba on•na nanga. An•chingan Isolni ka•sachanirangko bon•changgijan man•enggiparang ong•a, indiomangba bang•gijasan an•ching mitelskaa, bang•gijasan Uni an•chingna dakgiminna an•ching de•mitelskara.

Skangni salrango Jehova Isrelko jensalo uamang Uni kamni gimin aspan tom•dakon ge•etaha, “Aro uana na•simang na•simangni Isol Jihovani mikango cha•na nanga, aro nang•ni Isol Jihovani nang•ko patigimin na•simangni pilak jakdangdikanio na•simang aro na•simangni nokni manderang katchana nanga.” Deu. 12:7. Isolni rasongna jeko daka ka•sroke uko dakna nanga, ring•mitelachi aro mitele on•anirangchi, duk aro simbrarangchi ong•gija.

An•chingni Isolara ka•sachakgipa aro rinok rinok dakgipa Pagipa ong•a. Uni kamko dukni manderang aro jajrengani kam gita nikna nangja. Jihovako olakina aro Uni kamko ka•panio ka•srokgipa ong•na nanga. Isol rakgipa kam ka•atgipa ong•genchimode, Uo [87] dedrang saksaba dongjawachim, jena Ua inditan janggi jokaniko on•manaha. Uan uamangni nambatsranggipa Ripeng ong•ga; aro jensalo uamang Uko olakia, Ua uamang baksa donga, uamangko ka•dimeatna aro patina gita, uamangni ka•tongrango katchaani aro ka•saniko gapata. Jerangan Uko olakina re•bara uamang an•tangmang baksa Uni ka•sae simsakanini gimin gamchatgipa sim-sakanirangko ra•angchina ska, iedakode uaniangni salanti janggi tangani kamrango ka•srokna man•gen, jedakode uamang pilak kamon kakket aro bebeo dakna man•gen.

An•ching chisolochimongchongmotna nanga. Kristo aro Uko chisolodatkapanian an•chingni chanchibewalani, agangrikani aro kusi ong•batsrangni rokom ong•na nanga. Isoloni patia mingantiko an•chingni man•soanirangko an•chingni chanchianirango rakikamna nanga, aro jeasalo an•ching Uni dal•bea ka•saaniko ma•siahaosa, an•ching, an•chingni a•sel datkapaniko man•aha ine an•ching bebera•gen.

Mitelani grangrango janggi salgichapchap bilgen. Kosako sika moani aro ring•achi Isolko olakia, aro an•ching an•chingni mitelani mitelengon, an•ching salgini kotokni olakianiona sepanganga “Mitelani boliko ong•gipaan angko rasong chaata.” Git. 50:23. Hai an•chingko Ong•atgipani mikkangona, ka•sroke mandera•a gnan re-bana, “katchaani aro ka•srokaniko aro knatogipa ring•anini ku•rangko uano man•gen.” Isa 51 :3. [88]

[89]

Kenchakako Mai Dakna — (What To Do With Doobt)

Bang•an mongsongbate Kristian janggi tanganio jerangan dambe ong•a torom grigiparangni janapachi jajaanirang ong•a. Bibleo uamangni bang•bea talatna man•gijanirang ba u•isranggija gnang, aro Satan Isoloni mingsa parape•ani gita Sastrorango uamangni bebera•aniko moatna iarangkon jakkala. Uamang ina, “Chong•mot ramako anga maikai u•igen? Bible Isolni kata ong•bebeode, ia jajaanirangoni aro kenchakanirangoni, maikai anga jakgitel ong•na amgen?”

An•chingni bebera•o pangchake chu•onga gita sakiko on•gija, Isol mamungsaloba an•chingko bebera•na aganja. Uni dongani, Uni cholon, Uni Katani kakket ong•ani, iarang pilakan an•chingni kamo sakichi mangrakataha; aro ia sakiara bang•bea. Indiomangba Isol mamungsaloba kenchakani kraaniko apjitjaha. An•chingni bebera•ani kamo pangchaka, indiba dake mesokanio ong•ja. Kenchakna sikgiparang cholko man•gen; jensalo bebeko u•ina sikchongmotgiparangna uamangni bebera•aniko pangchake donna chu•onga gita bang•bea sakiko man•gen.

Isolni kamrang ba cholonko u•ina mandenade ong•na ampilgijani gita ong•a. Gisik matsrangipana, ning•tue skie ra•gipa gisikna, ning•tuaniko Rongtalgipa saksa gankama. “Na•a Isolni ning•tuanirangko nikna man•ama? Ba bilaksranggipako chu•soksrange nikna man•ama? Ua salgi gita chua; na•a maiko dakna man•a? An•chingna bate tu•bata; na•a maiko u•ina man•a?” Job 11 :7, 8.

Watata Paul skima, “Aiao Isolni u•iani aro gisikni gam gnan-gani ning•tua Uni bichalrang mairongpile chanchisokgijani, aro Uni ramarang sandina amgijani ong•a.” Rom. 11 :33. Indiba “Aramrang aro andalara uni pilakchin,” dongoba, “Kakket dakan- niara aro name bichal ka•aniara uni singhasonni pangchake dongani ong•a.” An•ching Uni an•- ching baksa dakenganikosan u•ichipna man•aia, aro uni chong•mot ong•anichi miksonganirangko an•ching

[90]

tosokgija ka•saaniko aro bon•changgijagipa bilo ka•sachakani nan-grimgiminko ma•sina man•a. An•ching adita Uni miksonganirangko u•ina man•a, u•ina gita an•chingna namgni ong•a; aro iani badeachikode an•ching Isolni jako ka•dongkuna, je ka•tongan ka•saani gapa.

Isolni Katara, Uni nokgipani kam gitan, ning•tuarangko on•a jekon mande ong•ani, chasonggitalani, chakatpilani, aro Bibleo dongimin bang•a gipin katarangan, mandeni gisknade uko tatlatna ning•tubeani, ong•a, ba chanchichipnamangba. An•ching Isolni Katao kenchakani a•selde gri, maina an•ching Uni donani ning•taaniko u•isokna amja. Je bewaltang a•gilsako an•chingara aiao inmane nin•gtuanirangchi pangnan duulaniko man•a jeko an•ching u•isokja. Janggi tanganio sontoldugaaniba mingsa chanchiani jekon seng•batsranggipa mandeba aganna bilgri. Pilakchin an•chingni u•isokgija aiao inmananirang donga. Indide an•chinga ia a•gilsak toromni bidingo an•ching tosokna amgija ning•tuanirangkoba man•na aiao inmanjawama? Ning•tuaniara mandeni jatni gisikni apchonani aro bilgrianiosan ong•aia. Isol Sastrorango an•chingna uamangni rongtalgipa kamni chu•onga sakiko on•aha, aro an•chinga Uni katao kenchakjana maina an•chinga pilak Uni ning•tuanirangko u•isokja.

Watata Pitor agana iarang Sastrorango gnan, “uni pilak chitirangoba iarangni gimin uarango agana gita; uarango u•iniggijani gnan, jerangko u•igija aro tom•tomjagiparang gipin Sastrorango gita an•tangtango gimaatana choleta.” II Pitor 3:16.

Bibleni neng•nikanirangkon torom grigiparang Bibleni kosako jegrikani gita dona; indiba iandipet, uamang uni rongtalgipa kamni sakiko mangraken dona. Ia Isolni gimin dongjaode indide an•ching altuabeen u•ina amgenchim; indide Bible namgipa bilni gualgijagipa ge•etaniko ra•jawachim. Namen rakbegipa aro bichongni ning•tuaniko Isolni Kata ine rongtale bebera•na donaha.

Bibleara mandeni ka•tongni skanirang aro nanganirangna chu•sokgipa aro rongtalgipa bebeko paraka, skia man•srag- gipa gisikrangko aiao inmane mikbokata, indioba u•igijagipa janggi jokani cholko u•ija. Indiomangba ia janapaigipa katarang inditan nama, inditan chel•beao, inditan mandeni chanchiani gisikni nal-sao jekon an•ching Isolni aganahani giminsa mangmang ra•chakna man•a. Indakesa pi•okani cholko an•chingna oaha, jedakode janggi

sakprakan gisik pil•e Isolona ja•ku ga•baaniko nikna man•gen aro an•chingni Jisu Kristoo bebera•aniko jedakode Isolni donsogimin ramao jokna man•na gita; indiomangba ia kakket ong•anirangni ning•o, Uni rasongni ning•o donnugipa ning•tuanirangko altuabeen u•ina man•jae nin•gtuanian uko amanio gisiko chegipa, indiomangba bebera•e mande ra•anichi bebeko kakketao am•giparangko rongtalata. Badita ua Bibleko am•a, inditan tanggipa Isolni kata ong•a ine uni u•ibatani ong•a, aro mandeni chanchianiara rongtalgipa parape•ani mikkango tubama.

Bibleni dal•gipa kakket ong•anirangko an•ching u•ina amja ine ma•sinara, bon•changgipa gisikara bon•changgijagipa gisikko u•ina chu•ongja ine ra•chaknan nangaia, mande uni bang•pagija mandeni gita u•ianiara bang•begipa u•ianiko man•gipani mangsonganiko u•isokja.

Maina uamang Isolni Katako jechakgipa, torom grigipa pilak ning•tuarangko u•isokja; aro jean Bibleko bebera•a ingipa pilakan iano kenani gnan. Watata agana, “Gisik rakbo jongadarang, tanggipa Isoloni ekangao bebera•gija namgija gisik na•simangoni saksaoaba ong•jana gita.” Ibr. 3:12. Biblen skianira namedake chanchibewalna kraani ong•a aro inditan Sastro rango uarangko parape•ani gita “Isolni tu•anirangkoba” sandina. I Kor. 2:10. “Donnugiminrang an•chingni Isoljihovani ong•a, indiba parape•giminrang pangnan an•chingni.” Deut. 29:29. Indiba ian gisikni sandigipa bilrangko champengna Satanni kam ong•a. Bibleni bebe ong•anirangko chanchion maiba gaorade•anirang brina jedakode Sastroko uamangni ong•nika gita minganti bakko uamang talatna man•jaode manderang onnika aro bilgrinika. Ian uamangna u•ina agre ondugaani ong•a je rongtalgimin katarangko uamang u•ina amja. Uamangna bebeko parakna Isol kranikkujanakingking

[92] uamang chakchike sengsona sikjaenga. Sastroko u•ina uamangni dakchakdapgijagipa mandeni u•ianian uamangna chu•ongbea gita uamang nika, aro iako dakna chu•sokgijanichi, uamang ka•tongchi, uni bilko jechaka. Bang•a bebe ra•sretanirang aro skisretanirang Bibleoni ma•ekbasusu dake ong•na kragipa uni skianio pangchakani dongja aro batesa namgipa kata gimikni pangpilsa ong•a. Iarangan bang•batani gisikrangko kenchakataha aro jajaataha. Iarang jeba ong•chong Isolni Katana kragipa ong•ja, indiba uko mandeni dilsretanisa.

Ong•atgiminrang ong•e Isolni aro Uni kamrangko u•itokna man•ode, indide, mdakgipa bakona sokon, bebeko am•kuna uamangna nangjawachim, u•ianio batrorona nangjawa, ka•tong aro gisikni namroroani dongja. Isolde dal•batgipa ong•jawaha, aro mande u•iani arini bon chotaona sokon anvangkuaniko dontonggnokchim. Indake ong•jahana hai Isolko mitelna. Isolan bon•changgijagipa, Uon, “gisik gnangani aro u•ianini pilak gam donnua donga.” Kolosi. 2:3. Aro jringjrotnina manderang am•kamaengnaba aro skikamaengnaba gnang, aro indiomangba Uni u•ianini gam, Uni namani aro Uni bil mamungsaloba bon•jawa.

Ia chasongomangba Uni Katani kakket onganirangko An•tangni manderangna parakgen ine Isol mangsonga. Mingsa mangmang chol jechi ia u•ianiko man•na ama. Gisikni teng•suchakanichisan mangmang an•ching Isolni katani u•ianiko man•na ama jechi katako on•ahachim. “Isolni Gisikna agre Isolni gnanganirangko pilakba u•ija.” “Maina Gisik pilakkon, Isolni tu•anirangkoba sandia.” I Kor. 2 :11,10. Aro Jokatgipani An•tangni jarikgiparangna ku•rachakani ianchim, “indiba ua bebeni Gisik re•baoa, ua na•simangko pilak bebeona dilgen,” “Maina ua angoniko ra•e na•simangna aganprakgen.” John 16:13, 14.

Mande an•tangni chanchiani bilrangko ranta ka•china Isol ska, aro Bibleko chanchibewale poraianichi gisikko namatgen aro bilakatgen gipinrangko poraigenchimoba indake on•gjawa. Indionangba an•ching miteko gita olakianina gisik mikrakbebo jean bilgriani aro mandeni jatni ong•siani ja•pang ong•a. An•ching Sastrorang donggija an•chingni u•ianiko simdapjagenchimode indide altuabatsranggipa kakket ong•anirangko u•ina man•jawa, an•ching bi•sa chongiparang gita bebera•ani aro namani dongchongmotna nanga, skie ra•na sikgipa, aro Gisik Rongtalgipani dakchakaniko am•enggipa ong•chongmotna nanga. Isolni u•iani aro bilakaniko u•ie aro Uni dal•aniko u•ina an•chingni amgijani an•chingko sontol ong•ate rongtalatgen, aro an•ching Uni Katako oe, Uni rongtalgipani mikkangona an•ching napangna man•na gita. An•ching Bibleona re•baon, chanchianiko an•tangna bate dal•batgipa ong•a ine u•ichongmotna nanga aro ka•tong aro gisik dal•gipa Angan Ong•a ingipana bamna nangchongmota. Bang•bea namedaken neng•nikani ba u•sokgijani gnang jekon Isol uarangko u•ianiko indake am•gipana rongtale aro name dakgen. Indiba Gtsik Rongtalgipani dilani gri an•ching Sas-

troranko u•ina man•kamjawa ba uarangko pe•sretgen. Bibleko bang•e poraiariba man•dapa dongja aro bang•a kamon saknanisan ong•aigen. Jesalo Isolni Katako bi•a gri aro mande ra•a gri badalon, chanchianirangko aro miksonganirangko Isolo ba Uni skanirangmung nangrimanio donjaode gisikko kenchakachi simdapgnok; aro Bibleko poraie chanchibewalanio namgijasa bilakgnok. Bobilan chanchianirangko ning•o done pe•sretanirangko donskagen jerangan bebe ong•a. Basakoba manderang katao ong•gija, Isolmung nangrimna gita ame•nga, unon uamang jegitaba skia man•bo, uamang Sastroko uamangni u•ianio uamang gualna kragipa ong•a aro uamangni agantalatanirangna ka•dongra kenchakani ong•a. Jerangan ong•nikgijanirangko anrna Sastrorangko nigipao janggini nikani gri. Nibewal nikanio uamang bang•a kenchakaniko nikgen aro ramram chong•motko bebera•ja.

Uamangni man•a gita bimang dakjee, bang•a kamon kenchakanio ong•batanian papna ka•saani ong•a. Isolni Katako champenge skianirangko, papko namnikgipa ka•tong, gaorade•gipaona rimchaksoja, aro jeranagan uni nanganirangko manina sikjaenggiparang uni bilna kenchakna taria. Bebeo sokena gita, an•ching bebeko uina aro una bamna kat•ongni sikengani kakketao sikchongmotna nanga. Aro jerangan ia gisiko Bibleko chanchirimna re•baon ian Isolni Kata ong•a ine uamang bang•bea sakiko man•dapgen, aro uamang uni kakket ong•ani u•ianiko mandape

[94] uamangko janggi jokaniona gisik seng•e dakgen. Kristo aganaha, “Saoba Uni namnikako dakna skode, indide ua skia Isoloni ong•ama, anga an•tanganiko aganama, iaka ua u•igen” John 7:17. Nang•ni u•igijagipako sing•chae dongani pal, an•chingni kosako seng•gimin ching•aniko gisik nangbo, unon na•a ching•batkalako man•gen. Kristoni kas•achakachi na•simangna u•ina kragipa mingantiko chu•sokatbo, aro da•o na•a jekon kenchakenga uko chu•sokatna aro dakna man•gen.

Cholko pilaknan oaha-skia man•batsranggipana, aro skianiko man•sranggijana, dake niani kamchi u•iani Isol Uni Katachi chong•mot ong•aniko an•tangtangna dake mesokchina an•chingko okama, Uni ku•rachakarang kakket. “Jehovo nama ine cha•tote nibo;” Ua an•chingko okamaha. Sakgipinni katao pangchakaiani pal an•chiag an•tangtangkon cha•totna nanga. Ua agana, “Da•ona kingking na•simang angni bimungo mamungkoba bi•kuja. Bi•bo

unon man•gen.” Johan 16:24. Uni ku•rachakarang chu•sokgen. Uarangan mamungsaloba chu•sokgija ong•jaha; uarang mamungsaloba chu•sokgija ong•na amja. Aro an•chingko Jisuni sepangbate salbaon Uni ka•saani gapanio ka•sroka, uni dongani seng•anichi kenchaka aro andala gimanggan.

Watata Paul agana, “Ua (Pagipa) an•chigko andalani bilonikojokataha, aro uni ka•saani Depanteni songnoko donskaaha.” Kolosi. 1:13. Aro saioni janggiona batanggipa sakantian “Uni sakiko ra•chakgipa, Isol bebegipa ine ua an•tangan mohor su•a” Johan 3:33. amgipa ong•a. Ua saki on•a ama, “Anga dakchakaniko nanga haon uko Jisuo man•aha. Minganti nangako on•ahachim, aro angni janggini okriako okaatahachim; aro da•o angna Bibleara Jisu Kristo parape•ani ong•a. Maina anga Jisuo bebera•a na•a sing•ama? Maina uan angna saksa namgipa Jokatgipa ong•a. Maina anga Bibleko bebera•a? Maina anga angni janggina uno Isolni ku•rangko man•aha.” Isolni Depante Jisu Kristo ong•a, Bibleara kakketgipa ong•a ine an•ching an•tangtangan sakiko man•na nanga. Togiachi agangipa golporngko chinga ja•rikengaine an•ching u•ina nanga.

“Indiba an•chingni Gitel aro Jokatgipa Jisu Kristoni ka•sara aro u•ianio dal•rorobo,” II Pitor 3:18. ine Pitor jongadarangko agana. Jensalo Isolni manderang ka•saon dal•roroa, uamang pangnan Uni Katani gimin u•ianiko talbatrongen. Uamang gital seng•ani aro nitoaniko aro uni bebe ong•anirangko nirusagen. Pilak chasongni mondolirangni itihaso ian kakket ong•a, aro indakesa bon•kamaona kingking ong•anggen. “Indiba kakketgiparangni rama sal briaona kingking; bate bate teng•suroroanggipa seng•a gita ong•a.” Toe Skia. 4:18.

Iani ja•manogipana aro gisikni dal•roroani gimin Isolni ku•mikchetaniko rim•kepe an•ching bebera•achi nisona man•a, mandeni tikelani baksa rongtalgipa baksa nangrimon janggini bilantikon seng•ani Ja•pang baksa joljol nangrimatea. Isolni an•chingna donsoanio pilak an•chingko jajaatgiminko unon name dakgen ine an•ching ka•srokna man•a; u•isokgijagiparangko unon talgen; aro an•chingni chu•onggijagipa gisikrang jajaani aro miksonggijagipa gisikrang jajaani aro miksonggramani chu•soksranggipa aro namstrangako airching nikgen. “Maina da•o an•chinga janerachi, aganmitapao, nika, indiba unon mikkangchakgrike nikgen. Da•o angni

[96] u•ia chong•diksasan ong•a; indiba unon angko u•iaha gitan anga u•igen.” I Kor. 13:12.

[97]

Gitelo Ka•srokani — (Pejoicing in the Lord)

Isolni dedrangkon Krisconi watatgiparang mingaha, Gitelni ka•saani aro namaniko mesokanggipa. Pagipani kakketgipa kamko Jisu parape•aha gita, an•chingba ia a•gilsakna Kristoko, jean Uni ri-nokgipa ka•sabeaniko u•igijagiparangna parape•na nanga, “Na•a angko a•gilsakona maikae watataha,” ine Jisu inaha, “Uandake angaba uamangko a•gilsakona watataha.” Johan 17:18,23. “Anga uamango, aro na•a angko Na•a angko watataha iako a•gilsak maikai u•ina man•na gita.” Watata Paul Jisuni sninggiparangna agana, “Chingni dangdike on•gimin Kristoni chiti na•simang ong•a ine na•simangko parape•aha.” “Pilak manderangni u•igimin aro po-raigimin.” II Kor. 3:3,2. Uni de sakantion Jisu a•gilsak gimikna chitiko on•ata. Jisu, nang•o dongkame, A•ntangko u•igijagiparangni ka•tongo aganna ska, haida uamang Bibleko poraijanaba gnan, ba uoniko uamangna aganako knakujanaba gnan, uamang Isolni ka•saaniko Uni kamrangchi nikkujanaba gnan. Inbiba na•a Jisuni kakket watatako man•gipa ong•ode, haida nang•chi uni namaniko maikoba uamangba u•inaba donga, aro Una ka•sana aro dangdike on•na ambanaba gnan.

Kristianranga salgini ramao chakiko ra•giparang dake donako man•aha. Uamangara Kristooniko teng•suako man•skae a•gilsakna teng•suskana nanga. Uamangni janggi tangani kam cholon indake ong•na nanga jedakode gipinrangko uamangchin Kristoko kakket u•ina aro Uni kamna man•gen.

An•ching Kristoni pal watatgipa ong•ode an•ching Uni kamko ong•a chong•moto gita mikchaatgipa dakgen. Kristianrang jerangni janggirang duk ong•ani aro skimaniko man•a, aro miteng miteng gipinrangna agangiparang Kristian janggi tangani aro Isolni kakket watatgiparang ong•ja. Isol an•tangni dedrangni katchaaniko nam-nikja ine uamang agana aro iano uamang an•chingni salgini Paako matnange saki on•a.

Satan Isolni dedrangko bebera•gijaona aro gisik nangatgijaona dilsretatna man•on katchabea. Ua an•chingni Isolo ka•donggijaniko

[98]

nikna ka•sroka, Uni an•chingko jokatna skani bilko kenchakatenba. Ua an•chingna ka•samika, Gitel An•tangni donsogimin gita an•chingko saknaatgen. Ka•sae chakchikaniko nangkuenga ine Gitelnipal watatgipa ine mesokna ian Satanni kam ong•a. Uni bebe on•ganiko ua srete janapa. Isolni gimin u•ianiko ong•gija chanchichipaan uo gapa; an•chingni salgini Pagipao kakkete dongkamanipal, an•chingba Satanni srettilanirango an•chingni gisikrangko donronga, aro Uo ka•dongchakgijachi aro kosako miteng miteng inanichi Isolko mandera•ja. Satan pangnan toromo janggi tanganiko mingsa duk gita dakatskana am•a. Neng•nikani aro neng•skimaniko ong•katatna ska; aro jensalo Kristianrang ia toromni bidingo an•tangni janggiko on•a, ua, uni bebera•gijachi Satanni ong•gijao namnikpaa.

Bang•an janggini ramako re•mitingo, uamangni gualanirango aro chu•sokgijanirango aro ka•donggijanirango dongkama, aro uamangni ka•tongrango ka•dongna man•gijani aro duknian gapa. Jensalo anga Europeo dongengachim, saksa nogipa jean indakao ong•enga, aro jean duk skimao ong•enggipa, adita ka•dimeatani katarangni gimin angna seataha. Anga uni chitiko poraimanani wal-sagipao, anga jumangchi bari damsao dongengachim, aro saksa jean barini nokgipa ong•na krara angko barini ramarango re•dilengachim. Anga bibalrangko chimonge uarangni smilao kasrokengon, ia nogipa jean angbaksa re•paengachim, niksrapgijan mainaba ramatangko re•gija dongdikako nikaha. Uno uara skime ma•amengachim. Ua dilgipako ja•rike cholramako re•jaengachim, indiba samgrim aro busugrimni gisepo re•engachim. “Oh” ine ua maamaha, “ia nitobegipa bari bu•sugrim ong•skaanina ka•sachakni ong•jawama?” Unon dilgipa aganaha, “Bu•surang mangmang dongaichina, maina uarang nang•ko saknaatgen.” “Golap bibalrang, lili pulrang aro gitckakm-rangrangko chimongbo.”

[99] Nang•ni janggi tangani kamrango ching•gipa tokarang dongmankuj ama ? Jensalo Isolni Gisikna knachakon nang•ni ka•tongrang, na•a gamchatgipa mitam somoirangko man•kujachimma? Jensalo nang•ni janggi tangani kamrangko nip-ilatton na•a basak basakoba katchaanirangko man•bajama? Isolni ku•rachakanirangara nang•ni ramantio chagipa smilgipa bibalrang gita ong•jama? Na•a uarangni nitoani aro smilanichi nang•ni ka•tongo k•asrokachi gapatjawama ?

Burungni golaprang aro bu•surang nang•ko dikpripe duk man•atanisan ong•aia; aro na•a uarangkosan mangmang chimingode aro uarangkosa gipinrangna on•skaode, na•a an•tangna Isolni namnikaoni tang•angengasan ong•ja, gipinrangkoba janggini ramao re•engaonikoba champengjama ?

Re•anggimin pilak namgijagipa janggi tangani salrangko chanchiatpilanio namani ong•ja-uni namgijagiparangko aro ka•dongna man•gijagiparangko uarangna duk man•skimani bon•kamao dukchi pindapgen. Saksa ka•dongchakna man•gijagipa janggi-silchio andalanian gapaha, an•tangni janggioniko Isolni seng•aniko chipchangata aro sakgipinrangni ramaoba salakimdapata.

Teng•sugipa noksarangko an•chingna on•ahani gimin Isolko mitelbea. Hai Uni ka•saaniko name u•ianio apsan tom•dakode an•ching uarangkong nijringna man•na gita, Isolni Depante Pagipani singhasonko wate, An•tangni rongtalaniko mande ong•anichi gandape, Ua Satanni biloniko mandeko jokatna man•gen; an•chingni palo Uni cheahaon, manderangna salgiko oenba, pindapgijagipa An•tangni rasongni dringko mandena nikanichi parape•ate; papchi ekatgimin tu•begipa akoloniko ga•akgimin jatko de•doaha, aro Isol baksa nangrima.niona rimbapiltaiaha, aro an•chingni Pi•okgipao bebe ra•anichi nina dakanirango chakchike, Kristoni rongtalaniko gane, Uni singhasonna de•mitelaha-iarangan Isolni on•gipa noksarang ong•a. An•ching jensalo Isolni ka•saanio kenchaka gita nika aro Uni ku•rachakanirango ka•dongbrejaon, an•ching Uko manndera•ja aro Uni Gisik Rongtalgipako duk ong•ata. Saksa ma•gipa dedrangni namgnina aro uamangni janggi tanganio dongtoatna joton ka•on, uni dedrang uko matnangkamaon ua maikae chanchigenchim ? Chanchichipe uamang uni ka•sanio kenchakon, uni ka•tongko be•atgenchim. Je ma•a paaba ong•- chong [100] an•tangni dedrangchi indake dakaniko man•on maikai chanchigenchim? Indide maikai an•chingni salgini Paa jensalo an•ching Uni ka•saniko ka•dongchakgija dakon, an•chingko maikai nikgen, jean Ua A•tangni saksa kam•kam Depantekon an•ching janggi jokna man•na gita on•ahachim? Watata sea, “Ua je An•tang Depanteko rakjaha, indiba Uko an•ching pilakna jeko on•aha, Ua unbaksa an•chingna pilakkon maidake ka•sae on•jagen?” Romrangna 3:32. Aro indioba basiksak, uamangni katachi ong•jaoba, kamrangchi

indake aganenga, “Gitel iako angni giminde mangsongja. Haida Ua gipinrangna ka•sara, indiba Ua ka•saja.”

Ia Pilakan na•a an•tangni janggiko saknaatengasa, maina indakgipa kenchakni katamingantiko na•a aganon Santanni ma•joanirangko okamani ong•a; ian nang•ko kenchakaniko batroroatenga, aro dangdike on•enggipa sa•grerangko nang•ni duk ong•atengani ong•a.

Jensalo Satan nang•ko dakmajoa, na•a kenchakani aro andalani katako rang•sitchapnabe. Na•a uni janapanirangna do•gako ona namnikode, nang•ni gisiko ka•dongchakgijani aro bobil dake chakatna skanirangan gapgnok. Na•a nang•ni indake mkani-rangko aganjojoon, kenchake aganjojogiparangni kata mingantian an•tangosan ma•ringaijawa. indiba uan bimik nangnigipa bitchri ong•a, aro sakgipinrangni janggi tanganirango bite nanggen aro nang•ni katarangni jelroioanganiko namatpilna man•j awaha.

Na•a an tangde Satanni, ja•gaoni aro dakmajoaoniko salrikipilna man•naba donga; indiba gipinrang jerangan nang•ni kamchi salangako man•aha, uamangde nang•ni janapgimin bebera•gijanioni jokna amjanaba gnan. Mairongpile gamchata je an•chingni uarangko agana mangmangan janggiko gisikni bibingo bilakataniko on•gen.

[101] Nang•ni salgini Gitelni gimin na•a a•gilsakna maironga kamni rokomrangko aganenga sa•grerang knana knatimenga. Nang•ni golpo ka•anirang Uni gimin ong•china jean Pagipani mikkango nang•ni gimin aganchakaniko dakna donga. Jensalo na•a nang•ni ripeng saksani dakchakaniko man•a nang ni ku•chilchi aro ka•tongo Isolko demitelbo. Ian Jisuna uni chanchianiko salanggen.

Pilakan nina dakanirangko man•a, amchakgija dukni-rangko man•a, warachakna ampilgija majoanirangko. Nang•ni ripengskaranga agannabe, indiba pilakkon bi•achi Isolona ra•angbo. Ka•dongchagijaniko ba kenchakani kata mingsakoba mamungsaloba aganjawa ine niamko dakbo. Gipinrangni janggi tangniko nambatatna aro mangrakbatatna kamrangko, ka•dongani katarangchi aro rongtalgipa ka•srokatanichi dakna man•bafgen.

Ka•donggipa janggi bang•a, dakmajoaanichi namedaken sinjetako man•on, an•tangchi aro namgijagipa bilchi amako man•nasiahaon. Uni kreganio uko ka•dongatgija daknabe. Ka•dongdilachi ka•srokatbo, ka•dongatani katarangan uni ramao uko didiatgen. In-

dakesa Kristoni seng•a nang•oni seng•angna man•gen. “Pilakba an•tangna tangja.” Rom. 14:7. An•chingni u•igija kamrangchi gipinrangko bilakatani aro ka•dongatani ong•naba gnang, ba uamang ka dongna man•jae Kristooni aro bebeoni ekangnaba donga.

Mitamrang Kristoni kam aro janggi gnangani gimin maibakae chanchisreta. Uo katchaa aro ka•srokani gri ong•e sikdikdik ong•aia ine mitamranga chanchia. Bang•a obostarangon toromni kam gimikon ia gurimikmik nikanichi simdapaha..

Jisu mikchi ong•a ine aganrorga, Ua mamungsaloba ka•dingsmitaniko u•ijachim. An•chingni Gitelara dukni mande bebean aro duk baksa dongkama, maina Ua pilak manderangni duk mananirangna An•tangni ka•tongko okamaha. Indiba Uni mikkango duk man•ani chinko mesokjaha indiba tom•tomkamgipa saksa ong•a ine mesokaha. Uni ka•tong janggini chimik gita ong•achim, aro Ua jechi re•anga Ua neng•takani aro lom•tomani, ka•srokani aro katchaaniko ra•bitkama.

An•chingni Gitelara kakketao chanchigipa ong•achim indiba mamungsaloba duk ong•ja aro mikmenggugu dakja. Jerangan Uni janggi tanganiko ja•rikgiparang kakketao miksonganian gapgen; uamang an•tangtangni dakna nangani kamko ning•tuen u•igen. Ka•onangrakjawa, gangbingjawa, ku•rakachi aganjawa; indiba dilsa chibima gita Jisuni toroman tom•tomaniko on•a. Ian katchaani teng•ako kimitja; ian ka•srokaniko salrikja ba namgipa salnangchakgipa mikkangko salakkimdapja. Kristo An•tangna dangdike on•aniko man•na re•bajaha. Indiba dang- dike on•skana; aro [102] Uni ka•saanichi ka•tongko sason ka•ahaon, an•ching Uni dakmesokaniko ja•rikgen.

An•ching gipinrangni kakketgijagipa aro ka•sagijagipakamrangko an•chingni gisikrango donkamsrangode, Kristo an•chingna jekai ka•saaha, uamangna ka•saskana amchongmotjawa; indiba an•chingni chanchianirangara aiao inmangipa an•chingna Kristoni ka•sachakani aro ka•saanion dongkamode, ua apsan gisik gipinrango jokskagen. Nikeba an•ching dakchakna man•gijagipa chu•sokgijagipa aro gualarango pangchakgija saksa sakgipinko ka•sae mandera•na nanga. Bamani aro an•tangosa ka•dongaigijaniko dakna nanga aro sakgipinrangni gualarango rinokachi chakchikbo. Ian pilak an•tangna chanchi-

aianiranko so•ote galtokenba ka•tongo dal•ate ka•sachakgipa an•chingko dakgen.

Gitrango agana, “Jehovao ka•dongbo, aro namako dakbo; A•songo dongkambo aro bebe ong•ako cha•ambo.” Gitarang 37:3. “Jehovao ka•dongbo,” Salantian an•tangni boja gnan, an•tangni simsakanirang aro jajrenganirang gnan; aro jerangko an•ching re•grongon, an•chingni dukrangko aro neng•nikaniranko aganna mairongpile tarikama. Inditan dukrang aro kengnirang napdraba, indakgipa dukrangchi jrimahaon, ka•sachakgipa, ka•saenggipa Jokatgipa dongja chingni pilak nangnikanirango knachakna aro an•chingni ong•enggipa nanga changantion dakchakna tarigipa gri ine saoba saksa chanchia.

Mitamrangara pangnan kenkame dukko ra•sroenga. Salantion uamang Isolni kasaaniko maniamana; salantion uamang Uni patiani bang•beanoniko ka•srokenga, indiba ia patianiranko uamang nikchanga. Uamangni gisikrango maiba melibregijanian dongkame kenanina kenchakkama; ba mitam neng•nikanirang dongbebenaba gnan, jean chonbeoba, uamangni mitelmitchuna nanganirangoniko uamangni mikronrangko mikgriata. Je neng•nikaniko uamang man•aha, uarangko Isolona ra•angani pal, jean uamangni dakchakni ja•pangmangmang ong•aiachim, Uoni dingtange donga, maina uamang neng•takani grichi mikrakaha.

[103] Indakgipa bebe ra•ani ong•na an•ching namama? Maina an•chingara mitelmitchugijagipa aro ka•dongchakgijagipa ong•gcnchim? Jisu an•chingni ripeng ong•a; pilak salgirang an•chingni namgnini gimin gisiko nangaha. An•ching salanti janggi tanganio duk ong•ani aro jajrenganiranko ra•napate gisikko duk ong•atna aro chanchianiko simkapatna nangja. An•ching indake dakode an•chingo maiba namgija dakatna aro ka•ongatna dongkamaegen. An•chingni duk man•aniranko namatna dakchakgijagipa batesa an•chingko neng•atgiparangko okamna nangja.

Nang•ni badingchiwalanio na•a jajanaba gnan, nang•ni obosta namroroangjanaba gnan; indiba na•a ka•doggija ong•na a•bchengnabe, nang•ni kamko Isolna pakwatbo aro ka•sroke dongkambo. Name nang•ni kamrango dakna man•na gita u•ianiko bi•bo, indakon gimaani aro bon•aniko champenga. Namgipa kamni biterangko ra•bana nang•ni dakna nanggni kamrangko ka•bo. Jisu an•tangni dakchakniko ku•rachakaha; indiba an•chingni kam kagi-

jaoniko ong•ja. Jensalo, nang•ni ama gita nang•ni dakna nangg•niko dakmane, an•chingni Dakchapgipao pangchakon, kamni biteko ka•sroke ra•chakbo.

Isolni manderang dakmajoaniko man•china ine Isolni mangsonga ong•ja. Indiba an•chingni Gitel an•chingko dakmajoja. Ua an•chingna aganja, “Daken; na•simangni ramao kengnirang gri.” Kengnirang aro dukrang dongako Ua u•ia Ua an•chingko paraken daka. Ua An•chingni manderangko namgijagipa papni a•gilsakoniko ra•angna janapjaha; indiba Ua uamangna katnapaniko mesokataha. Uni An•tangni sniggiparangna bi•ani indake ong•achim, “Na•a uamangko a•gilsakoniko ra•angbo ine anga bi•ja, indiba namgijagipaoniko rakibo ine anga bi•a,” Johan 17:15. “A•gilsako” ine Ua aganaha, “Na•simang duk man•bea, indiba ka•dongbo, angan a•gilsako amaha.” Johan 16:33.

A•brio Uni skiano, Kristo An•tangni sniggiparangna Isolo ka•donganiko nanganini gimin skiaha. Ia skianirangan Isolni de-drangko pilak chasongrangonan ka•dongdilatna dongimin ong•a, aro uarang an•chingni salrangona kingkingan ka•dimeani aro skianian gapgipa ong•baaha. Jokatgipa An•tangko sakoni do•drangko mesokaha uamang ring•mitela, uamang simbraja sintianirangchi, maina, “uarang satja, aro raja,” Indioba salgini Paa uarangna nanganirangko on•a, Gitel singa•ha?, “Na•simang uarangna bate namen nambatjama ?” Mati 6:26. Dal•gipa Algipa mande aro matburungrangna An•tangni jakko oe An•tangni pilak ong•atgiminrangna nanganirangko on•a. Sakni do•drang Uni simsakgijanio ongja. Ua uarangni ku•sikrango cha•anirangko donatja, indiba Ua uarangni nanganirangna cha•anirangko daka. Uarangna Uni satgimin cha•anirangko uarang chimongna nanga. Uarangni chongipa bitiprangna uarang nanganirangko chimongna nanga. Uarang an•tamangni bi•sarangko alduna nanga. Uarangni kamna uarang mikoe re•ongkata, maina “na•simangni salgini Pa auarangna alduenga.” Aro, “Na•simang uarangna bate namen nambatjama?” Na•simang, gisik gnange, gisiko olakigiparang ong•e. sakui do•drangna gamchatbatjama? An•chingko dakgipa, an•chingni janggiko rakkigipa, jean An•tangni bimang gita an•chingko ong•atgipa, an•ching Uo ka•dongode an•chingni nanganirangko on•jawama?

[104]

Kristo An•tangni sniggiparangna a•bani bibalrangko mesokaha, nitobce nambce balenggipa aro ramram nitoanio teng sue jekon sal-

gini Paa mandena An•tangni Kasaaniko mesokna uarangko on•aha. Ua agana, “A•bao chagipa bibalrangko nie chanchibo, maikai uarang chaa.” Solomonni gam gnanganian ia bibalrangni nitoani gita sokkujachim. Dakna rikna sabbatsranggiparangni daka rikaba Isolni ong•atgimin bibalrangni ching•e nitoani baksa tosusaode mamugasaloba sokkajachim. Jisu sing•aha, “Indide da•alo gnange, ua knalo chu•dapo galako man•gnigipa ab•aoni samko Isol indake ganatchinatode, O bebera•bregijagiparang, ua na•simangko batesa ganatchinatjagenma?” Mati 6:30. Tsol, namgipa dakgipa, salsanon gimagnigipa bibalrangna similgipa bibarangko aro nitogipa rongrangko on•ode, indide mairongpile A•tangni jagring gita ong•atgipana simsakbatjawama? • Ia Kristo chanchikamgipako manangani ong•a.

[105] Jehova An•tangni depanterang aro demechikrang kusi ong•gipa aro tom•tomgipa aro bangiparangko man•genchim. Jisu agana, “Tom•tom donganiko anga na•simangna donanga, angni tom•tom donganiko anga nasimangna on•a; a•gilsakni on•a gita anga onj•a. N•asimangni Ka•tong jajrengjachina aro kenjachina.” Johan, 14:27. “Angni katchaa maikai na•simangon ong•gen, aro na•simangni katchaa maikai chu•sokgen.” Johan 15:11.

An•tangnasan chanchiaiani gisikoniko, dakna nangni ramani nalsachiko kusi ong•aniko am•on, saknagipa, kasachakgnigipa, dingtanganggipa; uan bon•anga, aro janggio sikdikdik duk ong•aniko gapata; indiba Isolni kamko ka•anio chu•ongnikani aro katchaani gaang; Kristianko badiaba ka•donggijani ramao re•china watangjaha; ka•dongchakna man•gijagiparango aro duknirangona uko watangjaha. An•ching ia janggi tanganio katchaaniko man•jahaode janggi tangani nalsachiko nienganio an•ching ka srokaniko man•kunaba gnang.

Indiba ianomangba Kristianrang Kristo baksa nangri-manio katchaaniko man•na ama; Uni donganichi namgipa ka•dimesranganiko, Uni ka•saani seng•aniko uamang man•naba ama. Janggi tanagani ja kuantio Kristoona an•chingko sepangbatatna, Uni ka•saani kamko an•chingna ning•tubat kale on•na ama, aro tom•tomni namgipa nokona ja•kuprak an•chingko sepangbatata. Indide an•chingni ka•donganiko galjana, indiba kim•kim ka•donganiko man•a, skangna bate mangrakbatkale. “Iandipet Jehova chingko dakchakaha,” I Samuel 7:12. Hai an•ching gisik

ra•na songdogimin krongko nina, nisigipani jakoniko an•chingko jokatna aro ka•dimeatna Gitel maiko dakaha uko gisik ra•e. Isolni an•chingna ka•sae mesokgimin pilak namgipa ka•saanirangko an•chingni gisik ra•anio gital rakikamna hai mikchirangko Ua epakaha, saknanirangko Ua natnataha, jajrenganirangko tang•ataha, kenanirangko gimaataha, nanganirangko on•aha, patianirangko patiaha indake an•tangtango pilak an•chingni mikkangchi dongkuenggipa songreani jolgimiko bilakatangna.

Re•baenggipa duknio gital jajanirangko nisoana agre an•ching mamungba gri, indiba re•anggimino maikai re•bagnigipako an•ching nisoe aganna, “Iandipet Jehova chingko dakchakaha,” “Aro nang•ni salarng gita nang•ni bilakani ong•gen.” Deuteronomy 33:25. Duk bilakanina batjawa jekon an•chingna uko ra•chakna amna gita ong•en. Indide jeo an•ching uko man•a an•chingni kamko hai ra•bo, je ong•oba bebera•e, an•chingni ong•gigipa dukrangna bilakani chu•onga. Aro ka•sne Isolni dedrangko rimnapna salgini do•garangko ogen, aro rasongni Rajani ku•chilrangoni knatobegipa ska moani gita uamangni nachikolrangona bon•kamgipa agananiko knagen, “Re•babo, Ang Paani patiako man•giparang, a•gilsak a•bachengantaltal na•simangna daksoa songnokko man•rikbo.” Mati. 25:34. [106]

Unon pi•oka man•giminrangko nokona rimnapgnok jekon Jisu uamangna tarienga. Uano a•gilsakni namgijagiparang, tol•giparang, til•ekgiparang, rongtalgijagiparang aro bebera•gijagiparangmung uamang ripeng ong•jawa; indiba Satanko amgiparang baksa uamang ripeng ong•gen, aro rongtala ka•sachakachi chu•soksranggipa kam cholonrang ong•gnok. Papni ska minganti, chu•sokgijani minganti jechin uamangko iano saknaata, Kristoni an•chichi cheatgnok, aro salni teng•suanina namen batgipa, Uni cholonni chu•soksranganiko uamango teng•sudapon, ia kosako nikgipa ching•anina namen batgnok. Dal•gipa namgipa singhasonni mikkango uamangara dos grigiparang ong•e, sa•grerangni mikkim aro gunrango bak man•para.

Rasongni man•rikani unin ong•gnok, “...mande an•tang janggini pal ine maiko on•sregen?” Mati 16:26. Ua kangal ong•naba gngang, indiomangba a•gilsak mamungsaloba patina man•pilgijagipa mikkim aro gamsengko an•tangna man•a. Pi•okgimin janggi, paponi talatgimin, Isolni kamna an•tangni gamchatgipa bilrangchi on•kanggimin gamchatatbeani ong•a; aro Isolni aro sa•grerangni

mikkango pi•okgimin janggi saksani kosako salgio katchaani ong•a,
je katchaniko rongtalgi a cheani gitrango mesokaha.